



SLUŽBENE NOVINE

KANTONA SARAJEVO

Godina XXIII – Broj 12

Četvrtak, 22. marta 2018. godine
S A R A J E V O

ISSN 1512-7052

KANTON SARAJEVO

Skupština Kantona Sarajevo

Na osnovu člana 119. i 229. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, i br. 15/13, 47/13, 47/15 i 48/16), Skupština Kantona Sarajevo, na sjednici održanoj dana 19.03.2018. godine, povodom razmatranja prijedloga za glasanje o nepovjerenju Vladi Kantona Sarajevo, donijela je

ODLUKU

I

Skupština Kantona Sarajevo je izglasala Odluku o nepovjerenju Vladi Kantona Sarajevo u sastavu:

Elmedin Konaković, premijer

1. Mario Nenadić, ministar Ministarstva pravde i uprave,
2. Čedomir Lukić, ministar Ministarstva prostornog uređenja, građenja i zaštite okoliša,
3. Senad Hasanspahić, ministar Ministarstva komunalne privrede i infrastrukture,
4. Mujo Fišo, ministar Ministarstva saobraćaja,
5. Vedran Mulabdić, ministar Ministarstva unutrašnjih poslova,
6. Muharem Šabić, ministar Ministarstva privrede,
7. Jasmin Halebić, ministar Ministarstva finansija,
8. Zilha Ademaj, ministrica Ministarstva zdravstva,
9. Elvir Kazazović, ministar Ministarstva za obrazovanje, nauku i mlade,
10. Mirvad Kurić, ministar Ministarstva kulture i sporta,
11. Amela Dautbegović, ministrica Ministarstvo za rad, socijalnu politiku, raseljena lica i izbjeglice,
12. Muharem Fišo, Ministarstvo za boračka pitanja.

II

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-14551/18
19. marta 2018. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Vlada Kantona Sarajevo

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 117. vanrednoj sjednici održanoj 15.03.2018. godine, donosi sljedeći

ZAKLJUČAK

1. Prihvata se tekst Sporazuma o osnovici za obračun plaća u 2018. godini za djelatnosti srednjeg obrazovanja i kulture u Kantonu Sarajevo.
2. Ovlašćuje se premijer Kantona Sarajevo da u ime Vlade Kantona Sarajevo potpiše Sporazum iz tačke 1. ovog Zaključka.
3. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-14056-1/18

15. marta 2018. godine
Sarajevo

Premijer
Elmedin Konaković, s. r.

Na osnovu članova 49. i 57. Kolektivnog ugovora za djelatnosti srednjeg obrazovanja ("Službene novine Kantona Sarajevo", broj 42/16), Pregovarački tim Vlade Kantona Sarajevo i Pregovarački tim Sindikata srednjeg i visokog obrazovanja, odgoja, nauke i kulture BiH - Kantonalni odbor Kantona Sarajevo (u daljem tekstu: ugovorne strane), dana 16.03.2018. godine, postigli su sljedeći

SPORAZUM

O OSNOVICI ZA OBRAČUN PLAĆA U 2018. GODINI ZA DJELATNOSTI SREDNJEG OBRAZOVANJA I KULTURE U KANTONU SARAJEVO

Član 1.

Ovim Sporazumom ugovorne strane dogovorile su osnovicu za obračun plaća u 2018. godini za radnike u djelatnosti srednjeg obrazovanja i kulture u iznosu od 290,00 KM.

Član 2.

Ugovorne strane su saglasne da će, u slučaju sticanja finansijskih mogućnosti za uvećanje osnovice, na kraju svakog kvartala u 2018. godini zajednički razmatrati i sporazumno utvrđivati veću osnovicu od one koja je utvrđena u članu 1. ovog Sporazuma.

Član 3.

Primjena osnovice iz člana 1. ovog Sporazuma počinje od 01.01.2018. godine.

Član 4.

Ovaj Sporazum je potpisan u šest istovjetnih primjeraka od kojih svaka ugovorna strana zadržava po dva, a jedan primjerak dostavlja se Ministarstvu finansija Kantona Sarajevo i drugi "Službenim novinama Kantona Sarajevo" na objavu.

Član 5.

Ovaj Sporazum će biti objavljen u "Službenim novinama Kantona Sarajevo".

Broj 05-2-30-1/18
16. marta 2018. godine
Sarajevo

Broj 02-14-13950-1/18
16. marta 2018. godine
Sarajevo

Za

Za

Sindikat srednjeg i visokog
obrazovanja odgoja, nauke i
kulture BiH - Kantonalni odbor

Vladu Kantona Sarajevo

Kantona Sarajevo

Predsjednik

Premijer

Faruk Bešlić, s. r.

Elmedin Konaković, s. r.

Na osnovu članova 137., 138. st. (3) i (4) i člana 182. Zakona o radu ("Službene novine Federacije BiH", broj 26/16), i člana 32. Općeg Kolektivnog ugovora za teritorij Federacije Bosne i Hercegovine ("Službene novine Federacije BiH", broj 62/16), Sindikat srednjeg i visokog obrazovanja, odgoja, nauke i kulture Bosne i Hercegovine Kantonalni odbor Kantona Sarajevo, u daljem tekstu Sindikat kao predstavnik radnika i Vlada Kantona Sarajevo kao poslodavac u daljem tekstu Vlada kao predstavnik poslodavca, zaključuju

KOLEKTIVNI UGOVOR

ZA DJELATNOST SREDNJEG OBRAZOVANJA U KANTONU SARAJEVO

I - OPĆE ODREDBE

Strane Kolektivnog ugovora

Član 1.

Ugovorne strane su:

- Vlada Kantona Sarajevo, kao poslodavac,
- Sindikat srednjeg i visokog obrazovanja, odgoja, nauke i kulture BiH, Kantonalni odbor Kantona Sarajevo, kao predstavnik radnika.

Član 2.

Na strani poslodavca ovaj kolektivni ugovor obavezuje Vladu Kantona Sarajevo, školske odbore i direktore ustanova u kojim se obavlja srednjoškolska djelatnost.

Član 3.

Ovim Kolektivnim ugovorom za djelatnost srednjeg obrazovanja (u daljem tekstu: Kolektivni ugovor) uređuju se prava i obaveze poslodavca i radnika iz rada i po osnovu rada u ustanovama srednjeg obrazovanja, ustanovama za školovanje učenika sa posebnim potrebama, domovima učenika Kantona Sarajevo i svim drugim ustanovama srednjeg obrazovanja (u daljem tekstu: ustanova).

Član 4.

Finansijska sredstva za plaće i naknade i druga primanja radnika u ustanovama srednjeg obrazovanja, predviđena ovim Kolektivnim ugovorom, planiraju se i osiguravaju u budžetu Kantona, odnosno osnivača.

Član 5.

- Ovaj Kolektivni ugovor obavezuje sve strane koje su ga sklopile, te sva druga pravna lica koja naknadno pristupe Kolektivnom ugovoru.
- Strane koje su zaključile ovaj Ugovor moraju se brinuti za izvršenje i poštivanje odredbi ovog Ugovora.

Ravnopravnost spolova

Član 6.

Odredbe ovog Kolektivnog ugovora odnose se podjednako na lica muškog i ženskog pola, bez obzira na rod imenice upotrijebljen u tekstu Kolektivnog ugovora.

Načela primjene Kolektivnog ugovora

Član 7.

- Ugovorne strane saglasne su da će se zalagati i rukovoditi:
 - načelom primjene u dobroj vjeri;
 - načelom promocije socijalnog partnerstva i kolektivnog pregovaranja;
 - načelom mirnog rješavanja sporova.
- Polazeći od konvencije 87. i 98. Međunarodne organizacije rada, potpisnici su saglasni da će uvažavati opštedruštvenu važnost sindikata i sindikalnog rada zbog:
 - veće vjerodostojnosti socijalnog partnerstva i kolektivnog pregovaranja;
 - većeg stepena društvene stabilnosti, odgovornosti i kompetentnosti socijalnih partnera;
 - razvijanja načela uzajamnosti i odgovornosti radnika za unapređenje prava iz radnog odnosa;
 - većeg uključivanja svih radnika u odlučivanju o uslovima svog rada i života;
 - jačanje demokratske kulture i svijesti o zajedničkoj odgovornosti za opće dobro.
- Radi podsticanja i zaštite slobodnog i nesmetanog sindikalnog organizovanja i djelovanja, potpisnici će se zajednički zauzimati za ostvarivanja povoljnog normativnog okvira, u skladu sa međunarodnim standardima i komparativnim iskustvima.

Definicije pojmova korištenih u Kolektivnom ugovoru

Član 8.

Pojmovi korišteni u ovom zakonu imaju sljedeće značenje:

- "poslodavac", u smislu ovog ugovora je Vlada Kantona Sarajevo i srednja škola sa svojim osnivačem;
- "radno mjesto" je pozicija utvrđena nastavnim planom i programom, pedagoškim standardima i normativnim aktom ustanove (Pravilnik o radu i Pravilnik o sistematizaciji radnih mjesta) na koje se postavlja radnik za vršenje poslova utvrđenih za to radno mjesto;
- "platni razred" predstavlja razvrstavanje radnih mjesta utvrđenih Pravilnikom o radu i Pravilnikom o sistematizaciji radnih mjesta ustanove u određene pozicije radi određivanja iznosa osnovne plaće radnika;
- "koeficijent" predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede ustanove i služi za utvrđivanje visine osnovne plaće;
- "osnovica za obračun plaće" predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće.

Član 9.

Općim aktima srednje škole ne mogu se utvrditi manja prava radnika od prava koja su utvrđena ovim kolektivnim ugovorom.

Član 10.

U svim pitanjima iz radnog odnosa koja nisu uređena Zakonom o radu, Zakonom o srednjem obrazovanju i ovim kolektivnim ugovorom, primjenjuje se Opći kolektivni ugovor za teritoriju Federacije Bosne i Hercegovine.

II - RADNI ODNOS

Zasnivanje radnog odnosa

Član 11.

- (1) U školama i ustanovama radni odnos zasnivaju direktori, pomoćnici direktora, profesori-nastavnici, odgajatelji, stručni saradnici, saradnici i radnici za obavljanje drugih poslova osnovne djelatnosti srednje škole, tehničkih i pomoćno-tehničkih poslova (u daljem tekstu: radnik), u skladu sa općim i posebnim uslovima.
- (2) Radnik iz stava (1) ovog člana ostvaruje prava iz radnog odnosa u skladu sa zakonom, podzakonskim aktima, ovim kolektivnim ugovorom i općim aktima srednje škole.
- (3) Kao poseban uslov za zasnivanje radnog odnosa, pored uslova utvrđenih zakonom, ne mogu se utvrđivati godine života, izuzev donje granice propisane zakonom.
- (4) Radni odnos može se zasnovati i angažovanjem radnika na odgojno-obrazovnim projektima od posebnog interesa za Kanton Sarajevo.
- (5) Radnici iz stava (4) ovog člana mogu se finansirati putem tekućih grantova ili transfera, u skladu sa posebnim sporazumima iz čl. 4. i 47. ovog Kolektivnog ugovora.
- (6) Radnik koji je imenovan na funkciju direktora ustanove i ima ugovor o radu na neodređeno vrijeme u ustanovi, na njegov će zahtjev ugovor o radu mirovati do prestanka mandata.
- (7) Zahtjev iz stava (6) ovog člana direktor podnosi upravnom/školskom odboru u roku od 15 dana od imenovanja na funkciju direktora ustanove.
- (8) Radnik iz stava (6) ovog člana ima se pravo vratiti na rad u ustanovu/školu u kojoj je prethodno radio, ako podnese pismeni zahtjev za povratak na te poslove u roku od 15 dana od dana prestanka obavljanja poslova direktora, u protivnom mu prestaje radni odnos.
- (9) Ako je za sticanje određenih prava važno prethodno trajanje radnog odnosa s istim poslodavcem, radniku iz stava (6) ovog člana, nakon povratka na rad, period mirovanja ugovora o radu ubraja se u neprekinuto trajanje radnog odnosa.
- (10) Radnika iz stava (6) ovog člana do povratka na poslove za koje mu ugovor o radu miruje zamjenjuju lica u radnom odnosu koji se zasniva isključivo na određeno vrijeme u najdužem trajanju do dvije godine.
- (11) Na prava i obaveze radnika iz stava (6) ovog člana primjenjuju se odgovarajuće odredbe zakona i važećih kolektivnih ugovora, kojima se uređuju prava i obaveze iz radnog odnosa, a koje nisu utvrđene ovim Kolektivnim ugovorom.

Član 12.

Rad radnika u školama i ustanovama zasniva se na zakonu i podzakonskim aktima kojima se reguliše srednje obrazovanje, nastavnim planovima i programima, pedagoškim standardima i normativima koji se primjenjuju za rad srednjih škola i općim aktima škole, u čijem donošenju i utvrđivanju učestvuje Sindikat.

Član 13.

Poslodavac u smislu ovog ugovora je Vlada Kantona Sarajevo i srednja škola sa svojim osnivačem, kod koje je radnik u radnom odnosu i obavlja određene poslove i zadatke, i po tom osnovu poslodavac isplaćuje radniku plaću i izvršava druge obaveze iz radnog odnosa u skladu sa zakonom, ovim kolektivnim ugovorom i općim aktima škole.

Član 14.

- (1) Ugovor o radu u srednjoj školi može zaključiti lice koje ima opću zdravstvenu sposobnost utvrđenu od nadležne zdravstvene ustanove, u skladu sa odredbama Zakona o srednjem obrazovanju koje regulišu ovu oblast.
- (2) Radnik u srednjoj školi koji u toku trajanja ugovora o radu oboli od zarazne ili duševne bolesti ne može obavljati odgojno-obrazovni rad sve dok traju takve okolnosti, odnosno dok radnik ne pribavi uvjerenje odgovarajuće zdravstvene ustanove o zdravstvenoj sposobnosti.

Član 15.

- (1) Radnik u srednjoj školi zaključuje ugovor o radu na osnovu javnog konkursa, odnosno oglasa, koji se objavljuje u sredstvima javnog informisanja i na Web stranici Ministarstva za obrazovanje nauku i mlade Kantona Sarajevo.
- (2) Za zaključenje ugovora o radu profesora-nastavnika, odgajatelja i stručnih saradnika i saradnika ustanova srednjeg obrazovanja obavezno raspisuje konkurs, a za ostale radnike raspisuje se oglas.
- (3) Kandidatima koji su učestvovali u konkursnoj proceduri, odnosno javili se na oglas, dostavlja se odluka o izboru kandidata i pisana obavijest rezultatima konkursa - oglasa sa poukom o pravnom lijeku.
- (4) Kandidat koji nije primljen u radni odnos ima pravo uvida u konkursni materijal i može podnijeti prigovor školskom odboru srednje škole u roku od sedam dana od dana prijema obavijesti.
- (5) Prigovor na odluku o izboru kandidata iz stava (3) ovog člana zadržava izvršenje odluke o izboru kandidata.
- (6) Školski odbor srednje škole dužan je o prigovoru iz prethodnog stava ovog člana odlučiti u roku od osam dana od dana podnošenje prigovora.
- (7) Odluka koja je donijeta po prigovoru je konačna.

Ugovor o radu

Član 16.

Radni odnos u srednjoj školi zasniva se zaključivanjem ugovora o radu između radnika i direktora škole sa danom otpočinjanja rada, odnosno stupanja na rad radnika, u skladu sa ugovorom o radu.

Član 17.

Ugovor o radu pored svih elemenata utvrđenih zakonom, podzakonskim aktima, ovim kolektivnim ugovorom i općim aktom ustanove srednjeg obrazovanja, sadrži poslove i zadatke na koje se angažuje radnik: opis poslova i zadataka, norma časova, obaveze koje proističu za radnika iz radnog odnosa u pogledu stručnog usavršavanja, daljeg obrazovanja i unapređivanja rada radnika i u skladu sa odgovarajućim pedagoškim standardima i normativima.

Probni rad

Član 18.

- (1) Poslodavac može ugovoriti probni rad u trajanju od šest mjeseci.
- (2) Za vrijeme trajanja probnog rada radnik iz stava (1) ovog člana predstavlja poslodavca - direktor će odrediti stručnu tročlanu komisiju za ocjenu rada nastavnika i stručnih saradnika, saradnika i drugih radnika u kojoj će obavezno biti uključen i predsjednik odgovarajućeg stručnog aktiva, a koja će vršiti provjeru radnih i stručnih sposobnosti radnika za izvršavanje poslova i zadataka na koje je raspoređen i o tome dostaviti ocjenu, odnosno mišljenje.

Član 19.

Ako predstavnik poslodavca-direktor srednje škole i nakon isteka trajanja probnog rada ne donese odluku o prestanku radnog odnosa, smatra se da je radnik zadovoljio na probnom radu, te radni odnos radnika traje u skladu sa zaključenim ugovorom.

Član 20.

Za radnika koji na probnom radu ne zadovolji, poslodavac srednje škole donijet će odluku o prestanku ugovora o radu sa otkaznim rokom od najmanje sedam dana.

Član 21.

Radniku u srednjoj školi koji je za vrijeme trajanja probnog rada određeni vremenski period bio odsutan s rada iz opravdanih razloga utvrđenih zakonom i ovim kolektivnim ugovorom, probni rad se produžava za taj dio vremena.

Ugovor o radu na određeno vrijeme

Član 22.

Ugovor o radu može se zaključiti na određeno vrijeme za obavljanje vanrednih ili privremenih ili povremenih poslova ili poslova čiji se opseg privremeno povećao, a koji nisu trajnijeg karaktera, kao i radi zamjene na određeni period odsutnog radnika, dok traje potreba obavljanja tih poslova odnosno do povratka odsutnog radnika, a najduže tri godine.

Ugovor o privremenim i povremenim poslovima

Član 23.

- (1) Za obavljanje privremenih i povremenih poslova može se zaključiti ugovor o obavljanju privremenih i povremenih poslova, pod uslovom da ovi poslovi ne predstavljaju poslove za koje se zaključuje ugovor o radu na određeno vrijeme ili neodređeno vrijeme, sa punim ili nepunim radnim vremenom i da ne traju duže od šezdeset dana u toku kalendarske godine.
- (2) Licu koje obavlja privremene i povremene poslove osigurava se odmor u toku rada pod istim uslovima kao i zaposlenicima u radnom odnosu i druga prava, u skladu sa Zakonom.

Član 24.

Ugovor iz člana 23. zaključuje se u pisanoj formi i sadrži vrstu, način, rok izvršenja poslova i iznos naknade za izvršeni posao.

Član 25.

Kao privremeni i povremeni poslovi smatraju se:

- a) rad u ispitnim komisijama,
- b) izrada rasporeda,
- c) prevod strane stručne i druge literature,
- d) usluge štampanja i umnožavanje školskog lista,
- e) izrada i realizacija školskih projekata,
- f) sređivanje arhive i dokumentacije,
- g) izvođenje pripreme i instruktivne nastave,
- h) izvođenje nastave na kursovima ili seminarima,
- i) čišćenje snijega,
- j) utovar i istovar materijala i opreme,
- k) održavanje stručnih seminara i predavanja,
- l) rad u komisijama koje imenuje školski odbor,
- m) rad na otklanjanju i okončanju zastoja dijela procesa rada,
- n) izrada stručnih elaborata,
- o) realizacija programa mentora za osposobljavanje rada pripravnika,
- p) plaćanje intelektualnih usluga i autorskih honorara,
- r) planiranje i realizacija projekata koji su odobreni od drugih pravnih subjekata, donatora, ili su odobreni putem javnih poziva,
- s) održavanje informatičke opreme (Hardware i Software),

- t) realizacija projekata javne, kulturne i sportske djelatnosti,
- u) i drugi privremeni i povremeni poslovi predviđeni Pravilnikom o radu ustanove.

Pripravnici

Član 26.

Lice koje prvi put zasniva radni odnos u neposrednom odgojno-obrazovnom procesu prima se u radni odnos u srednju školu u svojstvu pripravnika na određeno vrijeme, a najduže do isteka roka utvrđenog za polaganja pedagoško-psihološke grupe predmeta (ukoliko je obavezan da to položi), odnosno do kada je obavezan da položi stručni ispit u skladu sa zakonom.

Pripravnički staž

Član 27.

Radni odnos sa radnikom-pripravnikom, koji nije u neposrednom odgojno-obrazovnom procesu, zasniva se zaključivanjem ugovora o radu na određeno vrijeme, i to:

- a) na šest mjeseci za poslove za koje se traži srednja i viša stručna sprema,
- b) na period najmanje jedne godine za poslove visoke stručne spreme.

Plaće za pripravnike

Član 28.

- (1) Radniku-pripravniku u srednjoj školi za vrijeme trajanja pripravničkog staža pripada osnovna plaća platnog razreda odgovarajućeg stepena za grupu poslova na koje je primljen u radni odnos na određeno vrijeme umanjena za 20%.
- (2) Početna osnovna plaća iz stava (1) ovog člana predstavlja samo iznos plaće bez dijela plaće po osnovu penzijskog staža.

Stručno osposobljavanje bez zasnivanja radnog odnosa

Član 29.

- (1) Lice se nakon završenog školovanja može izuzetno primiti na stručno usavršavanje za samostalan rad bez zasnivanja radnog odnosa, a u skladu sa zakonom, uz prethodno odobrenje ministra.
- (2) Ugovor o stručnom osposobljavanju se zaključuje u pisanom obliku.
- (3) Stručno osposobljavanje može trajati najduže godinu dana, koliko i pripravnički staž, ako to zakonom nije drugačije regulisano.

Visina naknade za vrijeme stručnog osposobljavanja

Član 30.

- (1) Lica na stručnom osposobljavanju - volonteru u ustanovama srednjeg obrazovanja za vrijeme trajanja stručnog osposobljavanja pripada naknada 35% osnovne plaća platnog razreda odgovarajućeg stepena za grupu poslova na koje je primljen za volontiranje na određeno vrijeme.
- (2) Početna osnovna plaća iz stava (1) ovog člana predstavlja samo iznos plaće bez dijela plaće po osnovu penzijskog staža.
- (3) Za vrijeme obavljanja stručnog osposobljavanja, licu pripada pravo na ishranu u toku radnog vremena (topli obrok) i pravo na prijevoz na posao i sa posla, pod jednakim uslovima kao i ostalim radnicima.
- (4) Lice na stručnom osposobljavanju ima pravo na zdravstveno osiguranje kako je to utvrđeno propisima za nezaposlena lica, a pravo po osnovu osiguranja za slučaj povrede na radu i profesionalnog oboljenja osigurava poslodavac u skladu sa propisima o penzijskom i invalidskom osiguranju.
- (5) Izuzetno, lice koje je na stručnom osposobljavanju, ukoliko to želi, može Ustanovi podnijeti ovjerenu pismenu izjavu da se odriče prava na naknade utvrđene ovim članom.

III - ZAŠTITA NA RADU

Član 31.

Srednja škola je dužna osigurati takve uslove i mjere lične i kolektivne zaštite kojima se štiti psihofizičko zdravlje, te lična i kolektivna sigurnost svih radnika i učenika, u skladu sa zakonom i važećim propisima o zaštiti na radu.

Sigurnost i zdravlje na radu

Član 32.

Prilikom stupanja radnika na rad poslodavac je dužan omogućiti radniku da se upozna sa propisima u vezi sa radnim odnosima, propisima u vezi sa sigurnošću i zdravljem na radu, te ga je dužan upoznati sa organizacijom rada.

Sistematski pregled

Član 33.

- (1) U skladu sa Zakonom o srednjem obrazovanju Ministarstvo je dužno donijeti propis koji reguliše sadržaj obaveznog sistematskog pregleda i koji mora da sadrži i sljedeće:
 - a) za žene obavezan sistematski pregled podrazumijeva ultrazvuk abdomena, ginekološki pregled, Papa test i pregled dojki;
 - b) za muškarce pregled podrazumijeva ultrazvuk abdomena, pregled prostate, u skladu sa ljekarskim standardima, odnosno prema propisu nadležnih zdravstvenih organa.

Član 34.

Posebnim kategorijama radnika (angažiranim u hemijskom praktikumu, odnosno praktikumu za biologiju i fiziku, prostorima za sport i rad na otvorenom, radnici na praktičnoj nastavi, medicinske sestre, kuharice, radnici na održavanju higijene objekta i opreme, domari, portiri, noćni čuvari, kuriri, rukovaoci centralnog grijanja i sl.) poslodavac je dužan osigurati odgovarajuću opremu propisanu zakonom, podzakonskim aktima i pedagoškim standardima i normativima.

IV - ZAŠTITA OD DISKRIMINACIJE I DOSTOJANSTVA RADNIKA

Član 35.

- (1) Radnik ima pravo na poštovanje osobe i zaštitu dostojanstva za vrijeme i u vezi sa obavljanjem poslova svog radnog mjesta.
- (2) Privatnost i zaštita dostojanstva radnika štiti se od uznemiravanja ili polnog uznemiravanja poslodavca, nadređenih, saradnika i osoba s kojima radnik redovno dolazi u kontakt u obavljanju svojih poslova.
- (3) U ostvarivanju ovog prava, strane ovog Kolektivnog ugovora obavezuju se promovisati odnose u duhu tolerancije, razumijevanja i uvažavanja dostojanstva radnika, te svako neželjeno ponašanje i postupke kojima se takvi odnosi narušavaju, opisati, prepoznati, spriječiti i sankcionisati.

Član 36.

- (1) Zabranjeno je uznemiravanje i polno uznemiravanje radnika.
- (2) Uznemiravanje je svako ponašanje koje ima za cilj ili stvarno predstavlja povredu dostojanstva radnika, a koje uzrokuje strah ili neprijateljsko, ponižavajuće ili uvredljivo okruženje radnika.
- (3) Uznemiravanjem iz stava (1) ovog člana smatra se i diskriminirajuće ponašanje kojim se radnik direktno ili indirektno stavlja u nepovoljniji položaj od drugog radnika na osnovu rase, boje kože, spola, spolnog opredjeljenja, bračnog stanja, porodičnih obaveza, dobi, jezika, vjere, političkog ili drugog uvjerenja, nacionalnog ili socijalnog porijekla, imovnog stanja, rođenja, društvenog položaja, članstva ili nečlanstva u političkoj stranci, članstva ili nečlanstva u sindikatu te tjelesnih ili duševnih poteškoća.

- (4) Polno uznemiravanje je svako verbalno, neverbalno ili fizičko ponašanje polne naravi koje ima za cilj ili stvarno predstavlja povredu dostojanstva radnika, a koje uzrokuje strah ili neprijateljsko, ponižavajuće ili uvredljivo okruženje.
- (5) Ponašanje kojim se narušava dostojanstvo osobe radnika smatra se namjerno ili nehatno ponašanje koje uključuje ogovaranje, širenje glasina ili kleveta o drugome, uvrede, prijetnje, psovke, omalovažavanje, namjerno uskraćivanje informacija potrebnih za rad i sl.
- (6) Nasilje na osnovu pola je bilo koje djelo koje nanosi fizičku, psihičku, seksualnu ili ekonomsku štetu ili patnju, kao i prijetnje takvim djelima koje ozbiljno sputavaju lica u njihovim pravima i slobodama na principu ravnopravnosti polova na radu ili u vezu sa radom.
- (7) Mobing predstavlja specifičnu formu nefizičkog uznemiravanja na radnom mjestu koje podrazumijeva ponavljanje radnji kojima jedno ili više lica psihički zlostavlja i ponižava drugo lice, a čija je svrha ili posljedica ugrožavanje njegovog ugleda, časti, dostojanstva, integriteta, degradacija radnih uslova ili profesionalnog statusa.

Obaveze poslodavca u zaštiti dostojanstva radnika

Član 37.

- (1) Poslodavac koji zapošljava najmanje 20 radnika dužan je, uz saglasnost vijeća zaposlenika ili sindikalnog povjerenika, imenovati osobu ovlaštenu od poslodavca za primanje i rješavanje pritužbi vezanih za zaštitu dostojanstva (u daljem tekstu: ovlaštena osoba).
- (2) U svrhu stvaranja klime tolerancije, razumijevanja i uvažavanja dostojanstva osobe radnika, poslodavac će voditi posebnu brigu o informisanju zaposlenih o zaštiti dostojanstva te o edukaciji ovlaštenih osoba.

Postupak zaštite dostojanstva

Član 38.

- (1) Postupak zaštite dostojanstva radnika pokreće se podnošenjem pisane pritužbe poslodavcu ili ovlaštenoj osobi u roku od 15 dana od dana saznanja za diskriminaciju i mobing.
- (2) U slučaju neželjenog ponašanja iz člana 35. ovog Ugovora, radnik se može obratiti poslodavcu ili ovlaštenoj osobi.
- (3) Poslodavac je dužan o svakoj pritužbi o povredi dostojanstva radnika obavijestiti ovlaštenu osobu.
- (4) Ovlaštena osoba je dužna primati i rješavati pritužbe u vezi sa zaštitom dostojanstva radnika.
- (5) Izuzetno od stava (3) ovog člana, poslodavac će primati i rješavati pritužbe u vezi sa zaštitom dostojanstvom radnika ako:
 - a) je ovlaštena osoba odsutna,
 - b) se radi o pritužbi same ovlaštene osobe,
 - c) radnik određen za rješavanje pritužbi, pritužbu ne riješi u propisanom roku, ili ako to ovlaštena osoba izričito zatraži od poslodavca.
- (6) Ovlaštena osoba je dužna zavisno o prirodi i težini povrede, odmah, a najkasnije u roku od (15) petnaest dana od dostave pritužbe istu ispitati, o čemu se sastavlja zapisnik kojeg potpisuju radnik i ovlaštena osoba. Ukoliko poslodavac ili ovlaštena osoba u roku od 15 dana od dana podnošenja zahtjeva za zaštitu ne udovolji tom zahtjevu, radnik može u roku od 30 dana podnijeti tužbu nadležnom sudu.
- (7) U provođenju postupka, ovlaštena osoba mora preduzeti sve potrebne mjere primjerene pojedinom slučaju, radi sprečavanja nastavka uznemiravanja ili spolnog uznemiravanja ako utvrdi da ono postoji.

Mjere u postupku zaštite dostojanstva

Član 39.

- (1) Ako ovlaštena osoba utvrdi da postoji neželjeno ponašanje iz člana 35. ovog Ugovora, poslodavcu, ovisno o svakom pojedinom slučaju, predlaže preduzimanje mjera kao što su:
 - a) usmeno upozorenje radniku za kojeg je utvrđeno da je izvršio uznemiravanje,
 - b) pisano upozorenje radniku za kojeg je utvrđeno da je izvršio uznemiravanje,
 - c) promjene u organizaciji rada kako bi se izbjegla zajednička fizička prisutnost radnika koji je uznemiravan i radnika za kojeg je utvrđeno da je izvršio uznemiravanje,
 - d) mjere u skladu sa podzakonskim aktima i Pravilnikom o radu srednje škole.
- (2) Ako poslodavac ne provede predložene mjere za sprečavanje uznemiravanja ili polnog uznemiravanja ili ako su mjere koje je preduzeo očito neprimjerene, radnik ima pravo prekinuti rad dok mu se ne osigura zaštita, pod uslovom da je u roku od 30 dana zatražio zaštitu pred nadležnim sudom.

Osiguranje od posljedica nesretnog slučaja ili smrti

Član 40.

- (1) Poslodavac je obavezan da sve radnike osigura kod osiguravajuće ustanove od posljedica povrede na radu, pri odlasku na posao i s posla, za slučaj smrti usljed nesreće na radu, invalidnosti, kao i uključenje rizika od prirodne smrti za vrijeme trajanja radnog odnosa, kao i u slobodnom vremenu tokom 24 sata i sl.
- (2) Visina osiguranja po ovoj osnovi određuje se prema polisi osiguranja od posljedica nesretnog slučaja odnosno polisi osiguranja od prirodne smrti.
- (3) Ugovor o osiguranju sa odgovarajućom osiguravajućom kućom zaključuje ministar na osnovu javnog poziva za sve zaposlene u školama i ustanovama u skladu sa Kolektivnim ugovorom i važećim zakonskim propisima.
- (4) Ako ministar ne zaključi ugovor o osiguranju tu obavezu ima direktor škole odnosno ustanove.

V - RADNO VRIJEME

Član 41.

- (1) Puno radno vrijeme radnika u srednjim školama traje 40 sati sedmično, u petodnevnoj radnoj sedmici, od ponedjeljka do petka.
- (2) Radnik sa radom u nepunom radnom vremenu sedmično ima pravo da odluči da li će mu radno vrijeme biti raspoređeno na manje od pet radnih dana.
- (3) Zbog posebnih uslova organizacije rada učeničkih domova, sedmično radno vrijeme može se rasporediti i na drugačiji način, obavezno uvažavajući odredbe o petodnevnoj radnoj sedmici i sedmičnom odmoru.

Član 42.

- (1) U okviru 40-satne radne sedmice raspored radnog vremena radnika i korištenje dnevnog i sedmičnog odmora, utvrđuje se općim aktima srednje škole donesenim u skladu sa nastavnim planom i programom, pedagoškim standardima i normativima i ovim kolektivnim ugovorom.
- (2) Srednja škola je obavezna da opće akte škole koji regulišu ovo pitanje donese uz učešće, odnosno uz mišljenje predstavnika sindikata.

Član 43.

- (1) U okviru 40-satne radne sedmice radnici koji učestvuju neposredno u odgojno-obrazovnom radu u ustanovi srednjeg obrazovanja, imaju propisanu normu časova sedmično, u skladu sa odgovarajućim pedagoškim standardima, vrijeme

potrebno za pripremu nastave, vannastavne aktivnosti, vrijeme potrebno za prisustvovanje sjednicama stručnih organa, konsultacije sa učenicima i njihovim roditeljima, kolektivno i individualno usavršavanje, vođenje pedagoške dokumentacije i ostale poslove koji su u vezi sa za odgojno-obrazovnim radom, utvrđene pedagoškim standardima i normativima i općim aktima srednje škole.

- (2) Radnik koji učestvuje neposredno u odgojno-obrazovnom radu u srednjoj školi u toku radnog dana može imati, u pravilu, najviše šest časova nastave u kontinuitetu.
- (3) Radnik koji učestvuje u neposrednom odgojno-obrazovnom radu u ustanovama koje obrazuju djecu s teškoćama sa smještajem u toku radnog dana može imati, u pravilu, najviše šest časova/sati nastave/rada u kontinuitetu.
- (4) Časove koje nastavnik ima preko nastavne norme utvrđene pedagoškim standardima i normativima, ako su po nalogu direktora, smatraju se prekovremenim radom.
- (5) Pauza između časova u toku radnog vremena ne može biti više od jednog školskog časa, s tim da radnik rasporedom časova može najviše imati pauzu dva puta sedmično.

Član 44.

U skladu sa obavezama utvrđenim ugovorom o radu te godišnjim planom i programom rada i na osnovu pedagoških standarda i normativa, radniku se izdaje pojedinačni akt (rješenje o 40-satnom nedjeljnom zaduženju) najkasnije 15 dana po usvajanju godišnjeg programa rada.

Prekovremeni rad

Član 45.

- (1) U slučaju iznenadnog povećanja obima poslova ili kada se do određenog roka moraju izvršiti neki poslovi, a koje nije moguće izvršiti u redovnom radnom vremenu, radnik je dužan na zahtjev direktora škole raditi duže od punog radnog vremena, u skladu sa zakonom i kolektivnim ugovorom.
- (2) Prekovremeni rad za radnike u neposrednom odgojno-obrazovnom radu ne može trajati više od 8 časova nastave sedmično iznad nastavne norme.
- (3) Prekovremeni rad za neposredno-odgojni rad uvodi se u sljedećim slučajevima:
 - a) povećanja fonda nastavnih sati koji je nastao promjenom plana upisa ili povećanja sati koji je uslovljen promjenom nastavnog plana,
 - b) zamjene iznenadno odsutnog nastavnika,
 - c) zamjene nastavnika koji se nalazi na službenom putu,
 - d) nadoknade nastavnih sati za nastavnike koji koriste plaćeno odsustvo,
 - e) nedostatka nastavnika određenog profila do, u toku i nakon provođenja konkursne procedure,
 - f) zbog racionalizacije troškova ili kvalitetnije organizacije rada u ustanovi kada se radniku izdaje rješenje o 40-satnom nedjeljnom zaduženju kojim je definisano da radnik radi više od 40 sati sedmično, a maksimalno 44 sata sedmično uz saglasnost radnika i,
 - g) u slučaju više sile (požar, potres, poplava).
- (4) Direktor škole dužan je radniku koji realizuje prekovremeni rad izdati rješenje kojim se utvrđuje vrijeme trajanja prekovremenog rada, te način isplate uvećanja plaće za prekovremeni rad.
- (5) U prekovremeni rad održanog nastavnog sata, u skladu sa nedjeljnim zaduženjem, obračunava se i pripadajuća količina vremena stručno-metodičke pripreme.
- (6) Prekovremeni rad za ostale radnike rješava se u skladu sa zakonom, općim aktima škole i ovim kolektivnim ugovorom.

- (7) Osnov za izračunavanje sata prekovremenog rada predstavlja proizvod koeficijenta platnog razreda radnika i osnovice za obračun plaće podijeljen sa prosječnim brojem sati mjesečno. Dobijena vrijednost prekovremenog sata uvećava se prema odredbama ovog kolektivnog ugovora.
- (8) Uvećanje plaće za prekovremeni rad isplaćuje se mjesečno uz isplatu plaće za prethodni mjesec.
- (9) Ako prekovremeni rad radnika traje duže od tri sedmice neprekidno ili više od 10 sedmica u toku kalendarske godine, o prekovremenom radu poslodavac obavještava nadležnu inspekciju rada.

VI - PLAĆE I NAKNADE RADNIKA

Načela za utvrđivanje visine plaće

Član 46.

- (1) Pri određivanju iznosa plaća i naknada za zaposlene u ustanovama srednjeg obrazovanja Kantona poštivat će se sljedeća načela ista plaća za isto radno mjesto.
- (2) Prema ovom načelu zaposleni u ustanovama srednjeg obrazovanja, koji obavljaju poslove istog radnog mjesta odnosno iste ili slične poslove imaju pravo na istu osnovnu plaću po vrsti i stepenu stručne spreme.

Budžetsko osiguranje sredstava za plaće i naknade

Član 47.

Finansijska sredstva za plaće i naknade i druga primanja radnika u ustanovama srednjeg obrazovanja, predviđena ovim Kolektivnim ugovorom, planiraju se i osiguravaju u budžetu Kantona, odnosno osnivača.

Određivanje plaće prema radnom mjestu

Član 48.

Radnik u srednjem obrazovanju ima pravo na plaću koja odgovara radnom mjestu na koje je izabran.

Elementi za utvrđivanje osnovne plaće

Član 49.

- (1) Osnovna plaća je najniži iznos koji se radniku mora isplatiti za rad na poslovima pripadajućeg platnog razreda za puno radno vrijeme i normalne uslove i rezultate rada.
- (2) Osnovna plaća za puno radno vrijeme, normalne uslove rada i rezultate rada radnika čini vrijednost koeficijenta složenosti poslova platnog razreda u koji je postavljen radnik, umnožen sa utvrđenom osnovicom za plaću.
- (3) Pored osnovne plaće, radnicima pripadaju i dodaci na plaću (naknade i druga primanja, u skladu sa zakonom i kolektivnim ugovorom).
- (4) Ukoliko radnik radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.
- (5) Koeficijenti složenosti poslova radnika u srednjem obrazovanju utvrđuju se ovim kolektivnim ugovorom.
- (6) Koeficijenti odgovarajućeg platnog razreda su sastavni dio ovog kolektivnog ugovora, i ne mogu biti manji u odnosu na radnike u državnoj upravi iste stručne spreme i složenosti poslova.
- (7) Koeficijente, kao polazni osnov za obračun plaće, dogovaraju Sindikat i Vlada Kantona Sarajevo.
- (8) Osnovica za plaće utvrđuje se sporazumno između Sindikata i Vlade Kantona Sarajevo.
- (9) Dogovorena osnovica za obračun plaća ne može biti manja u odnosu na druge budžetske korisnike.
- (10) Osnovica za obračun plaće dogovara se prije usvajanje nacrtu budžeta na Vladi Kantona Sarajevo.

- (11) Ukoliko se ne postigne dogovor oko utvrđivanja osnovice za obračun plaće za naredni period, na snazi ostaje dogovorena utvrđena osnovica iz prethodnog perioda. Ovakvo utvrđena osnovica primjenjuje se za naredni period ili do postizanja novog sporazuma.
- (12) Plaće radnicima u srednjim školama, utvrđene na način iz st. (2), (5) i (8) ovog člana, ne mogu biti manje od plaća službenika organa uprave iste stručne spreme i složenosti poslova.

Najniža plaća

Član 50.

- (1) Najniža plaća radnika za najmanju složenost poslova ne može biti manja od 70% prosječne neto plaće isplaćene po radniku u Federaciji Bosne i Hercegovine u protekla tri mjeseca prema posljednjem objavljenom podatku Federalnog zavoda za statistiku.
- (2) U slučaju da množenjem utvrđene osnovice i pripadajućeg koeficijenta najniža plaća iznosi manje od 70% prosječne plaće, radniku će se isplatiti plaća u navedenom postotku.
- (3) U slučaju da množenjem utvrđene osnovice i pripadajućeg koeficijenta najniža plaća radnika za najmanju složenost poslova iznosi više od 70% prosječne neto plaće isplaćene po radniku u Federaciji Bosne i Hercegovine u protekla tri mjeseca prema posljednjem objavljenom podatku Federalnog zavoda za statistiku, radniku će se isplatiti osnovna plaća, koju čini vrijednost koeficijenta umnožen s utvrđenom osnovicom za plaću i uvećana u skladu sa članom 51. ovog Kolektivnog ugovora u navedenom.
- (4) Naknada plaća i naknade koje nemaju karakter ličnih primanja utvrđenih ovim kolektivnim ugovorom ne mogu biti manje od utvrđenih za radnike u organima uprave.
- (5) Naknade iz stava (4) ovog člana utvrđuju ovim Kolektivnim ugovorom predstavnici Sindikata i Vlade Kantona Sarajevo.

Član 51.

Radnicima u srednjim školama osnovna plaća uvećava se za svaku godinu penzijskog staža za 0,6%, s tim da ukupno povećanje ne može biti veće od 20%.

Član 52.

- (1) Složenost poslova i učinak na određenom radnom mjestu utvrđuje se platnim razredom za koji se u skladu sa čl. 48, 49. i 50. ovog kolektivnog ugovora, posebno utvrđuje koeficijent složenosti.
- (2) Vrijednost koeficijenta složenosti posla platnog razreda (u daljem tekstu: koeficijent) određuje se na osnovu stručne spreme, radne sposobnosti, vještina, uslova rada i rezultata rada izraženih kroz radni učinak.

R/b	Platni razred	Poslovi - zvanja	Stepen stručne spreme	Koeficijent
1.	I	Direktor škole	VII	4,80
2.	II	Pomoćnik direktora (rukovodilac dijela nastavnog procesa) škole	VII	4,40
3.	III	Nastavnik viši savjetnik, odgajatelj viši savjetnik, stručni saradnik savjetnik (pedagog-psiholog, bibliotekar, socijalni radnik, samostalni referent za plan i analizu, sekretar, rukovodilac nastavnom tehnikom- programer)	VII	4,10
4.	IV	Nastavnika savjetnik, odgajatelj savjetnik, viši stručni saradnik, (pedagog-psiholog, bibliotekar, socijalni radnik, samostalni referent za plan i analizu, sekretar, rukovodilac nastavnom tehnologijom)	VII	3,90

5.	V	Nastavnik mentor, odgajatelj mentor, samostalni stručni saradnik (pedagog-psiholog, bibliotekar, socijalni radnik, samostalni referent za plan i analizu, sekretar, rukovalac nastavnom tehnikom - programer)	VII	3,80
6.	VI	Nastavnik, odgajatelj, odgajatelj, stručni saradnik (pedagog-psiholog, bibliotekar, socijalni radnik, samostalni referent za plan i analizu, sekretar škole, rukovalac nastavnom tehnikom-programer)	VII	3.70
7.	VII	Nastavnik viši savjetnik, nastavnik praktične nastave - viši savjetnik za koju je nastavnim planom i programom predviđen VI stepen stručne spreme, odgajatelj viši savjetnik, stručni saradnik savjetnik (zatečen na poslovima pedagoga-psihologa, bibliotekara, socijalnog radnika, samostalnog referenta za plan i analizu, sekretara, rukovaoca nastavnom tehnikom-programer)	VI	3,45
8.	VIII	Nastavnik savjetnik, nastavnik praktične nastave - savjetnik za koju je nastavnim planom i programom predviđen VI stepen stručne spreme, odgajatelj savjetnik, viši stručni saradnik (zatečen na poslovima pedagoga-psihologa, bibliotekara, socijalnog radnika, samostalnog referenta za plan i analizu, sekretara, rukovaoca nastavnom tehnikom - programer)	VI	3,35
9.	IX	Nastavnik mentor, nastavnik praktične nastave - mentor za koju je nastavnim planom i programom predviđen VI stepen stručne spreme, odgajatelj mentor, samostalni stručni saradnik (zatečen na poslovima pedagoga-psihologa, bibliotekara, socijalnog radnika, samostalnog referenta za plan i analizu, sekretara, rukovaoca nastavnom tehnikom - programer)	VI	3,15
10.	X	Nastavnik i nastavnik praktične nastave - za koju je nastavnim planom i programom predviđen VI stepen stručne spreme, odgajatelj, stručni saradnik (zatečen na poslovima pedagoga-psihologa, bibliotekara, socijalnog radnika, samostalnog referenta za plan i analizu, sekretara, rukovaoca nastavnom tehnikom - programer)	VI	3,05
11.	XI	Poslovi nastavnika praktične nastave i koordinatora za koje je nastavnim planom i programom predviđen V stepen stručne spreme i poslovi nastavnika sa srednjom stručnom spremom- viši konsultant	V	3,00
12.	XII	Poslovi nastavnika praktične nastave i koordinatora za koje je nastavnim planom i programom predviđen V stepen stručne spreme i poslovi nastavnika sa srednjom stručnom spremom- konsultant	V	2,90
13.	XIII	Poslovi nastavnika praktične nastave i koordinatora za koje je nastavnim planom i programom predviđen V stepen stručne spreme i poslovi nastavnika sa srednjom stručnom spremom- mentor	V	2,80
14.	XIV	Poslovi nastavnika praktične nastave i koordinatora za koje je nastavnim planom i programom predviđen V stepen stručne spreme i poslovi nastavnika sa srednjom stručnom spremom	V	2,70

15.	XV	Saradnici zatečeni na poslovima sekretara, samostalnog referenta za plan i analizu i bibliotekar kao i operator u trezorskoj jedinici- viši konsultant	IV	3,00
16.	XVI	Saradnici zatečeni na poslovima sekretara, samostalnog referenta za plan i analizu i bibliotekar kao i operator u trezorskoj jedinici- konsultant	IV	2,90
17.	XVII	Saradnici zatečeni na poslovima sekretara, samostalnog referenta za plan i analizu i bibliotekar kao i operator u trezorskoj jedinici- mentor	IV	2,80
18.	XVIII	Saradnici zatečeni na poslovima sekretara, samostalnog referenta za plan i analizu i bibliotekar kao i operator u trezorskoj jedinici (medicinske sestre)	IV	2,70
19.	XIX	Administrativno-računovodstveni poslovi - viši referent	IV	2,60
20.	XX	Administrativno-računovodstveni poslovi - referent	IV	2,50
21.	XXI	Administrativno-računovodstveni poslovi - mlađi referent	IV	2,40
22.	XXII	Poslovi kućnog majstora- domar, ložač, kuhar i sl.	III	2,40
23.	XXIII	Poslovi portira - noćnih čuvara	PK,II	2,20
24.	XXIV	Poslovi čišćenja i posluživanja	NK,NSS	1,85

- (3) Radnici koji rade sa srednjom i višom spremom na mjestu sekretara i samostalni referent za plan i analizu, a za ta radna mjesta je pedagoškim standardima i normativima i pravilnikom o sistematizaciji radnih mjesta predviđen VII stepen, a imaju sa 16.06.2017. godine 20 godina radnog staža, ostaju na svojim poslovima i radnim zadacima i nisu dužni sticati viši stepen stručne spreme od one koju posjeduju.
- (4) Radnici sa završenim I ciklusom bolonjskog visoko-obrazovnog procesa i višom i srednjom stručnom spremom, koja su 16.06.2017. godine zatečena na poslovima nastavnika, stručnog saradnika i saradnika u radno-pravnom statusu na neodređeno vrijeme, mogu nastaviti rad na tim poslovima.

Obračun i isplata plaće

Član 53.

- (1) Plaća se obračunava za jedan mjesec unatrag, a isplaćuje za prethodni mjesec s tim da razmak između dviju isplata ne smije biti duži od 30 dana, a u skladu sa Zakonom o radu.
- (2) Plaća iz stava (1) ovog člana utvrđuje se ovim Kolektivnim ugovorom za koju direktor škole donosi rješenje, koje sadrži: lične podatke radnika, radno mjesto na koje je izabran, platni razred i sve elemente koji su uzeti u obzir za utvrđivanje visine plaće.
- (3) Podaci o plaćama radnika u ustanovama srednjeg obrazovanja nisu javni. Sve izmjene u visini plaće vrše se rješenjem koje donosi direktor ustanove.
- (4) Poslodavac je dužan na zahtjev radnika vršiti uplatu obustava (kredit, izdržavanje, sindikalne članarine, osiguranja i sl.).
- (5) Radnici imaju pravo izabrati banku preko koje će se isplaćivati plaća.
- (6) Dodaci na osnovnu plaću su dodaci za uspješnost u radu, dodaci za otežane uslove rada, drugi dodaci i uvećanja plaće.

Napredovanje radnika

Član 54.

- (1) Radnici napreduju prema iskazanoj stručnoj sposobnosti, uspjehu u radu i godinama staža.
- (2) Stručna sposobnost i uspjeh u radu iskazuju se kroz ocjenu rada radnika.

- (3) Radnici napreduju u više zvanje u okviru istog stepena školske spreme.
- (4) Bliže odredbe o napredovanju utvrđuju se pravilnikom o ocjenjivanju, napredovanju i sticanju stručnih zvanja direktora, pomoćnika direktora, nastavnika i stručnih saradnika, saradnika i ostalih radnika koje donosi ministar, uz obavezno učešće i konsultacije sa predstavnicima sindikata.

Član 55.

- (1) Poslodavac u srednjoj školi organizira praćenje rada radnika i postizanje rezultata u radu i vrši ocjenjivanje, na način i po postupku kako je to propisano zakonima, podzakonskim aktima i općim aktima škole.
- (2) Radnici koji su u toku nastavne godine radili manje od šest mjeseci ne ocjenjuju se za tu godinu, bez obzira na razloge.

Član 56.

- (1) U slučajevima kada je protiv radnika pokrenut postupak za utvrđivanje odgovornosti zbog teške povrede dužnosti ili je radnik udaljen sa dužnosti, zaustavlja se računanje vremena za unapređivanje radnika, dok traje postupak za utvrđivanje odgovornosti.
- (2) Ukoliko nakon provedenog postupka za utvrđivanje odgovornosti zbog teške povrede dužnosti radnik bude oslobođen od odgovornosti ili teška povreda dužnosti bude prekvalifikovana u lahku povredu dužnosti, prethodno zaustavljeno vrijeme za napredovanje radnika uračunava se u vrijeme za unapređivanje radnika u viši platni razred.

Povećanje troškova života ili inflacije

Član 57.

U slučaju povećanja indeksa potrošačkih cijena mjerenih od strane Federalnog zavoda za statistiku, većih od od 5% osnovica za utvrđivanje plaća može se utvrđivati i mjesečno.

Naknada plaće za vrijeme prekida rada

Član 58.

Radnik u srednjoj školi ima pravo na naknadu plaće za vrijeme prekida rada do kojeg je došlo zbog okolnosti za koje radnik nije kriv, usljed više sile i objektivnih okolnosti koje su uticale na prekid odgojno-obrazovnog rada, odnosno nastave, po odluci Vlade Kantona Sarajevo, ministra za obrazovanje nauku i mlade ili drugih nadležnih organa.

Naknade

Član 59.

- (1) Radniku u srednjoj školi, pored slučajeva propisanih Zakonom o radu i ovim kolektivnim ugovorom, pripada naknada njegove plaće i u slučajevima aktivnosti definisanih godišnjim programom rada škole za vrijeme:
- a) obrazovanja i stručnog osposobljavanja, usavršavanja ili prekvalifikacije u skladu sa potrebama srednje škole i rada škole,
 - b) stručnih izleta i ekskurzija,
 - c) istraživačkih radova i naučnih savjetovanja,
 - d) prisustvovanja seminarima i skupovima sindikata,
 - e) privremene nesposobnosti za rad, odnosno profesionalnog oboljenja,
 - f) godišnjeg odmora,
 - g) praznika koji po zakonu nisu radni,
 - h) porodiljskog odsustva,
 - i) učestvovanja na kulturnim, vjerskim, sindikalnim i sportskim manifestacijama od kantonalnog i šireg značaja, uz prethodnu saglasnost direktora škole.

- (2) Prethodnu saglasnost radniku za aktivnosti iz alineja ovog člana, koje eventualno nisu definisane drugim zakonskim propisima, daje direktor škole.

Plaćeni dopust

Član 60.

Radnik ima pravo na plaćeni dopust u dužini do 30 dana u visini svoje neto plaće iz prethodnog mjeseca, u skladu s kolektivnim ugovorom i pravilnikom.

Naknada za porodiljsko odsustvo

Član 61.

- (1) Radnica/radnik, za vrijeme porodiljskog odsustva, ima pravo na naknadu plaće prema propisima Kantona kojim se uređuje ova oblast, prema mjestu uplate doprinosa, s tim da razliku do visine pune plaće uplaćuje ustanova u kojem se taj radnik nalazi u radnom odnosu.
- (2) Radnica/radnik škole odnosno ustanove nakon isteka porodajnog odsustva, za blizance, treće i svako sljedeće dijete ima pravo da radi polovinu punog radnog vremena do navršene dvije godine života djeteta, ako propisom Kantona nije predviđeno duže trajanje ovog prava.
- (3) Ukoliko je radnik Ustanove roditelj djeteta sa težim smetnjama u razvoju (teže hendikepiranog djeteta) ima pravo da radi polovinu punog radnog vremena, u slučaju da se radi o samohranom roditelju ili da su oba roditelja zaposlena, pod uvjetom da dijete nije smješteno u ustanovu socijalno - zdravstvenog zbrinjavanja, na osnovu nalaza nadležne zdravstvene ustanove.
- (4) Za vrijeme rada sa polovinom punog radnog vremena, radniku Ustanove iz st. (2) i (3) ovog člana isplaćuju se plaća i naknade u punom iznosu, kao da radi puno radno vrijeme.

Dodaci na plaću

Član 62.

Srednja škola će na osnovu zakona, podzakonskih akata i ovog kolektivnog ugovora, općim aktom utvrditi kriterije i postupak za ocjenjivanje kvaliteta rada radnika (uvođenja novih priznatih metoda rada i inovacija, rezultata sa takmičenja, smotri, izložbi, revija i sl.) radi isplate nagrade ili stimulativnog dijela plaće radnika.

Član 63.

- (1) Zavisno od rezultata rada ostvarenih u mjesecu na koji se ti rezultati odnose, kao vid novčane stimulacije radnika, direktor ustanove radniku će, uz konsultacije sa sindikalnim predsjednikom ustanove donijeti odluku kojom se radniku osnovna plaća uvećava minimalno za 20%, a maksimalno za 40% u zavisnosti od obima i izuzetnih rezultata rada, a najviše dva puta godišnje u toku jedne kalendarske godine.
- (2) Zavisno od rezultata rada ostvarenih u mjesecu na koji se ti rezultati odnose, kao vid novčane stimulacije direktora, školski/upravni odbor ustanove će donijeti odluku kojom se direktoru ustanove osnovna plaća uvećava minimalno za 20%, a maksimalno za 40% u zavisnosti od obima i izuzetnih rezultata rada, a najviše dva puta godišnje u toku jedne kalendarske godine.
- (3) Nakon donošenje odluke iz st. (1) i (2) ovog člana, koja sadrži obrazloženje i koja je donesena na osnovu kriterija iz stava (5) ovog člana, te nakon prethodno pribavljenje saglasnost ministra i Sindikata, direktor, odnosno školski/upravni odbor ustanove izdaju rješenje o plaćanju novčane naknade za izuzetne rezultate rada.

- (4) Vlada ima obavezu da u budžetu za srednje obrazovanje svake kalendarske godine planira i obezbijedi ukupan iznos za isplatu novčanih naknada za rezultate rada iz ovog člana 69. ovog Kolektivnog ugovora (ekonomski kod 611231) u iznosu od minimalno 1,5 % od iznosa bruto plaća radnika u djelatnosti srednjeg obrazovanja.
- (5) Novčanu naknadu za izuzetne rezultate iz ovog člana radnik, odnosno direktor ostvaruje na osnovu slijedećih kriterija:
- kvalitetno i efikasno, u okviru planiranih rokova, izvršava poslove i zadatke radnog mjesta,
 - posebno se ističe u ostvarivanju rezultata rada u odnosu na radnike koji obavljaju iste poslove,
 - izvršava poslove u obimu većem od prosječnog za to radno mjesto,
 - u radu se posebno ističe stručnim i kreativnim sposobnostima,
 - obavlja poslove drugog nepopunjenog radnog mjesta ili privremeno obavlja poslove popunjenog radnog mjesta u slučaju odsutnosti radnika po bilo kojem osnovu, izuzev kada je za te poslove dobio posebnu novčanu naknadu u vidu prekovremenog rada,
 - kvalitetno i efikasno radi u komisijama za koje ne prima posebnu novčanu naknadu,
 - učestvuje u izradi složenih i značajnih projekata vezanih za reformu srednjeg odgoja i obrazovanja i drugih sličnih projekata, izuzev kada za te projekte dobija posebnu novčanu naknadu,
 - učestvuje u izradi značajnih projekata ustanove vezanih za unapređenje rada ustanove, kojima se razvijaju ljudski i materijalni resursi u ustanovi,
 - posebno se ističe u razvijanju radne atmosfere, humanosti, solidarnosti i jedinstva radnika u ustanovi i šire,
 - obavlja vanredne poslove koji zahtijevaju posebnu stručnu osposobljenost,
 - po ocjeni direktora, odnosno upravnog/školskog odbora, svojim radom doprinosi unapređenju ukupnog funkcionisanja ustanove.
- (6) Odluka iz st. (1) i (2) i rješenje iz stava (3) ovog člana se objavljuje na oglasnoj ploči, najkasnije tri (3) dana od dana donošenja.

Naknada za izum i tehničko unapređenje

Član 64.

- Radniku pripada naknada za patentirane izume, inovacije, tehnička unapređenja i druga kreativna rješenja koja unapređuju rad u školama, ostvarena na radu ili u vezi sa radom.
- Visina naknade za navedene izume i ostala kreativna rješenja iz stava (1) ovog člana utvrđuje se posebnim ugovorom koji se zaključuje između radnika i direktora škole, u granicama raspoloživih sredstava.

Periodične povišice

Član 65.

- Radnik koji je postigao najviši stepen službenog zvanja, ima pravo na uvećanje njegove osnovne plaće za 10% nakon četiri godine provedene u najvišem službenom zvanju, pod uslovom da je u tom periodu bio uvijek ocjenjivan ocjenom "naročito se ističe", uz ograničenje da ne može preći u naredni platni razred.
- Pravo iz stava (1) ovog člana preispituje se svake 4 godine.
- Pravo iz stava (1) ovog člana radnik ne ostvaruje dok se nalazi na poziciji direktora, pomoćnika direktora/rukovodioca dijela nastavnog procesa.

Dodaci na plaću za otežane uslove rada

Član 66.

- Radniku u srednjoj školi pripada pravo na poseban dodatak uz plaću u visini do 20% osnovne plaće po osnovu otežanih uslova rada utvrđenih ovim Kolektivnim ugovorom i koji su regulisani općim aktom škola, a u opravdanim slučajevima, i to:
 - rad u dvije smjene u istom danu, po nalogu direktora, za svaki dan rada, ukoliko je pauza između smjena u trajanju četiri i više časova, radniku pripada poseban dodatak uz plaću u iznosu najmanje: 1% za svaki dan rada sedmično, a najviše 5% rada u toku radne sedmice njegove osnovne plaće, pri čemu se kao rad u dvije smjene ne smatraju: nastavnička i razredna vijeća, sjednice stručnih aktivna, roditeljski sastanci, informacije, pripreme učenika za takmičenja;
 - rad sa više od tri nastavna predmeta, pripada pravo na poseban dodatak uz plaću po svakom narednom predmetu 0,5%, a najviše do 2% njegove osnovne plaće,
 - rad u toku čitave školske godine samo u popodnevnoj smjeni po nalogu direktora pripada pravo na poseban dodatak uz plaću u iznosu od 1% njegove osnovne plaće,
 - rad na poslovima u nastavi za koje je potrebno osigurati stalnu primjenu sredstava zaštite na radu u laboratorijama, kabinetima i radioničkom prostoru u skladu sa Pravilnikom o zaštiti na radu, za svaki sat takvog rada pripada pravo na poseban dodatak na plaću u iznosu od 0,5%, a najviše 5% njegove osnovne plaće,
 - radniku u neposrednom odgojno-obrazovnom procesu u ustanovama koje odgajaju i obrazuju učenike s teškoćama pripada pravo na poseban dodatak uz plaću u iznosu od 10% njegove osnovne plaće,
 - nastavniku u redovnim školama po osnovu rada sa učenicima s teškoćama sa kojima nastavnik radi na osnovu individualiziranog prilagođenog programa (IPP), pripada pravo na poseban dodatak na plaću u iznosu od 1% njegove osnovne plaće za rad sa svakim učenikom sa kojim realizira jedan čas sedmično, a najviše 10% njegove osnovne plaće,
 - odgajatelju koji radi sa učenicima s teškoćama integrisanim u odgojnu skupinu, pripada pravo na poseban dodatak uz plaću u iznosu od 5% njegove osnovne plaće,
 - nastavnicima praktične nastave V i VI stepen pripada dodatak na plaću u visini od 5% od njegove plaće,
- Dodaci iz prethodnog stava ovog člana međusobno se ne isključuju, ali ne mogu preći 20%.

Član 67.

Osnovna plaća radnika uvećava se za:

- rad noću - 35%,
- rad u dane državnih praznika - 50%,
- prekovremeni rad - 50%,
- rad u dane svog vjerskog praznika koje bi koristio kao plaćeno odsustvo - 50%,
- rad subotom i nedjeljom, ako su po ugovoru o radu neradni dani za radnika - 30%.

Naknada za prekovremeni rad, rad u neradne dane, noćni rad i rad u dane državnih praznika

Član 68.

- U slučaju prekovremenog rada, rada u neradne dane, noćnog rada ili rada u dane državnih praznika, radnik ima pravo na naknadu osnovne plaće, srazmjerno vremenu trajanja tog rada, uvećanim za postotak utvrđen Kolektivnim ugovorom.

- (2) Obračun naknade iz stava (1) ovog člana vrši se od osnovne plaće bez dijela plaće po osnovu penzijskog staža, a naknada iz ovog člana čini sastavni dio plaće.
- (3) Radniku koji sa učenicima učestvuje na javnim, kulturnim i sportskim manifestacijama koje se održavaju u organizaciji Ministarstva ili po odluci ministra za obrazovanje, nauku i mlade, direktora, a koje su predviđene godišnjim programom i planom rada, odnosno razvojnim planom i programom pripada naknada u vidu prekovremenog rada, ako se održavaju nakon isteka radnog vremena radnika i to za dane održavanja manifestacija.

Nagrade

Nagrada za rezultate rada

Član 69.

- (1) Zavisno od natprosječnih rezultata rada ostvarenih u periodu od najmanje tri mjeseca neprekidno na koji se ti rezultati odnose, kao vid novčane stimulacije radnika, direktor ustanove će, uz konsultacije sa sindikalnim povjerenikom, donijeti odluku kojom se radniku osnovna plaća uvećava u visini prosječne mjesečne neto plaće isplaćene u Federaciji Bosne i Hercegovine za posljednja tri mjeseca prije donošenja odluke, a prema posljednjem objavljenom podatku Federalnog zavoda za statistiku.
- (2) Nakon donošenja odluke iz stava (1) ovog člana, koja sadrži obrazloženje i koja je donesena na osnovu kriterija iz stava (3) ovog člana, te nakon prethodno pribavljenje saglasnosti ministra i Sindikata, direktor ustanove izdaje rješenje o plaćanju novčane naknade za natprosječne rezultate rada.
- (3) Novčanu naknadu za natprosječne rezultate rada iz ovog člana radnik ostvaruje na osnovu sljedećih kriterija:
- izuzetno kvalitetno i efikasno, u okviru planiranih rokova, izvršava poslove i zadatke radnog mjesta,
 - natprosječno se ističe u ostvarivanju rezultata rada u odnosu na radnike koji obavljaju iste poslove,
 - izvršava poslove u obimu značajno većem od prosječnog za to radno mjesto,
 - u radu se posebno ističe natprosječnim stručnim i kreativnim sposobnostima,
 - često obavlja poslove drugog nepopunjenog radnog mjesta ili često privremeno obavlja poslove popunjenog radnog mjesta u slučaju odsutnosti radnika po bilo kojem osnovu, izuzev kada je za te poslove dobio posebnu novčanu naknadu u vidu prekovremenog rada,
 - izuzetno kvalitetno i efikasno radi u komisijama za koje ne prima posebnu novčanu naknadu,
 - često učestvuje u izradi složenih i značajnih projekata vezanih za reformu predškolskog odgoja i osnovnog odgoja i obrazovanja i drugih sličnih projekata, izuzev kada za te projekte dobija posebnu novčanu naknadu,
 - često učestvuje u izradi značajnih projekata ustanove vezanih za unaprijeđenje rada ustanove, kojima se razvijaju ljudski i materijalni resursi u ustanovi,
 - natprosječno se ističe u razvijanju radne atmosfere, humanosti, solidarnosti i jedinstva radnika u ustanovi i šire,
 - često obavlja vanredne poslove koji zahtijevaju posebnu stručnu osposobljenost,
 - po ocjeni direktora svojim radom u veoma značajnoj mjeri doprinosi unaprijeđenju ukupnog funkcionisanja ustanove.
- (4) Odluka iz stava (1) i rješenje iz stava (2) ovog člana se objavljuje na oglasnoj ploči, najkasnije tri (3) dana od dana donošenja.

Član 70.

- (1) Nastavnicima - voditeljima sekcija-ekipa i drugih oblika vannastavne djelatnosti čiji učenici postignu zapažene rezultate kroz učešće na takmičenjima, smotrama, javnim nastupima i konkursima u pojedinačnoj i ekipnoj konkurenciji, a koja se održavaju u organizaciji Prosvjetno-pedagoškog zavoda Ministarstva obrazovanja i nauke Kantona Sarajevo, stručnih asocijacija i međunarodnih organizacija koje su planirane u godišnjem programu rada škole a koje odobri ministar obrazovanja i nauke pripada novčana nagrada za osvojeno 1., 2. i 3. mjesto na kantonalnom, federalnom, državnom i međunarodnom nivou, u skladu sa tabelama iz ovog člana.
- (2) Novčane nagrade obezbjeđuje se iz sredstava planiranih u budžetu Kantona Sarajevo, a isplaćuje ih Ministarstvo za obrazovanja i nauku i mlade.
- (3) Lica koja učestvuju na takmičenjima imaju pravo na nagradu samo pojedinačno ili ekipno odnosno jedna drugu isključuje. Lica iz ovog stava sami se opredjeljuju za vrstu nagrade (kolektivno ili pojedinačno).

KANTONALNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	25% plaće radnika	30% plaće radnika
2.	II mjesto	15% plaće radnika	20% plaće radnika
3.	III mjesto	10% plaće radnika	10% plaće radnika

FEDERALNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	50% plaće radnika	60% plaće radnika
2.	II mjesto	30% plaće radnika	40% plaće radnika
3.	III mjesto	20% plaće radnika	30% plaće radnika

DRŽAVNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	80% plaće radnika	100% plaće radnika
2.	II mjesto	50% plaće radnika	70% plaće radnika
3.	III mjesto	40% plaće radnika	60% plaće radnika

MEĐUNARODNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	2 plaće radnika	3 plaće radnika
2.	II mjesto	1,5 plaća radnika	2 plaće radnika
3.	III mjesto	1 plaća radnika	1 plaća radnika

Naknada za regres za godišnji odmor

Član 71.

- (1) Radnik u srednjoj školi ima pravo na naknadu na ime regresa za korištenje godišnjeg odmora u iznosu od najmanje 50% prosječne plaće isplaćene u Federaciji Bosne i Hercegovine za prethodna tri mjeseca, prije donošenja odluke i rješenja o regresu.
- (2) Pravo na regres iz stava (1) ovog člana ima svaki radnik koji u toku tekuće kalendarske godine ima pravo na godišnji odmor.

- (3) Radnik koji radi u više ustanova pravo na regres ostvaruje u onoj ustanovi u kojoj je procentualno više angažovan.
- (4) Ukoliko je radnik iz stava (3) ovog člana angažovan podjednako u više ustanova, pravo na regres ostvaruje u onoj ustanovi sa kojom je prije sklopio ugovor o radu.

Naknada za prijevoz na posao i sa posla

Član 72.

- (1) Radniku kome nije organizovan prevoz na posao i sa posla, a čije je mjesto stanovanja od mjesta rada udaljen najmanje dva kilometra, pripada pravo na naknadu za troškove prevoza u visini mjesečne karte gradskog, prigradskog i međugradskog saobraćaja.
- (2) U međugradski saobraćaj spadaju mjesta koja su udaljena od mjesta rada do 70 km.
- (3) Ukoliko adresa stanovanja radnika nije pokrivena mrežom javnog gradskog, prigradskog, odnosno međugradskog prevoza ili kada vrijeme obavljanja rada zahtijeva drugačiji način prevoza radniku pripada pravo na novčanu naknadu troškova prevoza u visini karte za gradski, prigradski, odnosno međugradski saobraćaj.
- (4) Radniku sa nepunim radnim vremenom pripada naknada troškova prevoza u jednakom iznosu kao da radi puno radno vrijeme.
- (5) Radnik koji radi u više škola pravo na mjesečnu kartu, odnosno naknadu ostvaruje u onoj školi u kojoj je procentualno više angažovan.
- (6) Ukoliko je radnik iz stava (5) ovog člana angažovan podjednako u više Ustanova, pravo na mjesečnu kartu, odnosno naknadu u novcu ostvaruje u onoj ustanovi sa kojom je prije sklopio ugovor o radu.

Naknada za ishranu za vrijeme rada - topli obrok

Član 73.

- (1) Radnik ima pravo na naknadu za ishranu (topli obrok) za vrijeme rada, samo za dane prisustva na poslu, u iznosu od najmanje 1% neto prosječne plaće u Federaciji Bosne i Hercegovine, prema posljednjim objavljenim statističkim podacima Federalnog zavoda za statistiku.
- (2) Pravo na naknadu iz stava (1) ovog člana, ne ostvaruje se u slučaju odsustvovanja sa posla po bilo kom opravdanom, ili neopravdanom osnovu (službeni put, plaćeno odsustvo, rad na terenu, odsustvo zbog bolesti, godišnji odmor i slično).
- (3) Radnik koji radi u više srednjih škola ima pravo na naknadu iz stava (1) ovog člana u srednjoj školi u kojoj radi najmanje 4 sata dnevno, u skladu sa ostvarenim efektivnim satima rada u toj školi, odnosno kako je ugovorom o radu zaključeno.

Dnevnica i naknada troškova putovanja

Član 74.

- (1) Kada je radnik upućen na službeno putovanje u zemlju, pripada mu putna naknada prevoznih troškova, naknada za ishranu - dnevnicu, naknada hotelskog računa za spavanje, osim za "de luxe" kategoriju i drugi troškovi.
- (2) Za vrijeme provedeno na službenom putu u trajanju od 8-12 sati isplaćuju se u visini od 50% iznosa pune dnevnicu, a za duže od 12 sati isplaćuje se puna dnevnicu.
- (3) Radniku koji je upućen sa učenicima na službeno putovanje u trajanju od najmanje osam sati, isplaćuje se iznos pune dnevnicu nezavisno o osiguranoj prehrani i smještaju.
- (4) Ako je radniku na službenom putu osigurana besplatna ishrana, dnevnicu za službeni put umanjuje se najviše za 30%.
- (5) Ako u mjestu službenog putovanja neme hotelskog smještaja ili ako se iz opravdanih razloga ne može koristiti, pripadajuća dnevnicu se uvećava za 70% iz stava (4) ovog člana.

- (6) Pravo na naknade ostalih troškova (korištenje poštanskih usluga, telefona, telefaksa ili interneta, taxi i sl.) imaju radnici koji su na službenom putovanju u zemlji ili inostranstvu morali koristiti ta sredstva u službene svrhe i koji su u vezi s obavljanjem poslova u realizaciji putovanja.
- (7) Radniku koji je upućen na službeni put u zemlji i inostranstvo dnevnicu se utvrđuje na osnovu trenutno važećeg rješenja, uredbe, odluke ili drugog pravnog akta Vlade Federacije Bosne i Hercegovine.
- (8) Ukoliko to radnik zatraži, ustanova je dužna isplatiti akontaciju prije polaska na službeno putovanje.

Član 75.

- (1) Ako je radniku odobreno korištenje vlastitog automobila u službene svrhe, nadoknadit će mu se troškovi u visini od 15% cijene litra benzina super po pređenom kilometru kao i troškovi putarina, parkirališta i slično.
- (2) Odredba o naknadi za upotrebu sopstvenog automobila u službene svrhe automatski se usaglašava sa uredbom Vlade Federacije Bosne i Hercegovine.

Naknada za slučaj smrti radnika

Član 76.

- (1) U slučaju smrti radnika ili člana njegove uže porodice isplaćuju se troškovi sahrane u visini stvarnih troškova, a najviše četiri prosječne mjesečne plaće isplaćene u Federaciji Bosne i Hercegovine za prethodna tri mjeseca prije donošenja rješenja o isplati te naknade.
- (2) Ukoliko u istoj školi (ili srednjoj školi za koje važi ovaj ugovor) rade dva ili više članova porodice iz člana 78. ovog Kolektivnog ugovora, pravo na troškove iz stava (1) ovog člana ostvaruje jedan član porodice.

Naknada za slučaj teške invalidnosti ili teške bolesti

Član 77.

- (1) U slučaju nastanka teške invalidnosti ili teške bolesti radnika, ili člana njegove uže porodice iz člana 78. ovog Kolektivnog ugovora, isplaćuje se jednokratna novčana pomoć u visini njegove tri plaće isplaćene u prethodna tri mjeseca ili tri prosječne mjesečne plaće isplaćene u Federaciji Bosne i Hercegovine, ako je to za njega povoljnije.
- (2) Radniku će se isplatiti, u visini do tri njegove neto plaće isplaćene u prethodna tri mjeseca ili tri prosječne mjesečne plaće isplaćene u Federaciji Bosne i Hercegovine, za liječenje teške invalidnosti ili teške bolesti u zdravstvenoj ustanovi u kojoj je on platio troškove tog liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno.
- (3) Pod teškom bolešću iz st. (1) i (2) ovog člana, podrazumijevaju se bolesti navedene u Uredbi o naknadama i drugim materijalnim pravima koja nemaju karakter plaća kao i Naredbi o listi teških bolesti, odnosno teških tjelesnih povreda na osnovu kojih se ostvaruju naknade za slučaj teške invalidnosti ili teške bolesti. Pravo na jednokratnu novčanu pomoć iz stava 1. ovog člana, po osnovu teške invalidnosti ostvaruje se za utvrđen stepen invalidnosti od najmanje 60%.
- (4) Jednokratna novčana pomoć iz st. (1) i (3) ovog člana, može se dodijeliti radniku, koji je operisan od bolesti koje nisu obuhvaćene odredbom stav (3) ovog člana, ukoliko je takva operacija izvršena iz zdravstvenih razloga i po preporuci ljekara neophodna radi sprečavanja teške invalidnosti ili teške bolesti.
- (5) Prioritet u odobravanju novčane pomoći iz stava (1) ovog člana, imaju radnici u odnosu na članove uže porodice. Kriteriji za dodjelu novčane pomoći iz stava (1) ovog člana koje utvrde federalni organ, odnosno kantonalni organi pojedinačno po vrsti i težini bolesti sastavni dio su ovog ugovora.

Član 78.

Pod članom uže porodice iz čl. 76. i 77. ovog kolektivnog ugovora, podrazumijevaju se sljedeći članovi porodice radnika:

- a) suprug/a u braku ili van braka, ako žive u zajedničkom domaćinstvu;
- b) djeca rođena u braku, van braka, zakonito usvojena ili pas-torčad do 18, odnosno do 26 godina starosti, ako se nalaze na redovnom školovanju i nisu u radnom odnosu, a djeca nesposobna za rad, bez obzira na starosnu dob, ako žive u zajedničkom domaćinstvu;
- c) roditelji (otac, majka, očuh, maćeha i posvojitelj), bez obzira da li žive u zajedničkom domaćinstvu sa radnikom;
- d) braća i sestre bez roditelja do 18, odnosno 26 godina starosti, ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob pod uslovom da sa njima živi u zajedničkom domaćinstvu;
- e) unučad pod uslovom iz tačke b) ovog člana, ako nemaju roditelje i žive u zajedničkom domaćinstvu sa korisnikom naknade.

Naknada plaće zbog bolesti ili povrede

Član 79.

- (1) Za prvih 42 dana odsutnosti s posla zbog bolesti ili povrede, radnik ustanove ima pravo na naknadu plaće u visini plaće koju je ostvario za prethodni mjesec.
- (2) Naknada plaće za bolovanje preko 42 dana iz stava (1) ovog člana ostvaruje se po propisu Kantona kojim se uređuje naknada za ovo bolovanje, s tim da razliku do pune plaće isplaćuje ustanova u kojem se radnik nalazi u radnom odnosu.
- (3) Radnik ima pravo na naknadu plaće u punom iznosu koju je ostvario za prethodni mjesec, ako je do odsutnosti s posla došlo iz razloga povrede na radu.

Ostali vidovi naknada

Član 80.

- (1) Vlada Kantona Sarajevo kao poslodavac u skladu sa finansijskim mogućnostima može odobriti isplatu naknade:
 - a) za državne i vjerske praznike po odluci poslodavca,
 - b) za zimnicu i za druge slučajeve.
- (2) Srednja škola može isplatiti naknade i u drugim slučajevima koji su predviđene općim aktima škola, uz prethodnu saglasnost Ministarstva finansija, a na prijedlog Ministarstva za obrazovanje, nauku i mlade Kantona Sarajevo.

Otpremnine

Otpremnina za odlazak u penziju

Član 81.

- (1) Radnik ima pravo na otpremninu prilikom odlaska u penziju u iznosu od pet njegovih plaća isplaćenih u prethodnih šest mjeseci ili pet prosječnih mjesečnih plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, ako je to za njega povoljnije.
- (2) Poslodavac ima obavezu isplate otpremnine do posljednjeg dana rada radnika u toj srednjoj školi.

Otpremnina za tehnološki višak

Član 82.

- (1) Radnik u srednjoj školi sa ugovorom o radu na neodređeno vrijeme kojem je, saglasno zakonu i ovom Kolektivnom ugovoru bez njegove krivice prestao radni odnos otkazom ugovora o radu zaključen na neodređeno vrijeme, ima pravo na otpremninu, i to:

- a) do tri godine neprekidnog rada, radnik ima pravo na otpremninu u iznosu od najmanje tri mjesečne neto plaće radnika,
 - b) radnik sa radnim stažom od tri do dvadeset godina ima pravo na otpremninu u visini šest mjesečnih neto plaća radnika,
 - c) radnik sa radnim stažom više od dvadeset godina ima pravo na otpremninu u visini deset mjesečnih neto plaća.
- (2) U obračun za utvrđivanje visine otpremnine u obzir se uzima plaća radnika koju je imao u posljednja tri mjeseca prije donošenja konačnog rješenja o prestanku radnog odnosa zbog tehnološkog viška.
 - (3) Otpremnina iz stava (1) ovog člana ne odnosi se na radnike kojim je prestao radni odnos zaključen na neodređeno vrijeme zbog kršenja obaveza iz radnog odnosa ili zbog neispunjavanja obaveza iz ugovora o radu od strane radnika.
 - (4) Poslodavac ima obavezu isplate otpremnine do posljednjeg dana rada radnika u toj srednjoj školi.
 - (5) U slučaju otkazivanja ugovora o radu iz člana 87. stav (3) ovog Kolektivnog ugovora, radnik ima pravo na otpremninu u iznosu uvećanom za 100% u odnosu na otpremninu iz stava (1) ovog člana, osim ukoliko se ugovor otkazuje zbog kršenja obaveza iz radnog odnosa ili neispunjavanja obaveza iz ugovora o radu od strane radnika.

Suspenzija

Član 83.

- (1) Radnik protiv kojeg je pokrenut krivični postupak za krivično djelo počinjeno u vršenju službene dužnosti, istražni postupak ili određen pritvor zbog krivičnog djela, odnosno koji izdržava kaznu zatvora do tri mjeseci zatvora, udaljit će se sa posla za vrijeme trajanja istražnog postupka ili pritvora odnosno za vrijeme izdržavanja te kazne zatvora.
- (2) Radnik će biti udaljen sa posla i ako je protiv njega pokrenut krivični postupak za krivično djelo za koje se može izreći kazna zatvora u trajanju od najmanje pet godina, odnosno, ako je radnik zatečen u izvršenju krivičnog djela za koje se može izreći kazna zatvora u trajanju od najmanje pet godina, radnici će biti privremeno udaljeni sa posla ako postoje ozbiljni razlozi koji u znatnoj mjeri ukazuju na moguće izvršenje krivičnog djela, kao i zbog teže povrede radne dužnosti, a povreda je takve prirode da bi ostanak radnika na poslu dok traje utvrđivanje odgovornosti zbog teške povrede radne dužnosti mogla štetiti ugledu i interesima škole, učenika i radnika.
- (3) Rješenje o udaljenju sa posla donosi direktor škole.
- (4) Protiv rješenja o udaljenju sa posla radnik može podnijeti žalbu školskom odboru u roku od pet dana od prijema rješenja o udaljenju sa posla.
- (5) Podnošenje žalbe ne odgađa izvršenje rješenja.
- (6) Školski odbor je obavezan odlučiti po žalbi najkasnije u roku od pet dana od prijema žalbe.
- (7) Rješenje školskog odbora po žalbi na rješenje o udaljenju je konačno.

Član 84.

Udaljenje - suspenzija sa posla može trajati do okončanja postupka o utvrđivanju povrede radne dužnosti, a u slučaju iz člana 83. stav (1) ovog kolektivnog ugovora, do završetka istražnog postupka, isteka pritvora, odnosno isteka kazne zatvora do tri mjeseci.

Član 85.

- (1) Za vrijeme suspenzije sa posla radniku se isplaćuje plaća u punom iznosu, koju je imao u vrijeme donošenja rješenja o udaljenju sa posla.

- (2) Za vrijeme suspenzije sa posla, zbog izdržavanja kazne zatvora do tri mjeseci, radniku ne pripada pravo na plaću niti naknada plaće.

Naknada za rad u komisijama

Član 86.

- (1) Članovi komisija koje se formiraju na osnovu rješenja školskog odbora, odnosno direktora, imaju pravo na maksimalnu mjesečnu naknadu za rad u komisijama kako je to riješeno uredbom Vlade Kantona.
- (2) Odlukom školskog odbora regulišu se način i uslovi obrazovanja komisija i način ostvarivanja naknade, a tačan iznos, odnosno visinu naknade za rad svojim aktom utvrđuje na prijedlog direktora škole školski odbor, za svaku pojedinačnu komisiju.
- (3) Naknade za rad u komisijama iz stava (1) ovog člana, a koje se finansiraju od uplata fizičkih ili pravnih lica, ne ulaze u ograničenje iz stava (1) ovog člana.
- (4) Radnicima, članovima komisija koje imenuje školski odbor, u skladu sa odredbama Pedagoških standarda i normativa, vrijeme za rad u komisijama može se uračunati u 40-satnu radnu sedmicu, i time ti radnici ne mogu potraživati naknade za rad u komisijama.

VII - PRESTANAK UGOVORA O RADU/RADNOG ODNOSA

Otkazni rokovi

Član 87.

- (1) Radni odnos radniku u srednjoj školi prestaje u slučajevima i pod uslovima utvrđenim zakonom i općim aktima škole.
- (2) Radnik kome se otkazuje ugovor o radu u skladu sa Zakonom o radu i ovim kolektivnim ugovorom, ima pravo na otkazni rok zavisno od godina penzijskog staža, kako slijedi:
- a) do 5 godina penzijskog staža 1 mjesec,
 - b) od 5-10 godina penzijskog staža 2 mjeseca,
 - c) od 10-20 godina penzijskog staža 4 mjeseca,
 - d) preko 20 godina penzijskog staža 6 mjeseci.
- (3) Direktor, kao predstavnik poslodavca, može, samo uz prethodnu saglasnost Sindikata, otkazati ugovor o radu radniku za kojeg je nadležna ustanova za medicinsko vještačenje zdravstvenog stanja ocijenila da kod njega postoji promijenjena radna sposobnost (invalid II kategorije).

Član 88.

U slučaju kada radnik sam otkazuje ugovor o radu, otkazni rok iznosi najmanje sedam dana.

Član 89.

Na pismenu molbu radnika, uz saglasnost poslodavca, radni odnos u srednjoj školi može prestati i prije isteka otkaznog roka utvrđenog zakonom i ovim kolektivnim ugovorom.

Član 90.

Radnik u srednjoj školi koji je dobio otkaz ugovora o radu, ostat će na poslu do isteka otkaznog roka, osim u slučaju iz člana 89., ukoliko zakonom ili ovim kolektivnim ugovorom nije drugačije utvrđeno.

Član 91.

Odluku o prestanku radnog odnosa radnika u srednjoj školi, nadležni organ škole donijet će najkasnije u roku od sedam dana od dana kada su nastupile okolnosti koje su razlog prestanka radnog odnosa.

Član 92.

- (1) Kada radnik koji obavlja neposredno odgojno-obrazovni rad (nastavnici, stručni saradnici i saradnici) napuni 65 godina života i 40 godina staža osiguranja, odnosno 65 godina života i

minimalno 20 godina staža osiguranja, ima pravo da ostane na poslovima koje je do tada obavljao u cilju održavanja kontinuiteta odgojno-obrazovnog procesa do kraja prvog polugodišta, odnosno do kraja školske godine, ako jedan od uslova za penziju stekne u drugom polugodištu.

- (2) Ako radnik iz stava (2) u kalendarskoj godini puni 40 godina staža osiguranja, a ima 65 godina života, ima pravo da ostane na poslovima i radnim zadacima dok u toj godini ne napuni 40 godina penzijskog staža.

Član 93.

Poslodavac je dužan radniku isplatiti plaću i druge naknade iz radnog odnosa koje mu pripadaju do dana koji je rješenjem o prestanku ugovora o radu, utvrđen kao dan prestanka radnog odnosa.

VIII - POVREDE RADNE DUŽNOSTI

Član 94.

- (1) Radnik se može smatrati odgovornim zbog kršenja službene dužnosti utvrđene zakonskim i podzakonskim propisima, kolektivnim ugovorom i općim aktima škole.
- (2) Odgovornost za izvršenje krivičnih djela i prekršaja ne isključuje utvrđivanje odgovornosti za povrede radne dužnosti, pod uslovom da takvo djelo istovremeno predstavlja povredu službene dužnosti.

Član 95.

- (1) Povreda radne obaveze je ponašanje radnika koje je suprotno pravilima ponašanja radnika na radu i u vezi sa radom i koje je kvalifikovano kao nedopušteno.
- (2) Kolektivnim ugovorom i Pravilnikom o radu određuju se povrede radne dužnosti koje se odnose na disciplinsku odgovornost za povrede radne dužnosti koje učine radnici u srednjem obrazovanju Kantona Sarajevo.
- (3) Radnik odgovara disciplinski samo za povrede radne dužnosti koje su nastale kao rezultat njegove krivice.
- (4) Radnici se mogu smatrati disciplinski odgovornim samo za povrede radne dužnosti koje su utvrđene ovim kolektivnim ugovorom i pravilnikom o radu ustanove, i za te povrede mogu im se izreći samo disciplinske mjere utvrđene Zakonom o radu i Kolektivnim ugovorom.

Disciplinske mjere

Član 96.

- (1) Za povredu dužnosti i radne obaveze, radniku srednje škole može se izreći disciplinska mjera.
- (2) Disciplinske mjere u smislu stava (1) ovog člana su:
- a) pismeno upozorenje,
 - b) otkaz ugovora o radu.

Član 97.

- (1) Disciplinska mjera - pismeno upozorenje može se izreći za lakšu povredu dužnosti i radne obaveze utvrđene ovim ugovorom i Pravilnikom o radu srednje škole.
- (2) Za teške povrede radne obaveze može se izreći disciplinska mjera otkaz ugovora o radu.

Član 98.

- (1) Poslodavac lično ili putem formiranja komisije može utvrđivati činjenice za povredu radne discipline.
- (2) Pokretanje postupka za utvrđivanja činjenica o povredi radne discipline mora se pokrenuti pisanim putem. U prijavi za utvrđivanje činjenica mora se tačno navesti vrsta prekršaja radne discipline, isto tako mora se navesti član i tačka Kolektivnog ugovora i Pravilnika o radu, koja se odnosi na navedeni prekršaj radne discipline. Navedenom prijavom mora se utvrditi tačan opis prekršaja, vrijeme kada se dogodio prekršaj, dostaviti materijalne dokaze, navesti imena svjedoka.

Član 99.

- (1) Radniku se mora pružiti prilika da iznese svoju odbranu lično, putem zastupnika ili putem sindikata.
- (2) Poslije davanja iskaza i utvrđivanje činjenica da li je postojao prekršaj ili nije, poslodavac donosi svoju odluku u pisanom obliku (pisano upozorenje ili otkaz ugovora o radu).
- (3) Radnik ima pravo da uputi žalbu školskom odboru na odluku poslodavca.
- (4) Odluka školskog odbora je konačna.
- (5) Radnik ima pravo da osporava odluku poslodavca putem nadležnog Suda.

Lakše povrede radne obaveze

Član 100.

Lakše povrede radne obaveze radnika u srednjoj školi su:

- a) učestalo kašnjenje na posao (tri puta u mjesec dana),
- b) raniji odlazak sa posla bez odobrenja ili iz neopravdanih razloga,
- c) neopravdan izostanak sa posla dva dana uzastopno ili tri dana u vremenskom periodu od 30 dana,
- d) neobavješćavanje direktora srednje škole o spriječenosti dolaska na posao u roku od 36 sati, bez opravdanog razloga,
- e) odbijanje neophodne saradnje sa drugim radnicima srednje škole,
- f) neblagovremeno i neuredno vođenje dokumentacije i evidencije,
- g) neuredno čuvanje spisa, podataka ili druge povjerene dokumentacije,
- h) neprijavljivanje lakše povrede radne dužnosti utvrđene Pravilnikom o radu srednje škole,
- i) iznošenje neistine i klevete na rad srednje škole ili pojedinih radnika, ako se dokaže pred nadležnim organima,
- j) nepoštivanje Pravilnika o kućnom radu i etičkog kodeksa,
- k) druge lakše povrede radne dužnosti utvrđene Pravilnikom o radu srednje škole.

Teške povrede radne obaveze

Član 101.

Teške povrede radne obaveze radnika u srednjoj školi su:

- a) nepreduzimanje radnji, odnosno propuštanje preduzimanja radnji i mjera koje je direktor ili druga ovlaštena osoba srednje škole dužna preduzeti u okviru svojih ovlaštenja,
- b) davanje netačnih podataka kojima se utiče na donošenje odluka nadležnih organa u srednjoj školi ili time nastaju druge štetne posljedice,
- c) ometanje jednog ili više radnika srednje škole u procesu rada kojim se izrazito otežava izvršavanje radnih obaveza,
- d) primanje i davanje mita, nezakonito posredovanje u pribavljanju sredstava srednje škole i sl., ako se dokaže kod nadležnih organa,
- e) činjenje dostupnim spisa, slika, audiovizuelnih zapisa i drugih materijala ili predmeta pornografske sadržine,
- f) zlostavljanje, vrijeđanje ili omalovažavanje učenika srednje škole,
- g) rasturanje i činjenje dostupnim alkohola, opojnih droga ili drugih opojnih sredstava i narkotika u prostorijama i dvorištu srednje škole,
- h) zloupotreba pečata, ovjera neistinitih sadržaja ili falsifikovanje dokumenata koje izdaje srednja škola,
- i) zloupotreba prava korištenja bolovanja,

- j) povreda propisa o zaštiti od požara, eksplozije, elementarnih nepogoda i štetnih djelovanja otrovnih i drugih opasnih materijala, te povreda određaba Pravilnika o radu srednje škole,
- k) zloupotreba položaja i prekoračenja datog ovlaštenja od strane direktora,
- l) povreda propisa i nepreduzimanja mjera radi zaštite radnika, sredstava rada i životne sredine,
- m) izazivanje i učestvovanje u fizičkom razračunavanju (tuči) sa radnikom ili trećim licima u srednjoj školi ili školskom dvorištu,
- n) otuđivanje imovine srednje škole (osnovnih sredstava ili sitnog inventara),
- o) zlostavljanje, vrijeđanje ili omalovažavanje radnika ustanove od strane radnika,
- p) druge teže povrede radne dužnosti utvrđene Pravilnikom o radu srednje škole.

**IX - STRUČNO USAVRŠAVANJE I OSPOSOBLJAVANJE
ZA RAD**

Član 102.

S ciljem unapređivanja odgojno-obrazovnog rada poslodavac radniku u toku radnog odnosa u srednjoj školi organizuje i osigurava dalje obrazovanje, usavršavanje i osposobljavanje u radu, u skladu sa zakonom, podzakonskim aktima i općim aktima srednje škole.

Član 103.

Poslodavac može radnika uputiti na stručno usavršavanje, školovanje ili specijalizaciju, kao i na prisustvo organizovanim seminarima, savjetovanjima, kursovima i drugim vidovima stručnog usavršavanja i obuke potrebne za rad na radnom mjestu, u kom slučaju je dužan da osigura potrebne uslove, plaćanje troškova u visini cijene koja se utvrdi za određene oblike, odnosno programe edukacije, plaćeno odsustvo sa rada, odsustvo za pripremu i eventualno polaganje ispita, kao i stručnu zamjenu.

X - ZBRINJAVANJE VIŠKA RADNIKA

Član 104.

- (1) Zbog uvođenja novog nastavnog plana i programa, smanjenja broja učenika, organizacijskih promjena i objektivnih okolnosti nastalih u srednjoj školi, poslodavac može utvrditi da je prestala potreba za određenim brojem radnika.
- (2) U slučaju iz stava (1) ovog člana poslodavac je dužan:
 - a) blagovremeno analizirati, utvrditi i predložiti program dodatnog obrazovanja u skladu sa potrebama novog nastavnog plana i programa s ciljem sprečavanja nastanka viška radnika,
 - b) tri mjeseca prije preduzimanja aktivnosti na rješavanju viška radnika informirati sve radnike o nastalom višku,
 - c) utvrditi sa Sindikatom kriterije za izbor viška radnika i iste javno oglasiti.

Član 105.

- (1) Poslodavac je dužan donijeti, uz učešće i saglasnost sindikata, plan i program zbrinjavanja viška radnika na nivou Kantona. Programom i planom zbrinjavanja viška radnika za čijim radom je prestala potreba u ustanovama srednjeg obrazovanja, moraju se predvidjeti i rokovi za realizaciju.
- (2) Ministarstvo obrazovanja i nauke Kantona Sarajevo, zajedno sa Sindikatom formirat će radno tijelo - komisiju koja će evidentirati i predlagati ministru rješenja o zbrinjavanju radnika za čijim je radom prestala potreba, te vršiti kontrolu zbrinjavanja radnika za čijim je radom prestala potreba i usmjeravanje u druge odgojno-obrazovne ustanove, javne ustanove i preduzeća koja se finansiraju iz budžeta Kantona Sarajevo.

- (3) Poslodavac i Sindikat utvrđuju listu radnika za čijim radom je prestala potreba na nivou Kantona, a u skladu sa kriterijima.
- (4) Sastav komisije, kao i sva prava i obaveze njenih članova, utvrđuju se rješenjem o imenovanju komisije.

Član 106.

- (1) Kriterijima na osnovu kojih se iskazuje prestanak potrebe za radom radnika, kao i redosljed na listi radnika za čijim radom je prestala potreba, obuhvaćeni su:
- stručna sprema,
 - stručna zvanja,
 - položen stručni ispit,
 - dodatna usavršavanja,
 - uspješnost u izvršavanju poslova i radnih zadataka,
 - ocjena o radu i napredovanju,
 - radni staž radnika,
 - radni staž do 10 godina do ostvarenja uvjeta za penziju,
 - zdravstveno stanje radnika (invalidnost i profesionalna oboljenja),
 - socijalni položaj radnika i njegove porodice,
 - učešće u odbrani BiH,
 - drugi kriteriji koje usaglasе poslodavac i Sindikat.
- (2) Kao poseban kriterij ne može se utvrditi: nacionalnost, pol, vjeroispovijest, političko opredjeljenje.

Kriteriji za bodovanje

Član 107.

Bodovanje, odnosno broj bodova za utvrđivanje rang-liste radnika u slučaju prestanka potrebe za radno angažovanje, kako je to definisano u članu 106. ovog Kolektivnog ugovora, utvrđuje se na osnovu sljedećih kriterija:

a)	stručna sprema:	
1)	visoka stručna sprema - VII stepen/prvi ciklus bolonjskog studija (240 kredita)	30 bodova
2)	prvi ciklus bolonjskog studija (180 kredita)	27 bodova
3)	viša stručna sprema - VI stepen	25 bodova
4)	visokokvalifikovani radnik - V stepen	23 boda
5)	srednja stručna sprema - IV stepen	20 bodova
6)	kvalifikovani radnik - III stepen	18 bodova
7)	polukvalifikovani radnik	15 bodova
8)	nekvalifikovani radnik	3 bodova
b)	položen stručni ispit za rad u Ustanovi	5 bodova
c)	dodatno usavršavanje:	
1)	doktor nauka	15 bodova
2)	magistar nauka	10 bodova
3)	specijalista/master bolonjskog studija	5 bodova
4)	položen pravosudni ispit	5 bodova
5)	drugi oblici usavršavanja (kursevi, stručne specijalizacije, seminari, autor stručnih knjiga, udžbenika, recenzija, naučni radovi)	5 bodova
d)	ocjena komisije za ocjenjivanje rada u posljednje dvije godine:	
1)	naročito se ističe	15 bodova
2)	ističe se	10 bodova
3)	dobar	5 bodova
4)	Zadovoljava	3 boda
e)	dužina radnog staža:	
1)	za svaku godinu radnog staža u obrazovanju	2 boda
2)	za svaku godinu radnog staža van obrazovanja	1 bod
3)	za svaku godinu radnog staža u školi u kojoj se boduje dodati još	0,5 boda
f)	učešće u odbrani od agresije na BiH:	
1)	učešće u Armiji BiH-HVO (za svaki mjesec)	2 bod
2)	učešće u Civilnoj zaštiti (za svaki mjesec)	0,5 boda

3)	radna obaveza (za svaki mjesec)	0,5 boda
g)	socijalne prilike:	
1)	radnik sa pet i više članova porodice koje izdržava	30 bodova
2)	radnik sa četiri člana porodice koje izdržava	25 bodova
3)	radnik sa tri člana porodice koje izdržava	20 bodova
4)	radnik sa dva člana porodice koje izdržava	15 bodova
5)	radnik sa jednim članom porodice kojeg izdržava	10 bodova
6)	radnik samac	5 bodova
7)	Samohrani roditelj	5 bodova
h)	zdravstveno stanje:	
1)	ratni vojni invalid (za svaki stepen invalidnosti)	1 bod
2)	invalid rada i civilne zaštite (za svaki stepen invalidnosti)	0,5 boda
3)	radnik sa težim hroničnim oboljenjem	5 bodova
4)	radnik - roditelj djeteta sa težim smetnjama u razvoju	3 boda
5)	invalid II kategorije	30 bodova
i)	stručna zvanja:	
1)	viši savjetnik, stručni sar. savjetnik, viši konsultant, viši referent	20 bodova
2)	savjetnik, viši stručni saradnik, konsultant, referent	15 bodova

Član 108.

- (1) Bodovanje po članu 107. stav (1) tačka c) alineja 5) vrši se na sljedeći način:
- samo ukoliko se radi o kursovima i seminarima koji se realizuju u organizaciji Ministarstva, kao i kursovima koji su usko vezani za posao koji doprinose stručnom usavršavanju nastavnika, a usko su vezani za struku, odnosno predmet koji nastavnik predaje;
 - boduju se samo recenzije stručne literature koja je usko vezana za struku, odnosno predmet koji nastavnik predaje;
 - bodovi se dodjeljuju radnicima koji su stekli odgovarajuće diplome ili certifikate za položene kurseve, specijalizacije i seminare, te za autore stručnih knjiga, udžbenika, recenzija i naučnih radova, i to za:
 - kurs 0,5 bodova po kursu, maksimalno 2,5 boda,
 - seminar 0,5 bodova po seminaru, maksimalno 2,5 boda,
 - stručnu specijalizaciju 1 bod po specijalizaciji, maksimalno 2,5 boda,
 - recenziju 2,5 bodova, maksimalno 5 bodova,
 - naučni rad 3 boda, maksimalno 5 bodova,
 - koautora naučnog rada 1,5 bodova, maksimalno 3 boda,
 - autora stručnih knjiga 5 bodova, maksimalno 5 bodova,
 - koautora stručnih knjiga 2,5 bodova, maksimalno 5 bodova,
 - autora udžbenika 5 bodova, maksimalno 5 bodova,
 - koautora udžbenika 2,5 bodova, maksimalno 5 bodova.
 - zbir bodova koji se dodjeljuje radniku po osnovu dodatnog usavršavanja, ne može biti veći od 5 bodova.
 - dodatno usavršavanje se boduje na isti način za učesnike, organizatore i realizatore kurseva i seminara.
- (2) Radni staž po članu 107. stav (1) tačka e) se dokazuje na sljedeći način:
- ovjerenom listom nadležnog organa PIO/MIO ili kopijom radne knjižice, koja se dostavlja samo prvi put kada se radnik boduje;
 - za svako sljedeće bodovanje, dostavlja se ovjerena lista nadležnog organa PIO/MIO ili kopija radne knjižice uz

- potvrdu Ustanove u kojoj je radnik zaposlen, pod uslovom da nije prekidao radni odnos;
- c) u slučaju da je radnik imao prekid radnog odnosa, neophodno je ponovo dostaviti ovjerenu listu nadležnog organa PIO/MIO (ne stariju od mjesec dana) ili kopiju radne knjižice;
 - d) prilikom unosa podataka boduje se samo puna godina radnog staža.
- (3) Vrijeme provedeno u oružanim snagama, radnoj obavezi i jedinicama Civilne zaštite po članu 107. stav (1) tačka f) se dokazuje odgovarajućom potvrdom nadležnog organa, koja se dostavlja samo prvi put kada se radnik boduje.
- (4) Bodovanje po članu 107. stav (1) tačka g) vrši se na sljedeći način:
- a) boduju se samo članove uže porodice (djeca i suprug/supruga) koji sa radnikom žive u zajedničkom domaćinstvu;
 - b) broj članova porodice radnik dokazuje uvjerenjem/rješenjem ili drugom javnom ispravom izdatom od strane nadležnog organa (izvod iz matične knjige rođenih, izvod iz matične knjige vjenčanih, potvrda o statusu učenika/studenta, kućna lista, potvrde službe za zapošljavanje, ovjerena kopija obrazca za prijavu poreza na dohodak (zaprmljenog od Poreske uprave) i druga relevantna dokumentacija);
 - c) za svako sljedeće bodovanje radnik dostavlja sve dokumente;
 - d) prihvataju se samo oni dokumenti koji nisu stariji od šest mjeseci.
- (5) Bodovanje po članu 107. stav (1) tačka h) vrši se na sljedeći način:
- a) zdravstveno stanje radnik dokazuje uvjerenjem/rješenjem ili drugom javnom ispravom izdatom od strane nadležnog organa, u skladu sa zakonskim ovlastima, samo prvi put kada se boduje;
 - b) za svako sljedeće bodovanje vrijede dostavljeni dokumenti, pod uslovom da nije došlo do promjena;
 - c) stepen invalidnosti, podrazumijeva 10% invalidnosti, što znači da se ratni vojni invalid ili invalid rada i civilne zaštite sa 10% invalidnosti, boduje sa jednim bodom (zaključno sa 100% invalidnosti - 10 bodova, dakle, na svakih 10% invalidnosti dobija se 1 bod).

Član 109.

Podatke o potrebama za novim radnicima i podatke o radnicima za čijim radom je prestala potreba, u skladu sa ovim kriterijima, škole su dužne dostaviti Ministarstvu obrazovanja i nauke - Komisiji za zbrinjavanje radnika za čijim je radom prestala potreba, kao i Sindikatu, onog trenutka kada se potreba za novim radnicima pojavi.

Član 110.

- (1) Radnik za koga se utvrdi da je za njegovim radom prestala potreba, mora biti lično i neposredno upoznat sa svojim pravima i načinom njihovog ostvarivanja.
- (2) Srednja škola ne može primati u radni odnos na istim poslovima i zadacima drugo lice, dok na listi iz člana 105. ovog kolektivnog ugovora postoji evidentirano lice sa istim kvalifikacijama i uslovima tog radnog mjesta.

Član 111.

- (1) Planom i programom zbrinjavanja radnika koji su utvrđeni na listi iz člana 105. ovog kolektivnog ugovora, utvrđuje se i: zapošljavanje i angažovanje radnika na druge poslove u srednjoj školi;

- a) angažovanje radnika na poslove i zadatke koji odgovaraju njegovoj stručnoj spremi u drugoj odgojno-obrazovnoj ustanovi, javnoj ustanovi, javnom preduzeću koje se finansira iz budžeta Kantona Sarajevo;
 - b) raspoređivanje radnika kod drugog pravnog lica;
 - c) obaveza prekvalifikacije ili dokvalifikacije radnika;
 - d) preraspodjela radnog angažiranja radnika u srednjoj školi, odnosno dopuna nastavne norme kroz druge vidove odgojno-obrazovnog rada na period trajanja do jedne školske godine;
 - e) drugi načini rješavanja koje usvoji poslodavac uz dogovor sa sindikatom.
- (2) Plan i program zbrinjavanja radnika za čijim je radom prestala potreba, donosi Vlada Kantona Sarajevo.

Član 112.

- (1) U slučajevima kada se višak radnika rješava prekvalifikacijom, radnik može odbiti prekvalifikaciju ako je ona predviđena za niži stepen stručne spremlje od one koju radnik ima.
- (2) Prema radniku koji svojom krivicom prekine započeti proces prekvalifikacije, odnosno dokvalifikacije, poslodavac nema obavezu daljeg rješavanja njegovog statusa.

Član 113.

- (1) Radniku sa liste iz člana 105. ovog kolektivnog ugovora kome se po Planu i programu zbrinjavanja viška radnika za čijim je radom prestala potreba, ponudi odgovarajući radni angažman, a on ga odbije, kao i radniku kome se ne može ponuditi odgovarajući posao, dobija otkaz ugovora o radu sa otkaznim rokom u skladu sa zakonom i ovim kolektivnim ugovorom.
- (2) Radniku koji odbije dopunu časova u drugoj školi ili odbije da radi, otkazat će se ugovor o radu i ponuditi novi ugovor o radu na onaj broj časova koji trenutno ima. U slučaju da odbije ponuđen ugovor o radu sa promijenjenim okolnostima, otkazuje mu se ugovor o radu. Radnik ima pravo da svoje pravo traži putem nadležnog suda.
- (3) Otkazni rok za lica iz stava 1. ovog člana teče od isteka posljednjeg dana roka utvrđenog Planom i programom zbrinjavanja viška radnika iz člana 105. ovog kolektivnog ugovora, s tim da se u srednju školu ne može zaposliti naredne dvije godine drugo lice koje ima isti profil i stepen stručne spremlje, osim lica iz prethodnog stava ovog člana, ukoliko je to lice ostalo nezaposleno.

Član 114.

Poslodavac i Ministarstvo obrazovanja i nauke, u dogovoru sa Sindikatom, kod uvođenja nove koncepcije odgoja i obrazovanja, novih nastavnih planova i programa, mreže škola i promjena u pedagoškim standardima i normativima, dužni su donijeti i program zbrinjavanja eventualnog viška radnika nastalog kao posljedica navedenih promjena.

Obaveze socijalnih partnera

Član 115.

- (1) Javni konkurs/oglas nije potreban za sklapanje ugovora o radu:
 - a) na određeno vrijeme kraće od 180 dana u skladu zakonom;
 - b) kada se zasniva radni odnos s osobom koja se nalazi na evidenciji iz člana 106. ovog ugovora,
 - c) do punog radnog vremena s osobom koja ima zasnovan radni odnos na neodređeno nepuno radno vrijeme. Pravo iz ove alineje primjenjuje se kako u slučaju zasnivanja radnog odnosa kod istog poslodavca, tako i kod drugog poslodavca na području Kantona Sarajevo, te također i u slučaju kada bi nakon zasnivanja radnog odnosa do punog radnog vremena za preostali dio bilo potrebno raspisati javni konkurs/oglas,

- d) ako radnici, u radnom odnosu na neodređeno vrijeme, žele zamijeniti mjesto rada, a postoji sporazum školskih ustanova i radnika koji su u radnom odnosu na neodređeno vrijeme,
- e) u Školi sa zaposlenikom koji nema odgovarajuću vrstu stručne spreme za obavljanje poslova, a Školi i radniku je ministar rješenjem utvrdio pravo obavljanja tih poslova,
- f) te u drugim slučajevima kada to nije potrebno prema zakonu.

XI - ODMORI I ODSUSTVA

Godišnji odmor

Član 116.

- (1) Radnik u srednjoj školi, koji učestvuje neposredno u odgojno-obrazovnom radu (profesori, nastavnici i stručni saradnici), godišnji odmor koristi tokom ljetnog raspusta, u trajanju od 36 radnih dana.
- (2) Izuzetno, radnik iz stava (1) ovog člana može koristiti godišnji odmor i u drugom periodu godine, u skladu sa zakonom i općim aktima srednje škole, u slučajevima kada se neće remetiti nesmetano odvijanje odgojno-obrazovnog procesa u srednjoj školi.
- (3) Ostali radnici u srednjoj školi koriste godišnji odmor u skladu sa zakonom i općim aktima škole, s tim da njihovo korištenje godišnjeg odmora ne može remetiti odvijanje odgojno-obrazovnog procesa i ne može trajati duže od 36 radnih dana.

Rješenje o korištenju godišnjeg odmora

Član 117.

- (1) Plan korištenja godišnjeg odmora utvrđuje direktor škole uz konsultacije sa Sindikatom.
- (2) Rješenje o korištenju godišnjeg odmora donosi direktor škole najkasnije 30 dana prije početka godišnjeg odmora radnika.
- (3) Protiv rješenja o korištenju godišnjeg odmora, radnik može lično ili preko Sindikata uložiti prigovor školskom odboru.
- (4) Prigovor odgađa izvršenje rješenja.
- (5) O prigovoru školski odbor mora odlučiti u roku od osam dana od dana prijema prigovora.

Član 118.

- (1) Pri utvrđivanju trajanja godišnjeg odmora ne uračunavaju se subote, nedjelje i praznici koji se po zakonu ne rade.
- (2) Radnik koji nije stekao pravo na godišnji odmor, odnosno koji nema šest mjeseci neprekidnog rada, ima pravo na najmanje dva radna dana godišnjeg odmora za svaki navršeni mjesec rada.
- (3) Radnik za vrijeme korištenja godišnjeg odmora ima pravo na naknadu plaće, u visini plaće koju bi ostvario da je radio.

Član 119.

- (1) Radnik koji ne učestvuje neposredno u odgojno-obrazovnom radu ima pravo na godišnji odmor najmanje 20 radnih dana.
- (2) Godišnji odmor duži od 20 radnih dana utvrđuje se u skladu sa sljedećim kriterijima i mjerilima:

1. Po osnovu staža:	
za svake tri godine radnog staža	1 radni dan
2. Po osnovu složenosti poslova i zadataka:	
radnici koji obavljaju poslove VSS sprema	4 radna dana
radnici koji obavljaju poslove VS i VKV sprema	3 radna dana
radnici koji obavljaju poslove SSS	2 radna dana

radnici sa KV spremom	2 radna dana
ostali radnici	1 radni dan
3. Po osnovu uslova rada:	
za otežane uslove rada	3 radna dana
rad u smjenama i u neradne dane	2 radna dana
4. Po osnovu socijalnih i zdravstvenih uslova:	
roditelj ili staratelj sa djetetom do sedam godina starosti za svako takvo dijete	1 radni dan
samohrani roditelj ili staratelj sa djetetom do deset godina starosti, za svako dijete po	2 radna dana
samohrani roditelj ili staratelj sa hendikepiranim djetetom, za svako dijete po	2 radna dana
invalid	2 radna dana
5. Po osnovu rezultata rada:	
za uspješne rezultate u radu (ocjena ističe se)	1 radni dan
za naročito uspješne rezultate u radu (ocjena naročito se ističe)	2 radna dana
6. Radnik ima pravo u toku godine koristiti jedan dan godišnjeg odmora prema vlastitoj potrebi, uz obavezu da o tome obavijesti direktora najmanje tri dana prije korištenja tog dana odmora	

Član 120.

- (1) Radniku se može dogoditi, odnosno prekinuti korištenje godišnjeg odmora radi izvršenja veoma važnih ili neodgovodnih službenih poslova, na osnovu odluke direktora.
- (2) Radniku kome je odgođeno ili prekinuto korištenje godišnjeg odmora, mora se omogućiti naknadno korištenje, odnosno nastavljjanje korištenja godišnjeg odmora.
- (3) Radnik ima pravo na naknadu stvarnih troškova prouzrokovanih odgodom, odnosno prekidom korištenja godišnjeg odmora.
- (4) Pod troškovima iz stava (3) ovog člana smatraju se putni i drugi stvarni troškovi koji se dokazuju odgovarajućim dokazima (računima).

Član 121.

Radnik u srednjoj školi, koji učestvuje neposredno u odgojno-obrazovnom radu, koristi vrijeme kada učenici nemaju redovnu nastavu, prvenstveno za kolektivno i individualno stručno usavršavanje (u ustanovi i van ustanove) koje je propisano zakonom, podzakonskim aktima i općim aktima škole, odnosno utvrđeno posebnim programom stručnog usavršavanja, koji se donosi u srednjoj školi za tu godinu. Nastavnici u ovo vrijeme rade na poslovima sređivanja pedagoške dokumentacije, planiranja i programiranja nastave za naredni period, pisanja godišnjih i polugodišnjih izvještaja, realizacije programa instruktivne nastave, konsultacija, obavljaju razredne, dopunske, popravne, maturalne i prijemne ispite, i za to vrijeme im pripada plaća i naknada plaće.

Plaćeno odsustvo

Član 122.

- (1) Radnik ima pravo na plaćeno odsustvo sa rada do sedam radnih dana u jednoj kalendarskoj godini na način kako je to regulisano Zakonom o radu u sljedećim slučajevima:

a) sklapanje braka	5 radnih dana
b) porođaj supruge	5 radnih dana
c) sklapanje braka djeteta radnika	2 radna dana
d) smrt supružnika, djeteta, roditelja i unuka	5 radnih dana
e) smrt roditelja supružnika	3 radna dana
f) smrt brata ili sestre	2 radna dana

g) smrt roditelja po ocu i majci	1 radni dan
h) otklanjanje težih štetnih posljedica elementarnih nepogoda	3 radna dana
i) aktivno učestvovanje na sportskim, kulturnim, i drugim stručnim i naučnim manifestacijama po odobrenju direktora do	5 radnih dana
j) selidba i izgradnja vlastite stambene kuće - stana	2 radna dana
k) regulisanja prava na penziju	2 radna dana
l) radnik dobrovoljni darivalac krvi, za svako darivanje ima pravo po	1 radni dan
m) za teške bolesti člana porodice	2 radna dana
n) u slučaju rastave braka	2 radna dana
o) za zadovoljenje vjerskih odnosno tradicijskih potreba	2 radna dana
p) i u drugim sličnim slučajevima što se određuje općim aktima škole.	

- (2) Radnik ima pravo na plaćeno odsustvo sa rada u trajanju od najmanje pet radnih dana za pripremanje i polaganje stručnog ispita ili drugog ispita koji predstavlja uslov za obavljanje poslova radnog mjesta na koje je radnik raspoređen.
- (3) Radnik ima pravo u toku godine koristiti jedan dan godišnjeg odmora, prema vlastitoj potrebi, uz obavezu da o tome obavijesti direktora, najmanje tri dana prije korištenja tog dana odmora.
- (4) Radnik koji je upućen od poslodavca na školovanje, stručno osposobljavanje ili usavršavanje ima pravo na plaćeno odsustvo u trajanju koje se utvrdi općim aktom škole, ali ne manje od pet radnih dana.
- (5) Izuzetno, u slučaju smrti člana uže obitelji, zajedničkog domaćinstva, radnik koji je u toku kalendarske godine već iskoristio do sedam dana odsustva, po drugim osnovama, ima pravo na odgovarajući broj plaćenih dana, u skladu sa ovim članom kolektivnog ugovora.
- (6) Radnik koji koristi plaćeno odsustvo, u smislu ovog člana, za dane koje koristi dobija naknadu plaće i nije dužan da nadoknađuje izgubljene časove, odnosno radne dane.
- (7) Za vrijeme korištenja odsustva, iz slučajeva definisanih ovim članom, direktor je dužan da organizuje adekvatnu zamjenu. Ako zamjenu nije moguće obezbijediti, radnik će nadoknaditi časove, ali mu se onda plaća svaki čas nadoknade.
- (8) U pogledu sticanja prava iz radnog odnosa ili u vezi sa radnim odnosom, vrijeme plaćenog odsustva smatra se vremenom provedenim na radu.

Neplaćeno odsustvo

Član 123.

Radniku pripada pravo na četiri neplaćena radna dana u jednoj kalendarskoj godini za zadovoljenje vjerskih, odnosno tradicijskih potreba, u skladu sa godišnjim kalendarom rada.

Član 124.

- (1) Poslodavac može odobriti radniku odsustvovanje sa posla bez naknade plaće (neplaćeno odsustvo) u sljedećim slučajevima:
 - a) za stručno usavršavanje i obrazovanje u inostranstvu ili za naučno-istraživački rad u zemlji, do jedne godine;
 - b) radi njege teško oboljelog člana uže porodice, odnosno domaćinstva, u trajanju najduže do jedne godine;
 - c) radi učestvovanja u radu specijalizovanih institucija u zemlji i inozemstvu, u trajanju najduže do jedne godine;
 - d) radi učešća radnika u kulturnim, vjerskim, sportskim aktivnostima, sindikalnim, i drugim aktivnostima za period njihovog trajanja, a najduže do 30 dana;
 - e) spajanje porodice najduže do jedne 1 godine;
 - f) radnik ima pravo na neplaćeno odsustvo radi učešća na vjerskim obredima i manifestacijama, a najduže do 30 dana;

- g) radnik ima pravo na neplaćeno odsustvo u trajanju do 30 dana u vrijeme predizbornih kampanja ako se nalazi na listi političke stranke.
- (2) Radnik koji je izabran, odnosno imenovan na neku od javnih dužnosti u organima Bosne i Hercegovine, Federacije Bosne i Hercegovine, organima kantona, grada i općine, ima pravo na neplaćeno odsustvo, na lični zahtjev, za vrijeme vršenja javne dužnosti, a najduže četiri godine od dana izbora, odnosno imenovanja.
- (3) Radniku i njegovom supružniku radi boravka u diplomatsko-konzularnim predstavništvima može se odobriti odsustvo bez naknade plaće u trajanju do četiri godine.
- (4) Odsustvo sa rada u srednjoj školi u slučajevima iz stava (1) ovog člana poslodavac će odobriti radniku samo pod uslovom da se odsustvom ne ometa normalno odvijanje nastavnog procesa, odnosno odgojno-obrazovnog rada u školi.
- (5) Direktor škole može odobriti neplaćeno odsustvo u trajanju do 15 radnih dana, a za svako odsustvo duže od 15 dana odluku donosi školski odbor.
- (6) Općim aktima srednje škole mogu se utvrditi i drugi slučajevi i uslovi korištenja neplaćenog odsustva.
- (7) Za vrijeme neplaćenog odsustva prava i obaveze radnika koji se stiču na rad i po osnovu rada miruju.

Odmor u toku radnog vremena

Član 125.

- (1) Radnik koji radi duže od 6 sati dnevno, ima pravo na odmor u toku radnog dana u trajanju od najmanje 30 minuta.
- (2) Poslodavac je dužan radniku na njegov zahtjev omogućiti odmor u trajanju od jednog sata za jedan dan u toku radne sedmice.

Dnevni odmor

Član 126.

- (1) Radnik ima pravo na odmor između dva dana (dnevni odmor) u trajanju od najmanje 12 sati neprekidno.

Sedmični odmor

Član 127.

- (1) Radnik ima pravo na sedmični odmor u trajanju od 48 sati neprekidno.
- (2) Dani sedmičnog odmora u pravilu su subota i nedjelja.
- (3) Ako je neophodno da radnik radi na dan (dane) sedmičnog odmora, osigurava mu se korištenje sedmičnog odmora tokom sljedeće sedmice.
- (4) Ako se radi za vrijeme sedmičnog odmora radi potrebe posla i ne može se koristiti na način iz stava (2) ovog člana, radnik će ga koristiti naknadno prema odluci poslodavca, ali ne u razdoblju dužem od 14 dana od dana rada na dan sedmičnog odmora.

XII - NAKNADA ŠTETE

Odgovornost za nastalu štetu

Član 128.

- (1) Radnik u srednjoj školi dužan je nadoknaditi štetu koju prouzrokuje pri radu, namjerno ili iz krajnje nepažnje.
- (2) Poslodavac rješenjem utvrđuje visinu i način nadoknade štete.
- (3) U slučaju kada bi troškovi postupka utvrđivanja štete bili veći od iznosa same štete, visinu štete poslodavac može utvrditi i u paušalnom iznosu.
- (4) U slučaju kada radnik odbije da nadoknadi štetu utvrđenu rješenjem iz stava (2) ovog člana, poslodavac može pokrenuti postupak za nadoknadu štete pred nadležnim sudom.

Član 129.

- (1) Ako je šteta nastala na stvari ili objektu, poslodavac može, na zahtjev radnika, dozvoliti da se šteta nadoknadi u određenom roku uspostavom prijašnjeg stanja na stvari ili objektu, o trošku radnika.
- (2) Poslodavac može iznos štete umanjiti ili nadoknaditi iz drugih izvora, sve u zavisnosti od imovinskog stanja radnika i njegovog odnosa prema radu.
- (3) Poslodavac može, u zavisnosti od visine štete, a na zahtjev radnika, dopustiti i plaćanje nadoknade štete u obrocima, što se utvrđuje rješenjem.

XIII - ZAŠTITA PRAVA

Član 130.

Poslodavac je dužan da odluke i akte o ostvarivanju prava, obaveza i odgovornosti radnika u ustanovama srednjeg obrazovanja dostavi radniku u pisanom obliku sa obrazloženjem i poukom o pravnom lijeku, a najkasnije u roku od 15 dana od dana donošenja akta.

Član 131.

Prilikom razmatranja prigovora radnika na odluke i akte iz radnog odnosa i po osnovu rada, poslodavac je dužan razmotriti i mišljenje Sindikata.

Član 132.

Radniku ne može prestati radni odnos bez njegove krivice ukoliko mu nedostaje najviše 10 godina do ostvarenja uslova za penziju.

Član 133.

- (1) U slučaju smanjene radne sposobnosti zbog profesionalne bolesti, povrede na radu i invaliditeta, radniku se osigurava adekvatan posao bez smanjenja plaće koju je ostvarivao prije nastupanja navedene okolnosti.
- (2) Radniku koji je radio skraćeno radno vrijeme zbog razloga navedenih u stavu (1) ovog člana, isplaćuje se puna plaća koju bi ostvario za puno radno vrijeme na radnom mjestu na koje je raspoređen.

Član 134.

- (1) Izvještaj o užem stručnom nadzoru nastavnika i općem stručnom nadzoru nad radom škole, obavezno se prezentira na prvoj narednoj sjednici nastavičkog vijeća.
- (2) Izvještaj o uvidu u rad pojedinog nastavnika dostavlja se predmetnom nastavniku i predsjedniku stručnog aktiva.

Član 135.

Radnik ima pravo zahtijevati stručnu ekspertizu izvještaja o nadzoru koju će provesti ekspertna komisija Prosvjetno-pedagoškog zavoda Ministarstva obrazovanja i nauke Kantona Sarajevo.

Član 136.

- (1) Svjetski dan nastavnika, 5. oktobar, obilježava se u školama kao radni nenastavni dan uz prigodan program.
- (2) Dan nastavnika Kantona Sarajevo obilježava se kao radni nenastavni dan uz prigodan program (organizaciju literarnih i likovnih konkursa, sportskih takmičenja, okruglih stolova, humanitarnih akcija i drugih manifestacija) sa ciljem promocije njegovog značaja i uloge nastavnika u odgojno-obrazovnom procesu.

XIV - USLOVI ZA RAD SINDIKATA I ZAŠTITA SINDIKALNOG POVJERENIKA

Član 137.

- (1) Poslodavac u srednjoj školi, svojim djelovanjem i aktivnostima, ne može ograničavati niti onemogućavati

sindikalni rad, sindikalno organiziranje i pravo radnika da se učlani u Sindikat.

- (2) Sindikat djeluje u skladu sa Statutom sindikata, koji mora biti usklađen, sa svim pozitivnim zakonskim propisima.

Član 138.

Sindikalnim povjerenicima u smislu ovog ugovora smatraju se sljedeća lica:

- a) predsjednik sindikalne organizacije i članovi sindikalnog odbora škole,
- b) predsjednik i članovi Kantonalnog odbora i Nadzornog odbora Sindikata,
- c) predsjednik Sindikata srednjeg i visokog obrazovanja odgoja, nauke i kulture BiH i članovi Glavnog odbora i njegovih radnih tijela.

Član 139.

- (1) Mišljenje i prijedlog sindikata, poslodavac je dužan razmatrati uz obavezno prisustvo predstavnika sindikata.
- (2) Žalbe radnika - člana Sindikata ne mogu se razmatrati i o njima odlučivati bez njegovog prisustva ili ovlaštenog predstavnika Sindikata.
- (3) Poslodavac je dužan primiti i saslušati sindikalnog povjerenika kada on to zatraži ili po dogovoru, ali najkasnije u roku od 7 dana, od dana podnošenja zahtjeva za prijem.
- (4) Poslodavac je dužan u pisanom obliku odgovoriti na svaki dopis sindikalnog povjerenika, odnosno predstavnika, najkasnije u roku od 15 dana.
- (5) Poslodavac je obavezan sindikalnom povjereniku, odnosno predstavniku, omogućiti pristup radnim mjestima radnika, radi sagledavanja uslova rada, i omogućiti mu uvid u podatke i dokumente koji se odnose na prava zaštite na radu radnika, vodeći računa da se ne remeti odvijanje odgojno-obrazovnog procesa.

Član 140.

- (1) Sindikalni povjerenik/predsjednik, odnosno predstavnik, ne smije biti spriječen ili ometan u obavljanju svoje dužnosti ako djeluje u skladu sa zakonom i ovim ugovorom.
- (2) Poslodavac u srednjoj školi je dužan da za rad Sindikata osigura bez naknade, sljedeće uslove:
 - a) prostoriju za rad sindikata, u pravilu odvojenu od mjesta rada i odgovarajući prostor za održavanje sindikalnih sastanaka;
 - b) prostor i opremu za rad i održavanje sastanaka Sindikata; fax, telefon, internet, kopir aparat, papir i drugo;
 - c) nesmetanu distribuciju novina, letaka, brošura, peticija i drugog informativnog materijala Sindikata, kao i oglašavanje sindikalnih aktivnosti na oglasnim pločama i drugim mjestima;
 - d) obračun sindikalne članarine i drugih obustava preko platne liste prilikom obračuna plaća i doznacavanje članarine na račun Sindikata, a na osnovu pisane izjave člana Sindikata;
 - e) sindikalnom povjereniku-predsjedniku u školi priznaje se ukupno 4 sata sedmično za obavljanje njegove funkcije na teret poslodavca. Ukoliko je povjerenik iz reda nastavnika od ukupno 4 sata priznaje mu se 2 sata u nastavnoj normi;
 - f) predsjedniku i članu sindikalnog odbora škole, poslodavac će, uz naknadu plaće, omogućiti odsustvo sa rada do 5 dana u toku jedne kalendarske godine;
 - g) članu Kantonalnog odbora, članu Glavnog odbora i njegovih tijela, poslodavac će uz naknadu plaće, omogućiti odsustvo ukupno do 10 dana u toku jedne kalendarske godine za sve sindikalne aktivnosti na svim nivoima;

- h) predsjedniku Kantonalnog odbora priznaje se pola radnog vremena, odnosno pola nastavne norme ukoliko je nastavnik, za obavljanja funkcije na teret poslodavca;
 - i) ako je predsjednik Kantonalnog odbora, koji svoju funkciju obavlja volonterski, na teret poslodavca omogućiti će mu se odsustvo sa posla uz naknadu plaće do 15 dana u toku jedne kalendarske godine, isključivo za sindikalne aktivnosti.
 - j) predsjedniku Kantonalnog odbora Sindikata koji svoju funkciju obavlja profesionalno, u skladu sa odredbama ovog ugovora ima pravo na plaću za puno radno vrijeme, naknadu plaće i doprinose u skladu sa Zakonom i isplaćuje se iz budžeta Kantona;
 - k) za vrijeme profesionalnog obavljanja funkcije u Sindikatu, predsjedniku pripada plaća u visini plaće koju bi imao da je radio na svom radnom mjestu.
- (3) Kantonalni odbor, odnosno predsjednik Kantonalnog odbora izabrat će jednu od ponuđenih mogućnosti iz ovog člana tačka h), i), j).

Član 141.

Članovi Sindikata u školi imaju pravo održati sindikalni sastanak jednom u mjesec dana u radno vrijeme, vodeći računa da se sastanci organizuju u vrijeme i na način koji ne remeti rad škole.

Član 142.

Poslodavac je dužan omogućiti da nadležna finansijska služba, koja vrši obračun i naplatu sindikalne članarine putem platnih lista članova Sindikata, istu doznači u korist naznačenog žiro-računa Sindikata.

Član 143.

Sindikat se obavezuje da će djelovati u skladu sa Ustavom, zakonom i ovim kolektivnim ugovorom.

Član 144.

Dužnost Sindikata je da obavijesti poslodavca o izboru ili imenovanju sindikalnog predsjednika i drugih sindikalnih predstavnika.

Član 145.

- (1) Organ Sindikata može odlučiti da se određene funkcije u Sindikatu na kantonalnom nivou organizovanja mogu obavljati profesionalno.
- (2) Radniku koji je u radnom odnosu u srednjoj školi, nakon izbora za sindikalnog povjerenika, izvršit će se dopuna osnovnog ugovora o radu, kojim će se precizirati vrijeme predviđeno za obavljanje te funkcije, plaća i druga pitanja u skladu sa ovim Kolektivnim ugovorom.

Član 146.

- (1) Sindikalni povjerenik-predsjednik, odnosno predsjedniku Kantonalnog i Glavnog odbora, kao i članu Kantonalnog i Glavnog odbora Sindikata za vrijeme trajanja mandata, odnosno šest mjeseci nakon isteka mandata, ne može se bez saglasnosti Kantonalnog odbora Sindikata:
 - a) premjestiti na druge poslove i zadatke u srednjoj školi ili u drugu odgojno-obrazovnu ustanovu,
 - b) odrediti kao višak radnika,
 - c) premjestiti na nepovoljnije radno mjesto,
 - d) sniziti osnovnu plaću u okviru istih uslova rada,
 - e) pokrenuti disciplinski ili odštetni postupak.

Član 147.

- (1) Školski odbor i direktor ustanove srednje škole dužni su pismeno blagovremeno obavijestiti sindikalnog povjerenika o sjednicama organa u srednjoj školi i omogućiti mu prisustvo na svim sjednicama, osim sjednicama koje su zatvorene za javnost, te razmotriti prijedloge i stavove Sindikata o pitanjima iz njihove nadležnosti ako se o njima raspravlja.

- (2) Direktor srednje škole je dužan primiti i saslušati sindikalnog povjerenika na njegov zahtjev i učiniti mu dostupnim informacije u skladu sa Zakonom o slobodi pristupa informacijama.

Član 148.

- (1) U srednjoj školi sindikalni povjerenik ima pravo i obavezu:
 - a) sudjelovati u planiranju mjera za unapređivanje uslova rada;
 - b) biti informisan o promjenama bitnim za sigurnost i zdravlje radnika;
 - c) osposobljavati se i obrazovati za izvršavanje poslova u vezi sa zaštitom na radu;
 - d) pozvati inspektora zaštite na radu kada za to postoje razlozi;
 - e) biti prisutan kod inspekcijskih pregleda koje se odnose na djelokrug djelovanja sindikata;
 - f) staviti primjedbe na nalaz i mišljenje inspektora rada, zaštite na radu;
 - g) tražiti od radnika da poštuje mjere zaštite na radu;
 - h) kontrolisati prijavu na osiguranje i uplatu doprinosa.

Član 149.

Vlada Kantona Sarajevo, Ministarstvo za obrazovanje, nauku i mlade Kantona Sarajevo, Školski odbori i direktori škola obavezuju se, prije izrade nacrtu i prijedloga zakona i drugih propisa i akata koji utiču na radno-pravni, socijalni, profesionalni i materijalni položaj radnika u školi i djelatnosti, zatražiti prijedlog i mišljenje Sindikata, kao i omogućiti predstavnicima Sindikata učešće u izradi tih propisa i akata.

Član 150.

Povreda sindikalnog povjerenika/predsjednika prilikom obavljanja sindikalne dužnosti, te službenog puta u vezi s tom dužnosti, smatra se povredom na radu.

Član 151.

Sindikalni povjerenik/predsjednik ima pravo najmanje jednom mjesečno na temeljiti i neometani uvid u isplatu plaća, s pravom na uvid u uplatu poreza i doprinosa za svakog radnika.

Struktura odbitaka, odnosno zabrana iz plaće radnika, ne može biti predmet javne objave te je dužnost sindikalnog povjerenika čuvati tajnost tih podataka.

XV - RJEŠAVANJE SPOROVA

Član 152.

- (1) Kolektivne radne sporove, koji se nisu mogli riješiti pregovaranjem potpisnika ovog kolektivnog ugovora, rješava mirovno vijeće u postupku mirenja u skladu sa Zakonom o radu.
- (2) Potpisnici ovog kolektivnog ugovora koji su stranke u sporu, prijedlog mirovnog vijeća mogu prihvatiti ili odbiti, o čemu su dužne da u roku od tri dana pismeno obavijeste Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo obrazovanja i nauke i Vladu Kantona Sarajevo.
- (3) Ako stranke u sporu prihvate prijedlog mirovnog vijeća, tada prijedlog ima pravnu snagu i djelovanje kao i ostali elementi ovog kolektivnog ugovora.

Član 153.

- (1) Ugovorne strane u sporu moraju u roku od 24 sata dati prijedlog svog člana mirovnog vijeća i odmah se dogovoriti o izboru trećeg člana.
- (2) Ako se ugovorne strane drugačije ne dogovore, mirovno vijeće treba svoj prijedlog donijeti najkasnije u roku od tri dana od dana imenovanja svih članova.

- (3) Treći član mirovnog vijeća uzima se sa liste članova mirovnog vijeća koje donosi ministarstvo Kantona Sarajevo nadležno za poslove rada.

Član 154.

- (1) Stranke u sporu mogu se sporazumjeti da rješavanje kolektivnog radnog spora povjere arbitraži na način kako je to regulisao Zakonom o radu i ovim kolektivnim ugovorom.
- (2) Arbitražu u smislu stava (1) ovog člana provodi arbitražno vijeće koje ima neparan broj članova, i to ugovorene strane biraju isti broj arbitara, a jednog arbitra sporazumno iz reda istaknutih, naučnih i stručnih ličnosti zaposlenih u oblasti obrazovanja Kantona Sarajevo.
- (3) Svaki arbitar mora imati zamjenika.
- (4) Arbitražno vijeće bira predsjednika vijeća.
- (5) Arbitražno vijeće prostom većinom ukupnog broja članova bira predsjednika.
- (6) Listu arbitara iz stava (5) ovog člana utvrđuju potpisnici Kolektivnog ugovora u roku od 30 dana od dana njegovog stupanja na snagu.
- (7) Potpisnici Kolektivnog ugovora donose poslovnik o radu arbitražnog vijeća.

Član 155.

- (1) Rad arbitražnog vijeća je javan.
- (2) Za rad arbitražnog vijeća strane u sporu dužne su osigurati dokumentaciono-tehničke uslove.
- (3) Troškovi za rad arbitražnog vijeća padaju na teret poslodavca.

Član 156.

Odluka arbitražnog vijeća je konačna i ima pravnu snagu i djelovanje Kolektivnog ugovora.

XVI - ŠTRAJK

Član 157.

- (1) Za vrijeme važenja ovog kolektivnog ugovora i njegove primjene, radnici, odnosno sindikat neće štrajkovati radi pitanja koja su ovim kolektivnom ugovorom uređena i koja se provode.
- (2) Radnici u srednjim školama, radi zaštite i ostvarivanja ekonomskih i socijalnih interesa, koji se ne mogu riješiti putem pregovora sa poslodavcem niti drugim mjerama, na poziv Sindikata mogu ostvariti pravo na štrajk pod uslovima i na način utvrđen Zakonom o štrajku, Zakonom o radu, Pravilima Sindikata o štrajku usklađenim sa Zakonom o štrajku i ovim kolektivnim ugovorom.
- (3) Odricanje od prava na štrajk iz stava (1) ovog člana ne isključuje pravo na štrajk za sva druga neriješena pitanja, te za slučaj spora oko izmjene i dopune ovog kolektivnog ugovora.
- (4) Sindikat ima pravo pozvati na štrajk radnike u slučaju da se odredbe ovog ugovora ne provode ili se djelimično provode.

Član 158.

- (1) Štrajkom rukovodi štrajkački odbor Sindikata.
- (2) U ustanovama koje su uključene u štrajk moraju se organizovati i štrajkački odbori ili imenovati osoba koja će obavljati funkciju štrajkačkog odbora.
- (3) Članovima štrajkačkog odbora ne može se naložiti da rade za vrijeme štrajka.

Član 159.

- (1) Štrajk se mora najaviti poslodavcu prema utvrđenim odredbama Zakonom o štrajku.
- (2) U pisanoj najavi štrajka moraju se navesti razlozi za štrajk, te mjesto i vrijeme početka štrajka.
- (3) Odluku o štrajku donosi nadležni organ Sindikata u skladu sa Pravilima o štrajku.

Član 160.

- (1) Radniku koji je učestvovao u štrajku, organizovanom u skladu sa Zakonom o štrajku i ovim kolektivnim ugovorom, nakon nadoknade nastavnih sati ili radnih dana provedenih u štrajku, pripada pravo na naknadu njegove plaće i ostalih naknada, shodno nadoknađenim radnim satima.
- (2) Poslodavac i Sindikat se mogu dogovoriti prilikom postizanja sporazuma o zaključenju štrajka, o drugačijem načinu nadoknade radnih sati i isplate plaće i nadoknada.
- (3) Niko se ne smije prisiliti da učestvuje u štrajku mimo njegove volje, niti se smije staviti u nepovoljan položaj zbog učešća u štrajku.

Štrajk upozorenja

Član 161.

- (1) Štrajk se može organizovati i kao štrajk upozorenja.
- (2) Štrajk upozorenja može trajati najviše 120 minuta.

Član 162.

Radnik koji ne poštuje odredbe Zakona o štrajku, ovog kolektivnog ugovora i odluke štrajkačkog odbora neće imati zaštitu Sindikata ako nadležni organ srednje škole pokrene postupak za utvrđivanje njegove odgovornosti zbog radnji učinjenih u toku štrajka.

Štrajk solidarnosti

Član 163.

- (1) Za vrijeme važenja ovog kolektivnog ugovora Sindikat može organizovati štrajk solidarnosti u trajanju do 30 minuta, kao oblik sindikalne podrške zahtjevima zaposlenih u drugim organizacijama i djelatnostima.
- (2) Isto tako, Sindikat će koristiti i druge metode i oblike sindikalne borbe radi iskazivanja svog stava i ostvarivanja svojih prava.

Član 164.

- (1) Štrajkom rukovodi štrajkački odbor sastavljen od predstavnika Sindikata, koji se dužan očitovati drugoj strani, kako bi se nastavili pregovori o mirnom rješenju spora.
- (2) Za vrijeme trajanja štrajka, članovi štrajkačkog odbora ne mogu biti raspoređeni na rad.

Član 165.

Organizovanje štrajka i učešće u štrajku u skladu sa zakonom i odredbama ovog ugovora, ne predstavlja povredu radne dužnosti.

Odluka o preuzimanju Vijeća zaposlenika

Član 166.

- (1) U skladu sa Zakonom o radu i Zakonom o vijeću zaposlenika, Sindikat preuzima sva prava i obaveze vijeća zaposlenika i neće preduzeti mjere i aktivnosti na formiranju vijeća zaposlenika.
- (2) Vlada se obavezuje da će ispoštovati sve odredbe zakona o vijeću zaposlenika, a naročito one koje se odnose na obaveze poslodavaca u pogledu rada vijeća zaposlenika (naknade plaća, rad članova vijeće radnika u okviru radnog vremena, pripadajući broj radnih sati za rad vijeća zaposlenika).
- (3) Ovim kolektivnim ugovorom Sindikat i Vlada Kantona Sarajevo dogovorili su se o realizaciji prava iz ovog člana iz poglavlja XIV (Uslovi za rad sindikata i zaštita sindikalnog povjerenika/predsjednika) ovo Kolektivnog ugovora.

Vijeće zaposlenika i štrajk**Član 167.**

Članovi vijeća zaposlenika, članovi Sindikata, odnosno sindikalni predsjednici mogu obavljati sve sindikalne aktivnosti uključujući i organizovanje štrajka, ali ne u ime vijeća zaposlenika.

Član 168.

Ako zbog promijenjenih okolnosti, koje nisu postojale niti bile poznate u trenutku zaključivanja ovog kolektivnog ugovora, odredbe ovog ugovora ne bi mogle biti primijenjene ili bi njihova primjena bila bitno otežana, strane potpisnice obavezuju se da neće jednostrano raskinuti ili prekršiti ovaj ugovor, nego će drugoj strani predložiti izmjene.

Član 169.

Niko se ne smije prisiliti da učestvuje u štrajku mimo njegovo volje, niti se smije staviti u nepovoljni položaj zbog učešća u štrajku.

Član 170.

- (1) Za vrijeme trajanja štrajka pa do okončanja ili prekida štrajka ovim kolektivnom ugovorom sporazumno Sindikat i poslodavac utvrđuju minimum radnih obaveza u svim procesima rada škole, i to:
 - a) direktor škole radi svoje redovne poslove u predviđenom radnom vremenu;
 - b) pomoćnik direktora, sekretar, referent za plan i analizu, blagajnik i drugo administrativno osoblje rade hitne i neophodne poslove sa strankama;
 - c) tehničko osoblje (portiri, noćni čuvari, rukovaoci sistema centralnog grijanja) rade redovne poslove utvrđene pravilnikom o sistematizaciji poslova i radnih zadataka;
 - d) radnici na održavanju čistoće, minimalno 2 radnika i domar škole, rade redovne poslove predviđene za to radno mjesto;
 - e) poslovi smještaja i prehrane učenika u učeničkim domovima se vrše redovno;
 - f) nastavno osoblje i stručni saradnici rade administrativno-tehničke poslove, rade na sređivanju pedagoške dokumentacije, provode aktivnosti na individualnom i kolektivnom usavršavanju, provode konsultacije sa učenicima za izradu maturalnih radova te obavljaju individualni savjetodavni pedagoško-psihološki rad sa učenicima;
 - g) poslovi smještaja, nadzora i neophodne edukacije i rehabilitacije u školama za učenike s poteškoćama u razvoju; vjerske škole i domovi učenika ne prekidaju odgojno-obrazovni proces;
 - h) u okviru minimuma radnih zadataka za vrijeme trajanja štrajka zaposleni su dužni biti u školi u vremenu od 09,00 do 13,00, a sindikalni odbor (štrajkački odbor) u svojstvu dežurne ekipe u vremenu od 08,00 do 15,00 sati;
 - i) u toku organizacije i provođenja štrajka, poslodavac je dužan da se pridržava odredaba Zakona o štrajku, Zakona o radu, Pravila Sindikata o štrajku usklađenih sa Zakonom o štrajku i ovim kolektivnim ugovorom.

Član 171.

Kantonalni odbor Sindikata donosi Odluku o prekidu, odnosno završetku štrajka, na prijedlog štrajkačkog odbora.

XVII - POSTUPAK KOLEKTIVNOG PREGOVARANJA I ZAKLJUČIVANJA KOLEKTIVNOG UGOVORA**Član 172.**

- (1) Postupak pregovaranja i zaključivanja kolektivnog ugovora može pokrenuti svaka ugovorna strana utvrđena ovim ugovorom.
- (2) Postupak iz stava (1) ovog člana pokreće se pisanim putem.

Član 173.

Strana koja je pokrenula postupak za kolektivno pregovaranje i zaključivanje kolektivnog ugovora utvrđuje prijedlog kolektivnog ugovora i dostavlja ga drugoj strani.

Član 174.

Postupak i rokovi za kolektivno pregovaranje i zaključivanje kolektivnih ugovora utvrđuju se protokolom o vođenju pregovora koji utvrđuju potpisnice ugovora.

Izmjene i dopune Kolektivnog ugovora**Član 175.**

- (1) Inicijativu za izmjene i dopune ovog kolektivnog ugovora može dati svaka ugovorna strana.
- (2) Inicijativa se podnosi u pisanoj formi, a strana kojoj je upućena dužna je na inicijativu odgovoriti u roku od 15 dana od dana prijema inicijative te mora pristupiti pregovorima o predloženoj izmjeni i dopuni u roku od 30 dana od dana prijema prijedloga.
- (3) Izmjene i dopune ovog kolektivnog ugovora vrše se na način i po postupku predviđenom za njegovo donošenje.
- (4) U ponašanju suprotnom tački (2) ovog člana stekli su se uslovi za štrajk uz prethodno provođenje postupka mirjenja.

Pravno važenje**Član 176.**

Nakon isteka roka na koji je sklopljen ovaj Ugovor, u njemu sadržana pravna pravila kojim se uređuje zaključivanje, sadržaj, prava, obaveze te prestanak radnog odnosa i dalje se primjenjuju tri mjeseca, kao dio prethodno sklopljenih ugovora o radu.

Član 177.

- (1) Ovaj kolektivni ugovor je obavezujući za strane koje su ga potpisale, kao i za strane koje mu naknadno pristupe.
- (2) Sporove u vezi sa primjenom ovog kolektivnog ugovora koji nisu riješeni arbitražom, rješavat će nadležni sud u BiH.

Član 178.

- (1) Za tumačenje odredaba i praćenje primjene ovog kolektivnog ugovora, potpisnici ugovora će na dan potpisivanja Kolektivnog ugovora imenovati komisiju za tumačenje kolektivnog ugovora, koja je sastavljena od po dva predstavnika potpisnika.
- (2) Komisija za tumačenje ovog ugovora obavlja sljedeće poslove:
 - a) daje tumačenje odredaba ovog ugovora;
 - b) prati izvršavanje i izvještava obje strane o provedbi i kršenju ugovora;
 - c) pokreće inicijativu za izmjene i dopune Kolektivnog ugovora.
- (3) Na zahtjev jedne od ugovornih strana, komisija iz stava (1) ovog člana, obavezna je dati tumačenje odredaba ovog ugovora u roku od 15 dana od dana prijema zahtjeva.
- (4) Naknadu za rad u komisiji članovima komisije obezbjeđuje poslodavac, putem Ministarstva za obrazovanje, nauku i mlade Kantona Sarajevo.
- (5) Komisija za tumačenje ovog Kolektivnog ugovora je obavezna da Vladi Kantona Sarajevo svakih 6 mjeseci dostavlja informaciju o svom radu.

- (6) Naknada iz stava (4) ovog člana se isplaćuje u roku od 30 dana od dana podnošenja informacije o radu iz stava (5) ovog član na osnovu koje Ministar donosi rješenje o isplati i visini isplate naknade za rad Komisije.
- (7) Visina naknade iz stava (4) ovog člana se utvrđuje na osnovu trenutno važećeg rješenja, uredbi, odluke ili zaključka Vlade kojim se uređuje visina naknade za rad u komisijama i tijelima koje imenuje Vlada ili rukovodilac organa uprave.
- (8) Tumačenja komisije za tumačenje Kolektivnog ugovora imaju pravnu snagu i učinak kolektivnog ugovora.
- (9) Tumačenje Komisije za tumačenje ovog Kolektivnog ugovora se ovjeravaju potpisima članova Komisije ta tumačenje ovog Kolektivnog ugovora.
- (10) Komisija donosi poslovnik o radu.

Usklađivanje pravilnika o radu

Član 179.

Školski odbor, uz konsultacije sa Sindikatom ustanove, dužan je uskladiti Pravilnik o radu sa odredbama ovog Kolektivnog ugovora.

Član 180.

Srednje škole dužne su uskladiti svoje opće akte sa ovim kolektivnim ugovorom u roku od 60 dana od dana stupanja na snagu ovog kolektivnog ugovora.

Član 181.

U periodu primjene ovog ugovora, ukoliko dođe do promjene načina obračuna plaća kod radnika u organima uprave, ugovorne strane saglasne su da će se u roku osam dana prići dogovaranju o primjeni novog načina obračuna plaća u ustanovama srednjeg obrazovanja.

Član 182.

Ukoliko postoje realne mogućnosti, poslodavac može utvrditi i druga i veća prava po svom obimu i sadržaju, nego što je to utvrđeno ovim kolektivnim ugovorom.

XVIII - NADZOR NAD PRIMJENOM OVOG UGOVORA

Član 183.

- (1) Nadzor nad primjenom ovog kolektivnog ugovora obavlja kantonalni inspektor rada.
- (2) Radnik, sindikat, vijeće zaposlenika i poslodavac mogu zahtijevati od inspektora rada provođenje inspeksijskog nadzora.

Član 184.

Zaključen Kolektivni ugovor dostavlja se kantonalnom ministarstvu nadležnom za rad, u skladu sa Zakonom o radu.

Član 185.

Ovaj Kolektivni ugovor je potpisan u pet istovjetna primjerka od kojih svaka ugovorna strana zadržava po dva, a jedan primjerak dostavlja se nadležnom kantonalnom ministarstvu za rad.

Član 186.

Ovaj Kolektivni ugovor stupa na snagu dana 01.01.2018. godine, a bit će objavljen u "Službenim novinama Kantona Sarajevo".

XIX - PRELAZNE I ZAVRŠNE ODREDBE

Član 187.

- (1) Ovaj kolektivni ugovor smatra se zaključenim kada ga potpišu ovlašteni predstavnici ugovornih strana.
- (2) Ovaj kolektivni ugovor važi na području Kantona Sarajevo.

Član 188.

- (1) Ovaj Kolektivni ugovor se zaključuje na određeno vrijeme, i traje do 30.09.2020. godine.

- (2) Postupak zaključivanja novog ugovora početak će najkasnije tri mjeseca prije isteka roka na koji je ugovor zaključen.

Broj 05-2-30-1/18
16. marta 2018. godine
Sarajevo

Za
Sindikat srednjeg i visokog
obrazovanja, odgoja, nauke i
kulture BiH
Kantonalni odbor Kantona
Sarajevo
Predsjednik
Faruk Bešlić, s. r.

Broj 02-34-14222/18
16. marta 2018. godine
Sarajevo

Za
Vladu
Kantona Sarajevo
Premijer
Elmedin Konaković, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", broj 51/17), po zahtjevu KJU "Disciplinski centar za maloljetnike", Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2018. GODINU ZA BUDŽETSKOG KORISNIKA KJU "DISCIPLINSKI CENTAR ZA MALOLJETNIKE"

1. Odobrava se preraspodjela sredstava u Budžetu Kantona Sarajevo za 2018. godinu u iznosu 920,00 KM u razdjelu 23060001 KJU "Disciplinski centar za maloljetnik" i to:

Raz.	Glav.	Potr. jed.	Ekst. kod	Sub-analitika	Funkcija	OPIS	Iznos
23	06	0001				KANTONALNA JAVNA USTANOVA - DISCIPLINSKI CENTAR ZA MALOLJETNIKE	
						Sa ekonomskog koda (budžetska sredstva)	
23	06	0001	613700		107F	Isplati za tekuće održavanje	920,00
						Na ekonomski kod (budžetska sredstva)	
23	06	0001	613500		107F	Isplati za usluge prevoza i goriva	660,00
23	06	0001	613600		107F	Unajmljivanje imovine i opreme	260,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-11290/18
28. februara 2018. godine
Sarajevo

Ministar
Prof. dr. Jasmin Halebić, s. r.

Ministarstvo privrede

Na osnovu člana 63. stav (3) Zakona o turizmu ("Službene novine Kantona Sarajevo", br. 19/16, 31/17 i 34/17 - Ispravka), ministar privrede Kantona Sarajevo donosi

PRAVILNIK

O DOPUNI PRAVILNIKA O DJELATNOSTIMA OBAVEZNIH ČLANOVA TURISTIČKE ZAJEDNICE KANTONA SARAJEVO

Član 1.
(Dopuna člana 3.)

U Pravilniku o djelatnostima obaveznih članova Turističke zajednice Kantona Sarajevo ("Službene novine Kantona Sarajevo", br. 44/16 i 2/18) u članu 3. iza djelatnosti "63 Informacijske uslužne djelatnosti;" dodaju se djelatnosti:

"64.19 Ostalo novčarsko posredovanje;
64.20 Djelatnosti finansijskih holding-društava;
64.30 Trustovi, fondovi i slični finansijski subjekti;
64.9 Ostale finansijske uslužne djelatnosti, osim osiguranja i penzijskih fondova;"

Član 2.
(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 07-01-02-12042/18

15. marta 2018. godine

Sarajevo

Ministar
Dr. Muharem Šabić, s. r.

Ministarstvo kulture i sporta

Na osnovu člana 54. stav (2) Zakona o sportu ("Službene novine Kantona Sarajevo", broj 45/12 - Prečišćen tekst) i čl. 4., 5. tačka c), 8 stav (1) i 12. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravke, 37/13, 16/14 i 6/17), Ministar kulture i sporta Kantona Sarajevo donosi

PRAVILNIK

O KRITERIJIMA ZA PODRŠKU FINANSIRANJU JAVNOG INTERESA U SPORTU KANTONA SARAJEVO

I - OSNOVNE ODREDBE

Član 1.

(Predmet pravilnika)

- (1) Ovim pravilnikom uređuju se uslovi i kriteriji za podršku finansiranju javnog interesa u sportu Kantona Sarajevo (u daljem tekstu: kriteriji) čiji je cilj da omoguće značajnije povezivanje institucija sporta vladinog i nevladinog sektora i doprinesu uspješnijoj saradnji na svim nivoima.
- (2) Kriteriji Ministarstva kulture i sporta Kantona Sarajevo (u daljem tekstu: Ministarstvo) predviđeni su da podsticajno i selektivno utiču na razvoj sporta i sportskih dostignuća na području Kantona Sarajevo.

Član 2.

(Zadovoljenje javnog interesa)

- (1) Predviđena podrška temelji se na zadovoljenju javnog interesa u sportu propisanog Zakonom o sportu Kantona Sarajevo i drugim podzakonskim aktima.
- (2) U tom smislu Javni interes predstavljaju:
 - a) ostvareni vrhunski sportski rezultati potvrđeni na državnom ili međunarodnom nivou, te objektivizirani kriterijima vrednovanja posrednih efekata sporta koji proizilaze iz brojnosti i kvaliteta, ali i sistematske individualne sportske aktivnosti djece, omladine i odraslih građana u takmičarsko-razvojnom sportu i sportu za sve,
 - b) ostvareni nivo i stepen saradnje između organizacija u sportu i Ministarstva u skladu sa propisanim pravilima koji se odnose na provođenje javnog interesa u sportu kao i nadzora nad zakonitošću rada.
- (3) Svi sportisti (djeca, omladina, odrasli, osobe sa invaliditetom) ravnopravni su u sistemu vrednovanja sportskih dostignuća i ostvarivanju posrednih efekata ovim kriterijima.
- (4) Podrška organizaciji u sportu, odnosno sportisti, obezbjeđuje se za jedno najveće ostvareno sportsko dostignuće, rezultat, u prethodnoj godini.

- (5) Sredstva podrške se planiraju i usmjeravaju u mogućim izračunatim iznosima za stvarno realizovanje svakog planiranog poduhvata uz odgovornost za efekte realizovanog obima i kvaliteta provedenih akcija - djelatnosti.
- (6) Najviše do 25% budžetom planiranih sredstava odobravati će se na prijedlog posebne komisije koju će oformiti ministar za ove slučajeve. Kriteriji za dodjelu ovih sredstava su: neplanirane sportske manifestacije, takmičenja timova i sportista koja se nisu mogla predvidjeti u vrijeme objavljivanja javnog poziva, značajni sportski projekti za koje se u slučaju neobezbjeđivanja finansijskih sredstava za njihovo održavanje može opravdano očekivati šteta po javni interes u sportu, manifestacije od značaja za Kanton Sarajevo koje nisu mogle biti planirane na početku godine i u drugim opravdanim slučajevima.
- (7) Uplata sredstava podrške vrši se u tekućoj godini kroz kontinuirano finansiranje programa i projekata organizacije u sportu.

Član 3.

(Individualni i ekipni sportovi)

- (1) Ovi kriteriji važe za sve sportove.
- (2) Individualni sportovi su:
Aikido, Atletika, Auto-moto, Badminton, Biciklizam, Bob, Bočanje, Bodibilding i fitness, Boks, Dizanje tegova, Džudo, Điu Đica, Gimnastika, Golf, Hrvanje, Kajak Kanu i Rafting, Karate, Karling, Kik Boks, Klizanje, Konjički sport, Kuglanje, Mačevanje, Misaone igre, Planinarstvo, Plivanje, Podvodne aktivnosti, Skijanje, Sportski ples, Sportska rekreacija, Sportski ribolov, Stoni tenis, Streljčarstvo, Streljaštvo, Šah, Tekvando, Tenis, Triatlon i Moderni pentatlon.
- (3) Individualni paraolimpijski sportovi su:
Atletika, Biciklizam, Bočanje, Dizanje tegova, Džudo, Streljčarstvo, Streljaštvo, Konjički sport, Veslanje, Plivanje, Stoni tenis, Mačevanje u kolicima, Alpsko skijanje, Nordijsko skijanje, Karling u kolicima, Tenis u kolicima.
- (4) Individualni sportovi specijalne olimpijade su:
Alpsko skijanje, Atletika, Badminton, Bočanje, Kuglanje, Nordijsko trčanje, Biciklizam, Konjički sport, Umjetničko klizanje, Golf, Gimnastika, Džudo, Dizanje tegova, Koturanje, Snowboard, Brzo klizanje, Stoni tenis, Tenis, Kajak, Plivanje.
- (5) Individualni sportovi za gluhe i nagluhe osobe su:
Atletika, Badminton, Kuglanje, Biciklizam, Džudo, Karate, Takmičenje u orijentaciji, Streljaštvo, Plivanje, Stoni tenis, Tekvando, Tenis, Hrvanje, Alpsko skijanje, Nordijsko skijanje, Karling, Snowboard.
- (6) Individualni sportovi za slijepe i slabovidne osobe su:
Alpsko skijanje, Atletika, Džudo, Kuglanje, Nordijsko skijanje, Dizanje tegova, Showdown, Plivanje, Tandem biciklizam, Šah, Konjički sport, Golf, Veslanje.
- (7) Ekipni sportovi su:
Fudbal, Hokej, Košarka, Odbojka, Ragbi, Rukomet, Vaterpolo.
- (8) Ekipni paraolimpijski sportovi su:
Fudbal sa 5 i 7 igrača, Golbal, Sjedeća odbojka, Košarka u kolicima, Hokej na sankama, Ragbi u kolicima.
- (9) Ekipni sportovi specijalne olimpijade su:
Košarka, Hokej, Fudbal, Softbal, Rukomet, Odbojka, Kriket, Netbal.
- (10) Ekipni sportovi za gluhe i nagluhe osobe su:
Košarka, Odbojka na pijesku, Fudbal, Rukomet, Odbojka, Vaterpolo, Hokej na ledu.

- (11) Ekipni sportovi za slijepe i slabovidne osobe su:
Futsal, Golbal, Torbal, Bejzbol, Kriket.

II - CILJEVI PRIMJENE KRITERIJA

Član 4. (Ciljevi)

Ciljevi primjene ovih kriterija su:

- utvrđivanje planirane strukture i politike razvoja sporta na području Kantona na osnovu usaglašene strukture razvoja svih segmenata sporta kako bi se ostvarila njihova razvojna funkcionalna povezanost,
- vrednovanje vrhunskog sportskog stvaralaštva koje samo po sebi treba da predstavlja društvenu vrijednost i na taj način ostvarivanje uslova za samoodrživi razvoj vrhunskog sporta, za kandidovanje i organizovanje atraktivnih međunarodnih sportskih priredbi,
- afirmacija sportskog podmladka,
- obezbjeđivanje opštih uslova za profiliranje sporta kao privredne djelatnosti s obzirom na mogućnosti njegove ekonomske valorizacije i dinamizirajuću ulogu u ukupnom razvoju Kantona Sarajevo.

III - KATEGORIJE SPORTA U KOJIMA SE PODRŽAVA JAVNI INTERES

Član 5. (Kategorije sporta)

Ovim kriterijima ostvaruje se javni interes kroz materijalnu podršku za:

- vrhunski sport,
- takmičarsko - razvojni sport,
- sportski podmladak,
- sport za sve.

Član 6. (Kategorije za kriterije)

6.1. Vrhunski sport

- Vrhunski sport je atraktivni segment sporta kojim se podstiče i vrednuje vrhunsko sportsko stvaralaštvo. Vrhunski sportski stvaraoci reprezentuju užu (Kanton Sarajevo) i širu (Bosna i Hercegovina) sredinu afirmišući se rezultatima na međunarodnom planu, čime se doprinosi ukupnom razvoju sporta Kantona.
- Materijalna podrška predviđena je za učesnike u vrhunskom sportskom stvaralaštvu prema strukturi ostvarenog jednog najvišeg rezultata u provedenom ciklusu takmičenja u prethodnoj godini.

6.2. Takmičarsko razvojni sport

- Takmičarsko-razvojni sport promovira strukturu sporta koji čini društveno kulturni javni interes i izraz kvaliteta sportskog života Kantona, prožiman i nadopunjavan pojavnim oblicima društveno-kulturnog i ekonomskog djelovanja i razvoja Kantona Sarajevo, zbog čega je i uvršten u kriterije.
- Materijalna podrška predviđena je za učesnike u takmičarsko-razvojnem sportu prema strukturi ostvarenog jednog najvišeg rezultata u provedenom ciklusu takmičenja u prethodnoj godini.

6.3. Sportski podmladak

- Obzirom da se razvoj sporta Kantona Sarajevo temelji i na pravima djeteta na razvoj, stvaralaštvo i samopotvrđivanje, obezbjeđuje se pokrivanje dijela troškova pri organizovanju i provođenju ligaškog sistema takmičenja pionira, kadeta i juniora na svim nivoima, kao i pokrivanje dijela troškova nastupa na međunarodnim turnirima ekipama i sportistima juniorima, kadetima i pionirima.

- Materijalna podrška predviđena je za učesnike u sportskom podmlatku prema strukturi ostvarenog jednog najvišeg rezultata u provedenom ciklusu takmičenja u prethodnoj godini.

6.4. Osnovne kategorije za kriterije

Osnovne kategorije za kriterije utvrđivanje visine finansijskih sredstava su:

- Status sporta na nacionalnom i međunarodnom planu:
 - Pripadnost sportske grane olimpijskom i paraolimpijskom programu
- Vrednovanje šireg društvenog značaja određene sportske grane, odnosno kluba i sportiste:
 - Broj prijavljenih aktivnih članova sportskog kluba registrovanih kod nadležnog organa
 - Razvijenost sporta - Organizovanost sistema takmičenja - Rang takmičenja
 - Broj reprezentativaca u budžetskoj godini
- Ostvareni rezultat:
 - Vrednovanje ostvarenog rezultata u protekloj takmičarskoj sezoni

6.5. Kriteriji kategorizacije

Kategorizacijom se određuje broj bodova za svaki kriterijum, osim za pripadnost sportske grane olimpijskom ili paraolimpijskom programu koji se definiše koeficijentom.

6.5.A. Status sporta po nacionalnom i međunarodnom planu

6.5.A.1. Pripadnost sportske grane olimpijskom i paraolimpijskom programu

Kriterij	Koeficijent
Olimpijski i paraolimpijski ljetni program	1,0
Olimpijski i paraolimpijski zimski program	1,0
Šah	1,0
Neolimpijski i neparaolimpijski program	0,5

6.5.B. Vrednovanje šireg društvenog značaja određene sportske grane, odnosno kluba i sportiste

6.5.B.1. Broj prijavljenih aktivnih članova sportskog kluba registrovanog kod nadležnog organa

Kriterij	Broj bodova
1 - 100 članova	5
101 - 200 članova	10
preko 200 članova	20

6.5.B.2. Razvijenost sporta-organizovanost sistema takmičenja - Rang takmičenja

- U ekipnim sportovima postoje slijedeći nivoi (rangovi) takmičenja:
 - Općinska liga
 - Kantonalna liga
 - II liga
 - I liga - Federalna liga
 - Nacionalna liga najvišeg ranga (Super liga, Premijer liga, "A" liga....)

* Napomena: U ekipnim sportovima gde nema "Super lige", "Premijer" lige i "A-lige", kao najviši rang se priznaje I liga Bosne i Hercegovine.

- U individualnim sportovima postoje slijedeći nivoi (rangovi) takmičenja:

- I. Kantonalno prvenstvo
II. Federalno prvenstvo
III. Državno prvenstvo

Uzrast	Okvirno godina	Ostali nazivi koji se koriste
Seniори	20 i više godina	-
Juniори	(18) 18 - 20	mladi seniори, nade
Kadeti	(16) 16 - 17	mladi juniори
Pioniri	do 14 (15)	mladi pioniri, poletarci

Ekipni sportovi	Seni-ori	Juni-ori	Ka-de-ti	Pio-niri	Individu-alni sportovi	Seni-ori	Juni-ori	Ka-de-ti	Pio-niri
V nivo	35,0	40,0	45,0	50,0	III nivo	35,0	40,0	45,0	50,0
IV nivo	25,0	30,0	35,0	40,0	II nivo	25,0	30,0	35,0	40,0
III nivo	15,0	20,0	25,0	30,0	I nivo	5,0	10,0	15,0	20,0
II nivo	5,0	10,0	15,0	20,0					
I nivo	1,0	3,0	5,0	10,0					

(3) U slučaju da u ekipnom sportu ima samo četiri nivoa takmičenja, maksimalan broj bodova se umanjuje za 10%, ako ima tri nivoa, za narednih 10% i td.. U individualnim sportovima, ako postoji samo dva nivoa takmičenja, broj bodova se umanjuje za 20%, a ako ima samo jedan nivo takmičenja, broj bodova se umanjuje za 40% od maksimalnog broja bodova.

(4) Boduju se posebno muške, a posebno ženske ekipe. Uzima se najveći broj bodova samo za najbolji rezultat neke ekipe za ukupno bodovanje.

6.5.B.3. Broj reprezentativaca u budžetskoj godini

Uzrast	Broj bodova
Pioniri	1
Kadeti	2
Juniори	3
Seniори	4

Bodovi se množe sa brojem reprezentativaca.

6.5.C. Ostvareni rezultati

6.5.C.1. Vrednovanje ostvarenog rezultata

(1) Olimpijski i paraolimpijski sportovi

Podtačka	Kriterijum	Broj bodova
1)	sportisti u individualnim sportovima koji su osvojili zlatnu medalju na olimpijskim igrama ili paraolimpijskim igrama ili svjetskom prvenstvu	400
2)	sportisti u individualnim sportovima koji su osvojili srebrenu medalju na olimpijskim igrama ili paraolimpijskim igrama ili svjetskom prvenstvu	200
3)	sportisti u individualnim sportovima koji su osvojili brončanu medalju na olimpijskim igrama ili paraolimpijskim igrama ili svjetskom prvenstvu	100
4)	sportisti u ekipnim sportovima koji su osvojili zlatnu medalju na olimpijskim igrama ili paraolimpijskim igrama ili svjetskom prvenstvu	300
5)	sportisti u ekipnim sportovima koji su osvojili srebrenu medalju na olimpijskim igrama ili paraolimpijskim igrama ili svjetskom prvenstvu	150
6)	sportisti u ekipnim sportovima koji su osvojili brončanu medalju na olimpijskim igrama ili paraolimpijskim igrama ili svjetskom prvenstvu	75

7)	sportisti u individualnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	200
8)	sportisti u individualnim sportovima koji su osvojili srebrenu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	100
9)	sportisti u individualnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	50
10)	sportisti u ekipnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	150
11)	sportisti u ekipnim sportovima koji su osvojili srebrenu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	75
12)	sportisti u ekipnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	38
13)	sportisti koji su i na drugim zvaničnim takmičenjima priznatim od matične federacije postavili olimpijski, svjetski ili evropski rekord	150
14)	sportisti u individualnim sportovima ili sportisti u ekipnim sportovima koji su ispunili "A" normu za učešće na Olimpijskim igrama	50
15)	sportisti u individualnim sportovima ili sportisti u ekipnim sportovima koji su ispunili normu za učešće na Paraolimpijskim igrama	
16)	sportisti u individualnim sportovima koji su osvojili zlatnu medalju na Mediteranskim igrama ili Univerzijadi	75
17)	sportisti u individualnim sportovima koji su osvojili srebrenu medalju na Mediteranskim igrama ili Univerzijadi	38
18)	sportisti u individualnim sportovima koji su osvojili brončanu medalju na Mediteranskim igrama ili Univerzijadi	19
19)	sportisti u ekipnim sportovima koji su osvojili zlatnu medalju na Mediteranskim igrama ili Univerzijadi	56
20)	sportisti u ekipnim sportovima koji su osvojili srebrenu medalju na Mediteranskim igrama ili Univerzijadi	28
21)	sportisti u ekipnim sportovima koji su osvojili brončanu medalju na Mediteranskim igrama ili Univerzijadi	14
22)	sportisti juniори, kadeti i pioniri u individualnim sportovima ili sportisti juniори, kadeti i pioniri u ekipnim sportovima koji su osvojili jednu od medalja na Olimpijadi mladih ili juniorskom, kadetskom i pionirskom svjetskom ili evropskom prvenstvu	75
23)	sportisti juniори, kadeti i pioniri koji su i na drugom zvaničnom takmičenju priznatom od matične federacije postavili juniorski, kadetski i pionirski svjetski ili evropski rekord	75
24)	sportisti u individualnim sportovima koji su osvojili prvo mjesto na seniorskom državnom prvenstvu Bosne i Hercegovine	32
25)	sportisti u individualnim sportovima koji su osvojili zlatnu medalju na prvenstvu Balkana	

26)	sportisti u individualnim sportovima koji su osvojili drugo mjesto na seniorskom državnom prvenstvu Bosne i Hercegovine	16
27)	sportisti u individualnim sportovima koji su osvojili srebrnu medalju na prvenstvu Balkana	
28)	sportisti u individualnim sportovima koji su osvojili treće mjesto na seniorskom državnom prvenstvu Bosne i Hercegovine	8
29)	sportisti u individualnim sportovima koji su osvojili brončanu medalju na prvenstvu Balkana	
30)	sportisti u ekipnim sportovima koji su osvojili prvo mjesto na seniorskom prvenstvu Bosne i Hercegovine	24
31)	sportisti u ekipnim sportovima koji su osvojili zlatnu medalju na prvenstvu Balkana	
32)	sportisti u ekipnim sportovima koji su osvojili drugo mjesto na seniorskom prvenstvu Bosne i Hercegovine	12
33)	sportisti u ekipnim sportovima koji su osvojili srebrnu medalju na prvenstvu Balkana	
34)	sportisti u ekipnim sportovima koji su osvojili treće mjesto na seniorskom prvenstvu Bosne i Hercegovine	6
35)	sportisti u ekipnim sportovima koji su osvojili brončanu medalju na prvenstvu Balkana	
36)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili prvo mjesto na juniorskom, kadetskom i pionirskom prvenstvu Bosne i Hercegovine ili Balkana	24
37)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili drugo mjesto na juniorskom, kadetskom i pionirskom prvenstvu Bosne i Hercegovine ili Balkana	12
38)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili treće mjesto na juniorskom, kadetskom i pionirskom prvenstvu Bosne i Hercegovine ili Balkana	6
39)	sportisti u individualnim sportovima koji učestvuju u seniorskom državnom prvenstvu	5
40)	sportisti u individualnim sportovima koji učestvuju u seniorskom federalnom prvenstvu	4
41)	sportisti u individualnim sportovima koji učestvuju u seniorskom kantonalnom prvenstvu	2
42)	sportisti u ekipnim sportovima koji učestvuju u nacionalnoj ligi najvišeg ranga (Super liga, Premijer liga, "A" liga,)	5
43)	sportisti u ekipnim sportovima koji učestvuju u I. ligi - Federalnoj ligi	4
44)	sportisti u ekipnim sportovima koji učestvuju u II. ligi	3
45)	sportisti u ekipnim sportovima koji učestvuju u kantonalnoj ligi	2
46)	sportisti u ekipnim sportovima koji učestvuju u općinskoj ligi	1

(2) Neolimpijski sportovi

Podtačka	Kriterijum	Broj bodova
1)	sportisti u individualnim sportovima koji su osvojili zlatnu medalju na svjetskom prvenstvu	200
2)	sportisti u individualnim sportovima koji su osvojili srebrnu medalju na svjetskom prvenstvu	100
3)	sportisti u individualnim sportovima koji su osvojili brončanu medalju na svjetskom prvenstvu	50
4)	sportisti u ekipnim sportovima koji su osvojili zlatnu medalju na svjetskom prvenstvu	150
5)	sportisti u ekipnim sportovima koji su osvojili srebrnu medalju na svjetskom prvenstvu	75
6)	sportisti u ekipnim sportovima koji su osvojili brončanu medalju na svjetskom prvenstvu	38

7)	sportisti u individualnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	100
8)	sportisti u individualnim sportovima koji su osvojili srebrnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	50
9)	sportisti u individualnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	25
10)	sportisti u ekipnim sportovima koji su osvojili zlatnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	75
11)	sportisti u ekipnim sportovima koji su osvojili srebrnu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	38
12)	sportisti u ekipnim sportovima koji su osvojili brončanu medalju na evropskom prvenstvu ili klupskom evropskom prvenstvu prvog nivoa (Klupsko evropsko prvenstvo prvog nivoa podrazumijeva takmičenja u organizaciji odgovarajuće evropske sportske asocijacije (Liga šampiona i sl.))	19
13)	sportisti koji su i na drugim zvaničnim takmičenjima priznatim od matične federacije svjetski ili evropski rekord	75
14)	sportisti u individualnim sportovima koji su osvojili zlatnu medalju na Univerzijadi	38
15)	sportisti u individualnim sportovima koji su osvojili srebrnu medalju na Univerzijadi	19
16)	sportisti u individualnim sportovima koji su osvojili brončanu medalju na Univerzijadi	10
17)	sportisti u ekipnim sportovima koji su osvojili zlatnu medalju na Univerzijadi	28
18)	sportisti u ekipnim sportovima koji su osvojili srebrnu medalju na Univerzijadi	14
19)	sportisti u ekipnim sportovima koji su osvojili brončanu medalju na Univerzijadi	7
20)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili jednu od medalja na juniorskom, kadetskom i pionirskom svjetskom ili evropskom prvenstvu	38
21)	sportisti juniori, kadeti i pioniri koji su i na drugom zvaničnom takmičenju priznatom od matične federacije postavili juniorski, kadetski i pionirski svjetski ili evropski rekord	38
22)	sportisti u individualnim sportovima koji su osvojili prvo mjesto na seniorskom državnom prvenstvu Bosne i Hercegovine	16
23)	sportisti u individualnim sportovima koji su osvojili zlatnu medalju na prvenstvu Balkana	
24)	sportisti u individualnim sportovima koji su osvojili drugo mjesto na seniorskom državnom prvenstvu Bosne i Hercegovine	8
25)	sportisti u individualnim sportovima koji su osvojili srebrnu medalju na prvenstvu Balkana	

26)	sportisti u individualnim sportovima koji su osvojili treće mjesto na seniorskom državnom prvenstvu Bosne i Hercegovine	4
27)	sportisti u individualnim sportovima koji su osvojili brončanu medalju na prvenstvu Balkana	
28)	sportisti u ekipnim sportovima koji su osvojili prvo mjesto na seniorskom prvenstvu Bosne i Hercegovine	12
29)	sportisti u ekipnim sportovima koji su osvojili zlatnu medalju na prvenstvu Balkana	
30)	sportisti u ekipnim sportovima koji su osvojili drugo mjesto na seniorskom prvenstvu Bosne i Hercegovine	6
31)	sportisti u ekipnim sportovima koji su osvojili srebrnu medalju na prvenstvu Balkana	
32)	sportisti u ekipnim sportovima koji su osvojili treće mjesto na seniorskom prvenstvu Bosne i Hercegovine	3
33)	sportisti u ekipnim sportovima koji su osvojili brončanu medalju na prvenstvu Balkana	
34)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili prvo mjesto na juniorskom, kadetskom i pionirskom prvenstvu Bosne i Hercegovine ili Balkana	12
35)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili drugo mjesto na juniorskom, kadetskom i pionirskom prvenstvu Bosne i Hercegovine ili Balkana	6
36)	sportisti juniori, kadeti i pioniri u individualnim sportovima ili sportisti juniori, kadeti i pioniri u ekipnim sportovima koji su osvojili treće mjesto na juniorskom, kadetskom i pionirskom prvenstvu Bosne i Hercegovine ili Balkana	3
37)	sportisti u individualnim sportovima koji učestvuju u seniorskom državnom prvenstvu	2,5
38)	sportisti u individualnim sportovima koji učestvuju u seniorskom federalnom prvenstvu	2
39)	sportisti u individualnim sportovima koji učestvuju u seniorskom kantonalnom prvenstvu	1
40)	sportisti u ekipnim sportovima koji učestvuju u nacionalnoj ligi najvišeg ranga (Super liga, Premijer liga, "A" liga)	2,5
41)	sportisti u ekipnim sportovima koji učestvuju u I. ligi - Federalnoj ligi	2
42)	sportisti u ekipnim sportovima koji učestvuju u II. ligi	1,5
43)	sportisti u ekipnim sportovima koji učestvuju u kantonalnoj ligi	1
44)	sportisti u ekipnim sportovima koji učestvuju u općinskoj ligi	0,5

- (1) Sportisti u individualnim sportovima i sportisti u ekipnim sportovima koji učestvuju u određenom nivou (rangu) takmičenja, definisanim članom 6.5.B.2. (Razvijenost sporta - organizovanost sistema takmičenja Rang takmičenja) se boduju brojem bodova definisanim u članu 6.5.C.1. (Vrednovanje ostvarenog rezultata) pomnoženim sa ukupnim brojem sportista koji se zvanično registruju u zapisnik za takmičenje po zvaničnim pravilima sporta.

6.5.1. Zbirna tabela

- (1) Bodovi prema kriterijima grupe B. se sumiraju i množe koeficijentom A.1.. Ta suma se sabire sa bodovima C.1. i time se dobija sveukupna suma bodova u tekućoj godini za podnosioca prijave projekta iz sporta za finansiranje (sufinansiranje) iz budžeta Kantona Sarajevo.

$$(A.1. \times (B.1.+B.2.+B.3.)) + C.1. = \dots$$

- (2) To se izražava kroz predstavljenu tabelu.

Organizacija u sportu	A.1.	B.1.	B.2.	B.3.	C.1.	Ukupno bodova

Član 7. (Sport za sve)

- (1) Obzirom na pravo čovjeka da zadovolji vlastite potrebe za razvojem, stvaralaštvom, samopotvrđivanjem i drugim civilizacijskim i kulturnim vrijednostima kojima se bogati i osvaja kvalitet života, predviđena je podrška i za kategoriju sportista koji pripadaju "Sportu za sve" - sportu svakom građaninu.
- (2) U okvirima "Sporta za sve" uz zadovoljenje prethodnog predviđa se:
 - a) podrška organizacije i provođenja masovnih sportskih manifestacija djece, omladine i odraslih za koje je iskazan interes,
 - b) obezbjeđenje preduslova za vrednovanje njihovih sportskih dostignuća i aktuelnog nivoa psihofizičkih sposobnosti.
- (3) Svrha podrške je motivacija na provođenje cjelogodišnje sistematske individualne sportske aktivnosti građana kojom se podiže kvalitet življenja, doprinosi jačanju zdravlja, samoaktualizaciji, samorazvoju i samospoznaji.

IV - PRELAZNE I ZAVRŠNE ODREDBE

Član 8. (Potrebna dokumentacija)

- (1) Podnosioci prijave projekta iz sporta za finansiranje (sufinansiranje) iz budžeta Kantona Sarajevo obavezni su Ministarstvu dostaviti potrebnu dokumentaciju radi realizacije ovih kriterija i to:
 - a) Popunjen "Obrazac Ministarstva kulture i sporta Kantona Sarajevo za prijavu projekta iz sporta za finansiranje (sufinansiranje) iz budžeta Kantona Sarajevo",
 - b) Rješenje o registraciji - ne starije od šest (6) mjeseci (izvadak iz registra udruženja),
 - c) Uvjerjenje o poreskoj registraciji - identifikacioni broj za pravno lice i transakcijski račun u poslovnoj banci (ugovor sa bankom),
 - d) Potvrdu Sportskog saveza Kantona Sarajevo o upisu u matičnu evidenciju sportskih organizacija,
 - e) Prijedlog manifestacije, projekta i programa sa specifikacijom troškova koji se kandiduje za dodjelu sredstava,
 - f) Program rada za tekuću godinu sa obrazloženjem,
 - g) Finansijski plan za tekuću godinu,
 - h) Uvjerjenje o izmirenim poreskim obavezama,
 - i) Uvjerjenje o izmirenim porezima i doprinosima za zaposlenike (ukoliko ima zaposlenika). Organizacija u sportu koja nema uposlenih i neizmirenih obaveza treba dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.
 - j) Tekstualni i finansijski izvještaj o utrošku sredstava za projekte odobrene u prethodnoj godini,
 - k) Zapisnik sa sjednice nadležnog tijela (Skupština, Upravni odbor) na kojoj je usvojen Izvještaj o radu sa finansijskim izvještajem za prethodnu godinu,
 - l) Bilans stanja i bilans uspjeha ovjeren od strane nadležne poreske uprave za prethodnu godinu,
 - m) Rezultati i uspjesi na kantonalnom, federalnom, državnom i međunarodnom nivou (najbolji ostvareni rezultat u prethodnoj godini), odnosno broj korisnika obuhvaćenih projektom,
 - n) Potpisanu "Izjavu odgovornog lica podnosioca prijave".

Član 9.

(Potrebna dokumentacija za obrazac)

- (1) Podnosioci prijave projekta iz sporta za finansiranje (sufinansiranje) iz budžeta Kantona Sarajevo obavezni su Ministarstvu dostaviti potrebnu dokumentaciju kojom će dokazati tačnost podataka navedenih u popunjenom "Obrazcu Ministarstva kulture i sporta Kantona Sarajevo za prijavu projekta iz sporta za finansiranje/sufinansiranje/ iz budžeta Kantona Sarajevo" iz člana 9. stav 01., radi realizacije ovih kriterija i to:
- a) Pripadnost sporta olimpijskom i paraolimpijskom programu (dostaviti zvaničan dopis od Olimpijskog ili Paraolimpijskog komiteta)
 - b) Broj prijavljenih aktivnih članova sportskog kluba registrovanih kod nadležnog organa (dostaviti zvanične podatke iz matičnog strukovnog saveza, ime i prezime i uzrasna kategorija)
 - c) Razvijenost sporta - organizovanost sistema takmičenja (Rang takmičenja-ekipni sportovi) (dostaviti zvaničan dopis iz matičnog strukovnog saveza)
 - d) Razvijenost sporta - organizovanost sistema takmičenja (Rang takmičenja-individualni sportovi) (dostaviti zvaničan dopis iz matičnog strukovnog saveza)
 - e) Broj reprezentativaca u sezoni (dostaviti zvanične podatke iz matičnog strukovnog saveza, ime i prezime i uzrasna kategorija)

- f) Ostvareno sportsko dostignuće - najbolji ostvareni rezultat u prethodnoj godini (dostaviti zvaničnu potvrdu iz matičnog strukovnog saveza)

Član 10.

(Usklađivanje pravilnika)

U slučaju da se na nivou države Bosne i Hercegovine ili Federacije Bosne i Hercegovine donesu kriteriji za podršku finansiranju javnog interesa u sportu, ovaj Pravilnik će biti usklađen sa njihovim odredbama.

Član 11.

(Prestanak važenja prethodnog Pravilnika)

Stupanjem na snagu ovoga Pravilnika prestaje da važi Pravilnik o kriterijima za podršku finansiranju javnog interesa u sportu Kantona Sarajevo ("Službene novine Kantona Sarajevo", broj 8/17).

Član 12.

(Stupanje na snagu)

Ovaj pravilnik stupa na snagu danom donošenja i objavit će se u "Službenim novinama Kantona Sarajevo".

Broj 12-02-12450/18
05. marta 2018. godine
Sarajevo

Ministar
Mirvad Kurić, s. r.

GRAD SARAJEVO

Gradonačelnik

Na osnovu člana 76. Kolektivnog ugovora za službenike organa uprave i sudske vlasti u FBiH ("Službene novine Federacije BiH", broj 16/18), Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kao reprezentativni sindikat, kojeg zastupa predsjednik Samir Kurtović i Grad Sarajevo, koga zastupa gradonačelnik Grada Sarajeva mr. Abdulah Skaka, dana 13.03.2018. godine, zaključuju

UGOVOR

**O PRISTUPANJU KOLEKTIVNOM UGOVORU ZA
SLUŽBENIKE ORGANA UPRAVE I SUDSKE VLASTI U
FEDERACIJI BOSNE I HERCEGOVINE**

Član 1.

Ovim ugovorom Grad Sarajevo pristupa Kolektivnom ugovoru za službenike organa uprave i sudske vlasti u Federaciji Bosne i Hercegovine, objavljenom u "Službenim novinama Federacije BiH", broj 16/18.

Član 2.

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, prihvata pristupanje Kolektivnom ugovoru za službenike organa uprave i sudske vlasti u Federaciji Bosne i Hercegovine, Grada Sarajeva, kao poslodavca.

Član 3.

Prihvatanjem ovog ugovora, ugovorne strane saglasne su da će prava i obaveze izvršavati na način kako je to Kolektivnim ugovorom uređeno, izuzev odredbi člana 8. i člana 12. stav (1) u dijelu koji glasi: "s tim da ukupno trajanje godišnjeg odmora ne može biti duže od 36 (tridesetišest) radnih dana".

Član 4.

Ovaj ugovor stupa na snagu danom potpisivanja, a objavit će se u "Službenim novinama Kantona Sarajevo".

Broj 01-14-1610/18
13. marta 2018. godine
Sarajevo

Broj 01-IV-194/18
13. marta 2018. godine
Sarajevo

Za Grad Sarajevo
Gradonačelnik
Mr. Abdulah Skaka, s. r.

Za Samostalni sindikat državnih
službenika i namještenika u
organima državne službe,
sudskoj vlasti i javnim
ustanovama u FBiH
Mr. Samir Kurtović, s. r.

Na osnovu člana 4. i člana 5. stav 1. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), a u vezi sa članom 23. stav 1. 2. i 3., Odluke o izvršavanju Budžeta Grada Sarajeva za 2018. godinu ("Službene novine Kantona Sarajevo" 44, broj 1/18), gradonačelnik Grada Sarajeva donosi

ODLUKU

**O ODOBRAVANJU SREDSTAVA SA POZICIJE:
TEKUĆA REZERVA**

Član 1.

Ovom Odlukom odobravaju se novčana sredstva Udruženju "Društvo prijatelja grada Sarajeva" (u daljem tekstu: Udruženje "DPGS"), kao finansijska podrška u organizaciji sportsko literarne manifestacije "Goran Čengić".

Član 2.

Sredstva za realizaciju obaveze iz člana 1. ove Odluke odobravaju se iz Budžeta Grada Sarajeva za 2018. godinu ("Službene novine Kantona Sarajevo", broj 1/18) sa pozicije:

Tekuća rezerva, u ukupnom iznosu od 1.000,00 KM (slovima: jednahiljada KM).

Član 3.

Sredstva iz člana 2. ove Odluke, Gradska služba finansija će doznačiti na račun Udruženja "DPGS" broj 1610000059200081 kod Raiffeisen banke d.d. (svrha doznake: finansijska podrška u organizaciji sportsko literarne manifestacije "Goran Čengić").

Član 4.

Udruženje "DPGS" se obavezuje da u roku od petnaest (15) dana, nakon utroška sredstava iz člana 2. ove Odluke, gradonačelniku Grada Sarajeva dostavi izvještaj i kompletnu dokumentaciju o namjenskom utrošku sredstava, koja su doznačena iz Budžeta Grada Sarajeva za 2018. godinu i to:

- Izvještaj o namjenskom utrošku sredstava;
- Pregled utroška dodijeljenih sredstava sa obrazloženjem;
- Ovjerenne kopije faktura od davaoca usluge ili dobavljača;
- Ovjerenne kopije računa o izvršenom plaćanju (bankovna uplatnica);
- Izvod banke o izvršenom plaćanju na račun komitenta.

Član 5.

Grad Sarajevo zadržava pravo da zahtjeva povrat odobrenih sredstava iz člana 2. ove Odluke, ukoliko utvrdi da Udruženje "DPGS" nije namjenski utrošilo ista.

Član 6.

U slučaju neispunjavanja obaveze iz člana 5. ove Odluke, Grad Sarajevo ima pravo da pokrene postupak za povrat odobrenih sredstava, pred nadležnim sudom u Sarajevu.

Član 7.

Za realizaciju ove Odluke zadužuju se Gradska služba finansija i Gradska služba za obrazovanje, kulturu, sport i mlade.

Član 8.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-14-800-2/18
27. februara 2018. godine
Sarajevo

Gradonačelnik
Mr. **Abdulah Skaka**, s. r.

OPĆINA NOVO SARAJEVO

Općinski načelnik

Na osnovu članova 50. i 146. Statuta Općine Novo Sarajevo ("Službene novine Kantona Sarajevo", broj 35/10 od 30.12.2010. godine), i člana 24. Odluke o izvršavanju Budžeta Općine Novo Sarajevo za 2018. godinu ("Službene novine Kantona Sarajevo", broj 2/18 od 11.01.2018. godine), Općinski načelnik donosi

ZAKLJUČAK

O UNOSU NAMJENSKOG TRANSFERA U BUDŽET OPĆINE NOVO SARAJEVO

- I Odobrava se unos namjenskih sredstava u Budžet Općine Novo Sarajevo za 2018. godinu u iznosu od 35.000,00 KM, koja je Općini Novo Sarajevo doznačilo Ministarstvo zdravstva Kantona Sarajevo u skladu sa Sporazumom broj 02-14-3304/17 od 22.12.2017. godine, a u svrhu sufinansiranja sanacije zgrade ambulate Pofalići.
- II Doznačena sredstva povećavaju ukupan iznos Budžeta Općine Novo Sarajevo za 2018. godinu, te se isti po provođenju ovog

Zaključka povećava sa 31.810.000,00 KM na iznos od 31.845.000,00 KM. Unosom u budžet, evidencija transakcije pratit će se na ekonomskom kodu 742114 - Namjenska sredstva za sufinansiranje sanacije zgrade ambulate Pofalići.

- III Sredstva iz tačke I ovog Zaključka bit će raspoređena u posebnom dijelu Budžeta, u okviru Programa prostornog planiranja i uređenja građevinskog zemljišta, na ekonomskom kodu 615100 - Sufinansiranje sanacije zgrade ambulate Pofalići.
- IV Ovaj Zaključak sastavni je dio Budžeta Općine Novo Sarajevo za 2018. godinu.
- V Za realizaciju ovog Zaključka zadužuje se Služba za oblast privrede i finansija.
- VI Ovaj Zaključak stupa na snagu osmog dana od dana objavljivanja u "Službenim novinama Kantona Sarajevo".

Broj 02-14-784/18
13. marta 2018. godine
Sarajevo

Općinski načelnik
Nedžad Koldžo, s. r.

OPĆINA STARI GRAD SARAJEVO

Općinsko vijeće

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), člana 17. stav (1) tačka j), člana 31., člana 32. i člana 36. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 3/18), Općinsko vijeće Stari Grad Sarajevo, na sjednici održanoj 28. februara 2018. godine, donijelo je

ODLUKU

O DODJELI U ZAKUP POSLOVNOG PROSTORA U ULICI ČULHAN BROJ 4

1. Poslovni prostor u ulici Čulhan broj 4 (površine 0,62 m², C kategorija), dodjeljuje se u zakup Šakić Selmi, kao suvlasniku.
2. Zakupoprimalac poslovnog prostora iz tačke 1. ove Odluke je dužan plaćati mjesečnu zakupninu u iznosu od 10 KM po m².
3. Općinski načelnik će sa zakupoprimcem iz tačke 1. ove Odluke zaključiti ugovor o zakupu poslovnog prostora. Ugovor se zaključuje na period od godinu dana sa mogućnošću produženja, ukoliko zakupoprimalac bude redovno izmirivao svoje obaveze.
4. Zakupoprimalac je dužan dati garanciju o plaćanju zakupnine najmanje u iznosu jednogodišnje zakupnine.

5. Zakupoprimalac treba da izvrši osiguranje poslovnog prostora od osnovnih rizika vinkuliranom policom u korist Općine Stari Grad Sarajevo koja nema franšiznog učešća u eventualno nastaloj šteti.
6. Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-96/18
Februara 2018. godine
Sarajevo

Predsjedavajući
Općinskog vijeća Stari Grad
Dr. sci. **Jusuf Pušina**

Na osnovu člana 25. Statuta Općine Stari Grad Sarajevo - Prečišćenio tekst ("Službene novine Kantona Sarajevo", broj 20/13) i člana 11. Odluke o priznanjima Općine Stari Grad Sarajevo ("Službene novine Kantona Sarajevo", broj 5/10), Općinsko vijeće Stari Grad Sarajevo, na sjednici, održanoj 28.februara 2018. godine, donijelo je

RJEŠENJE

O IZBORU PREDSEDNIKA, ZAMJENIKA PREDSEDNIKA I ČLANOVA KOMISIJE ZA PRIZNANJA OPĆINE STARI GRAD SARAJEVO

I

U Komisiju za priznanja, biraju se

1. JUSUF PUŠINA - predsjednik
2. IRFAN ČENGIĆ - zamjenik predsjednika
3. SANEL DRAGOLOVČANIN - član
4. ANISA BAŠOVIĆ - član
5. MINELA ALIĆ SUČESKA - član
6. ALMA JAŠAREVIĆ - član
7. AMRA JUNUZOVIĆ KALJIĆ - član
8. VIBOR HANDŽIĆ - član
9. AMAR TRBOVIĆ - član
10. SALIH IŠERIĆ - član
11. EKREM KALJANAC - član
12. LULZIM NURIDINI - član
13. IRMA DŽANANOVIĆ - član
14. IBRAHIM POTUROVIĆ - član
15. ISMET OVČINA - član
16. ARMIS MAŠIĆ - član
17. MEMO MURTIĆ - član

II

Ovo rješenje stupa na snagu danom objavljivanja na oglasnoj tabli Općine, a naknadno će biti objavljeno u "Službenim novinama Kantona Sarajevo".

Broj 02-49-85/18
Februara 2018. godine
Sarajevo

Zamjenik predsjedavajućeg
Općinskog vijeća
Stari Grad Sarajevo
Prof. **Sanel Dragolovčanin**, s. r.

Stavljeno na oglasnu ploču 05.03. 2018. godine.
Skinuto sa oglasne ploče 12.03.2018. godine.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 49/17), Općinsko vijeće Stari Grad Sarajevo, na sjednici, održanoj 28. februara 2018. godine, donijelo je

RJEŠENJE

O RAZRJEŠENJU I IMENOVANJU ČLANA KOMISIJE ZA PREDSTAVKE I ŽALBE

I

U Komisiji za predstavke i žalbe, razrješava se:

RIJAD MILIĆ - dužnosti člana

a imenuje se

HARUN ČEHAJIĆ - na dužnost člana

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-49-84/18
Februara 2018. godine
Sarajevo

Zamjenik predsjedavajućeg
Općinskog vijeća
Stari Grad Sarajevo
Prof. **Sanel Dragolovčanin**, s. r.

Na osnovu člana 18. stav (1) tačka a) Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 3/18), kojim je propisano da, na osnovu zahtjeva, Općinski načelnik, uz saglasnost Općinskog vijeća, može neposredno dodijeliti poslovni prostor ako se, nakon smrti zakupoprimalca - poslodavca, ugovor o zakupu zaključuje i nastavlja obavljanje djelatnosti od strane članova porodičnog domaćinstva (djece, bračnog druga, roditelja) pod uslovom da je zakupnina u cjelosti izmirena, a uz prethodnu saglasnost članova porodičnog domaćinstva, Općinsko vijeće Stari Grad Sarajevo, na sjednici održanoj 28. februara 2018. godine, donijelo je

SAGLASNOST

OPĆINSKOM NAČELNIKU ZA NEPOSREDNU DODJELU - PRENOS PRAVA ZAKUPA POSLOVNIH PROSTORA U ULICI KOVAČI BROJ 57 I KOVAČI BROJ 59

1. Daje se saglasnost Općinskom načelniku za neposrednu dodjelu - prenos prava zakupa poslovnih prostora u ulici Kovači broj 57, površine 72,42 m², te Kovači broj 59, površine 122,12 m², Carinik Alminu, iza umrlog oca Carinik Mahira, ranijeg zakupoprimalca predmetnih poslovnih prostora.
2. Ova saglasnost stupa na snagu osmi dan od dana objavljivanja u "Službenim novinama Kantona Sarajeva".

Broj 02-49-97/18
Februara 2018. godine
Sarajevo

Predsjedavajući
Općinskog vijeća
Stari Grad Sarajevo
Dr. sci. **Jusuf Pušina**

Na osnovu člana 76. Kolektivnog ugovora za službenike organa uprave i sudske vlasti u FBiH ("Službene novine Federacije BiH", broj 16/18), Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kao reprezentativni sindikat, kojeg zastupa predsjednik Samir Kurtović i Općina Stari Grad Sarajevo, koju zastupa načelnik Ibrahim Hadžibajrić, dana 13.03.2018. godine, zaključuju

UGOVOR

O PRISTUPANJU KOLEKTIVNOM UGOVORU ZA SLUŽBENIKE ORGANA UPRAVE I SUDSKE VLASTI U FEDERACIJI BOSNE I HERCEGOVINE

Član 1.

Ovim ugovorom Općina Stari Grad Sarajevo pristupa Kolektivnom ugovoru za službenike organa uprave i sudske vlasti u Federaciji Bosne i Hercegovine, objavljenom u "Službenim novinama Federacije BiH", broj 16/18.

Član 2.

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, prihvata pristupanje Kolektivnom ugovoru za službenike organa uprave i sudske vlasti u Federaciji Bosne i Hercegovine, Općine Stari Grad Sarajevo, kao poslodavca.

Član 3.

Prihvatanjem ovog ugovora, ugovorne strane saglasne su da će prava i obaveze izvršavati na način kako je to Kolektivnim ugovorom uređeno, izuzev odredbi člana 8. i člana 12. stav (1) u dijelu koji glasi: "s tim da ukupno trajanje godišnjeg odmora ne može biti duže od 36 (trideset i šest) radnih dana".

Član 4.

Ovaj ugovor stupa na snagu danom potpisivanja, a objavit će se u "Službenim novinama Kantona Sarajevo".

Broj 01-05-4-564/18
13. marta 2018. godine
Sarajevo

Broj 01-IV-195/18
13. marta 2018. godine
Sarajevo

Za Općinu
Stari Grad Sarajevo
Načelnik
Ibrahim Hadžibajrić

Za Samostalni sindikat državnih
službenika i namještenika u
organima državne službe,
sudskoj vlasti i i javnim
ustanovama u F BiH
Predsjednik
Mr. Samir Kurtović

OPĆINA VOGOŠĆA

Općinsko vijeće

Na osnovu člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 70. stav 1. tačka 2. Statuta Općine Vogošća ("Službene novine Kantona Sarajevo" broj 27/14 - Prečišćeni tekst, i 14/15), Općinsko vijeće Vogošća, na sjednici održanoj 28.02.2018. godine, donijelo je

ODLUKU

O PRISTUPANJU IZRADI IZMJENA I DOPUNA REGULACIONOG PLANA "ROSULJE" NA LOKALITETU UZ ULICU 24. JUNA

(Skraćeni postupak)

Član 1. (Vrsta Plana)

Pristupa se izradi Izmjena i dopuna Regulacionog plana "Rosulje" ("Službene novine Grada Sarajeva", br. 29/80) na lokalitetu uz ulicu 24. juna, po skraćenom postupku - u daljem tekstu: Plan.

Član 2. (Granice područja za koje se Plan radi)

Granicu obuhvata čine parcele k.č. 1419/1, 1419/2, 1419/3, 1420/1, 1421/3, 1422/6, 1410/4, 1410/5, 1407/1, 1407/2, 1406/4, 1408/3, 1498/3, 1498/4, 1498/5, 1498/6 i 1498/7 K.O. Vogošća.

Površina obuhvata iznosi P=1,27 ha.

Član 3. (Vremenski period za koji se Plan donosi)

Plan se donosi za period do donošenja novog planskog dokumenta.

Član 4. (Smjernice za izradu Plana)

Izmjena Plana se radi u granicama vlasničkih parcela (k.č. 1419/1, 1419/2, 1419/3, 1420/1, 1421/3, 1422/6, 1410/4, 1410/5, 1407/1, 1407/2, 1406/4, 1408/3, 1498/3, 1498/4, 1498/5, 1498/6 i 1498/7 K.O. Vogošća.) koje se, prema Regulacionom planu "Rosulje", nalaze u zoni obuhvata društvenog standarda.

U obuhvatu Izmjena i dopuna Plana nalaze se dva postojeća individualna stambena objekta koji se prema važećem Planu nalaze u dijelu prostora planiranog školskog dvorišta i važećim Planom planiraju se porušiti. Tokom vremena na lokalitetu obuhvata Izmjena i dopuna Plana nastale su i promjene u prostoru izgradnjom predškolske ustanove/obdaništa na dijelu građevinske parcele koja je važećim Planom planirana za izgradnju osnovne škole sa otvorenim igralištem. Isto tako, iskazan je i interes za izgradnju stambeno-poslovnog objekta na vlasničkim parcelama k.č. broj 1498/4, 1410/5 i 1407/2 K.O. Vogošća.

Izmjenom Plana potrebno je:

- Obezbjediti ažurnu geodetsku podlogu;
- Planirati izgradnju osnovne škole sa pratećim sadržajima na zemljištu označenom k.č. br. 1422/6, 1410/4, 1407/1 i 1421/3 K.O. Vogošća, uz zadržavanje izgrađenog objekta predškolske ustanove;
- U granicama parcela k.č. broj 1498/4, 1410/5 i 1407/2 K.O. Vogošća, planirati izgradnju stambeno-poslovnog objekta spratnosti S + P + 4;
- Uvažiti zatečeno stanje na vlasničkim parcelama k.č. broj 1419/1, 1419/2, 1419/3 i 1420/1 K.O. Vogošća;
- Izmjenom Plana ne smije se narušiti osnovni urbanistički koncept Plana;
- Priključke na saobraćajnice i mrežu komunalne infrastrukture treba uskladiti sa Planom i važećim tehničkim normativima.

Član 5. (Rokovi za pripremu i izradu Plana)

Rokovi za pripremu i izradu Plana su slijedeći:

- Odluka o pristupanju izradi Plana: februar 2018.
- Ugovaranje: mart 2018. godine.
- Prijedlog Plana: april 2018. godine.
- Javna tribina: maj 2018. godine.
- Usvajanje Plana: maj 2018. godine.

Član 6. (Način osiguranja sredstava za izradu Plana)

Sredstva za izradu Plana u iznosu od 12.500,00 KM obezbijedit će Općina Vogošća u Budžetu za 2018. godinu.

Član 7.

(Nosilac pripreme Plana i Nosilac izrade Plana)

Nosilac pripreme Plana je Načelnik Općine Vogošća.

Nosilac izrade Plana je Zavod za planiranje razvoja Kantona Sarajevo.

Član 8.

(Donošenje Plana)

Nosilac izrade Plana će izraditi Prijedlog Plana i dostaviti ga Nosiocu pripreme Plana.

Nosilac pripreme Plana utvrditi će Prijedlog plana i podnijeti ga Općinskom vijeću na donošenje.

Član 9.

(Sadržaj Odluke)

Sastavni dio ove Odluke je grafički prilog sa ucrtanom granicom područja planiranja.

Član 10.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-383/18
28. februara 2018. godine
Vogošća

Predsjedavajući
Općinskog vijeća Vogošća
Tarik Curić, s. r.





Na osnovu člana 25. stav (8) i člana 34. stav (1) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, i 14/15), Općinsko vijeće Vogošća, na sjednici održanoj 28.02.2018. godine, donijelo je

ODLUKU

O PRISTUPANJU IZRADI REGULACIONOG PLANA "NASELJE TRAVNJAK"

Član 1.

(Vrsta Plana)

Pristupa se izradi Regulacionog plana "Naselje Travnjak" (u daljnjem tekstu: Plan).

Član 2.

(Granice područja za koje se Plan radi)

Granicu obuhvata čine parcele k.č. br. 842/3, k.č. br. 842/53 i k.č. br. 842/52 K.O. Hotonj. Površina obuhvata iznosi P=1,4 ha.

Član 3.

(Vremenski period za koji se Plan donosi)

Plan se donosi za period do donošenja novog planskog dokumenta.

Član 4.

(Smjernice za izradu Plana)

Općina Vogošća je pokrenula inicijativu za izradu Regulacionog plana "Naselje Travnjak" na zahtjev investitora "Taz group" d.o.o. Sarajevo.

Cilj izrade provedbenog planskog dokumenta je da se predmetno područje urbanizira na kvalitetan način, predloži optimalna organizacija prostora sa kompleksom objekata individualnog stanovanja i isto opremi kvalitetnom saobraćajnom i komunalnom infrastrukturom, na način da se preispitaju prostorne mogućnosti područja sa aspekta konfiguracije terena, geologije i uslova stabilnosti terena, a poštujući uvjete zaštite okoliša u skladu sa odredbama Zakona o prostornom uređenju ("Službene novine Kantona Sarajevo", broj 24/17 i 1/18) i Zakona o zaštiti okoliša ("Službene novine Federacije BiH", broj 33/03 i 38/09).

Osnovna usmjerenja za izradu Plana su:

- Izvršiti geodetsko snimanje postojećeg stanja u obuhvatu Plana u vektorskom obliku u razmjeri 1:1000. Uz geodetske podatke potrebno je obezbijediti i podatke o posjedovnom stanju i ažurnom katastru komunalne infrastrukture, a na osnovu projektnog zadatka urađenog od strane Zavoda;
- Izvršiti istražne radove u cilju izrade Elaborata o inženjersko-geološkim hidrološkim i geomehaničkim osobinama terena, a na osnovu projektnog zadatka urađenog od strane Zavoda;
- Ispitati mogućnost planiranja individualne stambene izgradnje i interne saobraćajnice uvažavajući ograničenja vezana za konfiguraciju terena i rezultate dobijene Elabortom o inženjersko-geološkim, hidrološkim i geomehaničkim svojstvima terena;
- Za individualnu stambenu izgradnju planirati parcele površine od 700 m² do 1500 m², sa prijedlogom građevinske linije objekata prema terenskim uvjetima;
- U zavisnosti od nagiba terena planirati spratnost objekata za stanovanje: podrum/suteren+ prizemlje+sprat, a garaže i parkirališta planirati na građevinskoj parceli.
- Broj stambenih jedinica - objekata utvrditi nakon analize lokacije i definisanja interne saobraćajne mreže u

zavisnosti od potrebe za modulacijom zemljišta (usjek, nasip, i sl.).

- Planirati izgradnju kompleksa kao stambenu cjelinu, gdje urbanističko-arhitektonsko-oblikovni sklop elemenata objekata treba da odgovara podneblju i ambijentu u kojem se gradi;
- Područje planiranja je potrebno opremiti neophodnom saobraćajnom mrežom i uređajima komunalne infrastrukture (snabdijevanje vodom, odvodnja otpadnih voda, snabdijevanje potrebnim količinama električne energije i dr.) prema uslovima datim od javnih komunalnih preduzeća.

Zelenilo

- Zelene površine na ovom prostoru treba koncipirati i urediti tako da predstavljaju jedinstvenu kompozicionu cjelinu međusobno, ali i sa zelenilom u kontaktnim zonama uz uvažavanje svih kategorija zelenila koje odgovaraju ovom ambijentu i načinu korištenja površina;
- Uređenju površina uz objekte individualnog stanovanja, treba posvetiti posebnu pažnju, zbog značaja sa sanitarno-higijenskog, ekološkog i estetskog aspekta. Uređenje vršiti na način očuvanja tradicije, korištenjem uglavnom autohtonih vrsta, a prema prostornim mogućnostima. Izbor elemenata biološke komponente, sve tri vegetacione etaže, vršiti u skladu sa potencijalnom vegetacijom i prema estetsko oblikovnim iskazima pojedinih elemenata.

Saobraćaj

- U toku izrade Regulacionog plana "Naselje Travnjak" potrebno je zadržati koncept primarne saobraćajne mreže definisan Urbanističkim planom Sarajeva 1986.-2015. godine i usvojenim susjednim provedbenim planovima kontaktnih prostornih cjelina, kako položajno tako i po gabaritima.
- Mrežu internih saobraćajnica obuhvata treba koncipirati na način jednostavne i pune dostupnosti svim planiranim sadržajima sa gabaritom ne manjim od 6,00 m (izuzetno 5,50 m) za dvosmjerni motorni saobraćaj, odnosno 4,50 m za jednosmjerni motorni saobraćaj, sa pješačkim stazama (po mogućnosti obostrano) širine minimalno 1,50 m.
- Pješačke komunikacije planirati u skladu sa distribucijom planiranih sadržaja.
- Za sve sudionike u saobraćaju, na svim saobraćajnicama u obuhvatu, a posebno na postojećim saobraćajnicama i u zonama raskršća, neophodno je stvoriti uslove za bezbjedno odvijanje saobraćaja.
- Predvidjeti prostore za mirujuć saobraćaj prema važećim standardima za postojeće i planirane sadržaje u skladu sa namjenom i prostornim mogućnostima, a okviru pripadajuće vlasničke parcele.

Komunalna infrastruktura

Napomena: Ovo područje je, prema osnovnoj namjeni površina definisanoj unutar Izmjena i dopuna Prostornog plana Kantona Sarajevo za period 2003. do 2023. godine "B faza" ("Službene novine Kantona Sarajevo", broj 22/17), predviđeno u zoni stanovanja.

Snabdijevanje vodom

Postojeće stanje:

Prostor obuhvaćen Regulacionim Planom "Naselje Travnjak" nalazi se u općini Vogošća i prostire se između kota cca 625,00 mn.m i 677,50 mn.m. Ovo područje pripada zoni snabdijevanja planiranog rezervoara Kobilja Glava Betanija (V=1000 m³ i K.D. 695,00 mn.m.). Zona snabdijevanja

Planiranog rezervoara proteže se između kota 625 mn.m. i 675 mn.m.

Snabdijevanje vodom šireg područja vrši se do kote 620 mn.m se putem VACØ100mm koji je smješten u trupu lokalne saobraćajnice. Veći dio obuhvata nije opremljen vodovodnom mrežom.

Planirano rješenje:

- Osnovu za izradu idejnog rješenja snabdijevanja vodom treba da predstavlja rješenje urbanizma i saobraćaja uz uvažavanje ranije radene dokumentacije i planova višeg reda iz faze komunalne hidrotehnike; Planirana je izgradnja individualnog naselja cca 10 stambenih objekata;
- Predmetni obuhvat, prema izvodu iz važećeg Urbanističkog Plana Kantona Sarajevo, se nalazi prema namjeni u zoni šumskog i poljoprivrednog zemljišta, pa prema tome nije ni razmatrana mogućnost snabdijevanja vodom kroz bilo koji planski dokument.
- Korektno snabdijevanje iz centralnog vodovodnog sistema, moguće je nakon izgradnje planiranog rezervoara Betanija (V=1000 m³ i sa K.D. 695.00 mn.m);
- Dispozicija distribucione mreže unutar lokaliteta će se planirati u skladu sa saobraćajno-urbanističkim rješenjem i važećim propisima, a na osnovu potreba planiranih stanovnika. Profile cjevovoda definisati tako da zadovolje potrebe za sanitarnom i protivpožarnom potrošnjom u skladu sa važećim propisima.
- Pri izradi idejnog rješenja snabdijevanja vodom ispoštovati sve važeće propise i zahtjeve KJKP Vodovod i Kanalizacija.

Odvodnja otpadnih i oborinskih i voda

Postojeće stanje:

Nosilac izrade ne raspolaže ažurnim katastrom podzemnih instalacija, tako da nema podataka o razvijenosti kanalizacione mreže i njenom kvalitetom.

Treba istaknuti da je širi obuhvat posmatranog područja neopremljen kanalizacionom mrežom.

Prostor obuhvaćen Regulacionim planom "Naselje Travnjak" pripada slivnom području Vogošćanskog kolektora.

Planirano rješenje:

- Osnovu za izradu ovog idejnog rješenja će predstavljati urbanističko-saobraćajno rješenje, kao i rješenja u usvojenoj provedbenoj dokumentaciji koja su utemeljena na opredjeljenjima iz važećeg UP-a 1986-2015 g. pri čemu treba imati u vidu da je na području Kantona usvojen separatan kanalizacioni sistem;
- Zavisno od nivelacionog rješenja ukupni obuhvat je orijentiran na slivno područje Vogošćanskog kolektora. Potrebno je predvidjeti spoj planiranih fekalnih kanala na postojeći kanal FBØ400 mm, koji se uključuje u Vogošćanski kolektor;
- Ispuštanje planiranih oborinskih kanala će se izvršiti u postojeće potoke, a glavni recipijent za prihvatanje oborinskih voda je vodotok Vogošća;
- Separatnu kanalizacionu mrežu unutar obuhvata planirati u skladu sa urbanističko saobraćajnim rješenjem u okviru Regulacionog plana, a profile kanala definisati tako da zadovolje potrebe, kako u obuhvatu tako i pripadajućim slivnim područjima. Min. dozvoljeni profil u javnoj kanalizacionoj mreži je Ø300mm.
- Pri izradi idejnog rješenja odvodnje oborinskih i otpadnih voda ispoštovati sve važeće propise i zahtjeve KJKP Vodovod i Kanalizacija.

Energetika

Elektroenergetika

Postojeće stanje:

- Područje obuhvaćeno RP "NOVI TRAVNJAK" je u velikoj mjeri pokriven elektroenergetskim sistemom za kontinuiranu dobavu električne energije. Primarno napajanje je iz postojeće TS 110/10(20) kV PRETIS (SA-4), 2 x 20 MVA, a rezervno napajanje je iz nove planirane TS 110/10(20) kV RAJLOVAC (SA-10), 2 x 31,5 MVA.

Usmjerenje elektroenergetske opskrbe:

- Napajanje objekata električnom energijom u obuhvatu treba da bude na 10(20) kV naponu distributivne mreže. Mjesto priključka na mrežu je distributivna trafostanica tipske jedinične snage transformatora, projektovana prema Tehničkim preporukama Elektro distribucije Sarajevo. Mrežu planirati isključivo kablovsku sa mogućnošću dvostranog napajanja, iz glavnog i rezervnog izvora napajanja višeg reda. Također, planirati mogućnost povezivanja 10(20) kV kablovske mreže planiranog obuhvata sa susjednim obuhvatom. Distributivne trafostanice planirati u težištu potrošača, a broj određivati prema specifičnom opterećenju transformatorske jedinice. Uz planirane visokonaponske 10(20) kV kablove položiti PHD cijev za optički OPGW kabl za daljinsku komandu. U kablovske vodne čelije ugraditi indikatore kvara- Preko predmetne parcele prolazi nadzemni 110 kV dalekovod TS Sarajevo 4-Pale.
- Razvod električne energije na niskom naponu planirati kablovskom podzemnom i nadzemnom mrežom u zavisnosti od načina priključenja. Niskonaponska mreža će se iz planiranih transformatorskih stanica TS 10(20)/0.4 kV izvoditi kao zatvorena preko KRO i KPOV-S ormara (uvezana sa sopstvenom i drugim susjednim transformatorskim stanicama) a radi kao radialna. Postoji mogućnost rezervnog napajanja preko KRO i KPOV-S ormara i poveznih niskonaponskih kablova. Obzirom da svi kablovi uglavnom imaju rezervu u kapacitetu to ujedno služe za glavno napajanje i za rezervno napajanje susjednih kablova. Svi KRO razvodni ormari (KRO-8, KRO-6, KRO-4, KPOV-S2 i KPOV-S1) fasadni ormari su predviđeni za ugradnju na fasade objekata ili slobodnostojeći.
- Rasvjeta saobraćajnica treba biti planirana prema njihovoj kategorizaciji, u sklopu postojeće javne rasvjete sa nivoom osvjetljenja prema preporukama svjetlotehničke karte. Visine stubova javne rasvjete i tip svjetiljki usaglašavati sa postojećim ili usvojenim tipom. Mjerenje potrošnje električne energije i automatsko uključenje predvidjeti u distributivnoj trafostanici iz koje se napaja određena grupa svjetiljki.

Toplifikacija-gasifikacija

Izvod iz Urbanističkog plana grada Sarajeva za urbano područje Sarajevo, za period 1986. - 2015. godina -9. Energetska infrastruktura i sistem veza - 9.2. Toplifikacija i gasifikacija

- Prostorna cjelina, koja je predmet Regulacionog plana "NASELJE TRAVNJAK", Urbanističkim planom grada Sarajeva za urbano područje Sarajevo - 9. Energetska infrastruktura i sistem veza - 9.2. Toplifikacija i gasifikacija, za period od 1986. do 2015. godine, u daljem tekstu Urbanistički plan - faza energetika, nalazi se unutar područja u kojem je definiran način snabdijevanja toplotnom energijom putem individualni sistema.

Postojeće stanje - toplifikacija

- Za kontaktne zone obuhvata Regulacionog plana "NASELJE TRAVNJAK", može se konstatovati da je toplifikacija postojećih objekata koncipirana tako da se putem individualnih sistema podmiruju potrebe za grijanjem. Trenutno stanje toplifikacije postojećih individualnih stambenih objekata u zoni obuhvata i neposrednoj blizini, karakterišu pojedinačni, individualni sistemi sa gasom kao primarnim energentom i čvrstim gorivima.
- Priprema TSV i energetske potrebe za kuhanjem stambenih objekata, ostvaruju se također individualnim sistemima.

Postojeće stanje - gasifikacija

- Na predmetnom lokalitetu nije izgrađena niskotlačna gasna distributivna mreža 0,1(0,2)bar ali u kontaktnim zonama egzistira razvod distributivne mreže GPL 110 i GPL 63.
- Stanje cijelokupnog prstena visokog pritiska i srednjeg pritiska na području grada je dobro, oštećenja i improvizovana priključenja su sanirana, a kapacitet prstena visokog pritiska je više nego dovoljan za podmirenje potreba postojećih potrošača, kao i planiranih objekata.

Usmjerenje termoenergetske opskrbe

- Na obodnom dijelu predmetnog lokaliteta egzistira niskotlačna gasna distributivna mreža 0,1 (0,2) bar i to je opredjeljujuće za izbor načina zadovoljenja termoenergetskih potreba. U tu svrhu će biti neophodno izvesti niskotlačnu gasnu distributivnu mrežu 0,1 (0,2)bar sa kućnim priključcima do objekta.
- Opisani koncept energetskog snabdijevanja toplotnom energijom predstavlja tehnički, ekonomski i ekološki optimalno rješenje, u skladu je sa dugoročnim opredjeljenjem razvoja energetike Grada. Također se može konstatovati da je ovakvo rješenje u saglasnosti i sa razvojnim planovima Stručnih službi Sarajevo-gasa.
- Planirano rješenje toplifikacije prostorne cjeline koncipirano je na korištenju zemnog gasa kao primarnog energenta i ostalih goriva, kao alternativnih, u zavisnosti od potreba i mogućnosti Investitora.

Kablovska TK mreža

Uvidom u katastar podzemnih instalacija i raspoloživu dokumentaciju konstatovano je da unutar datog obuhvata ne postoji položena TK infrastruktura. U blizini obuhvata, cca 1km sjeveroistočno u smjeru Poljina postoji položena kablovska kanalizacija u vlasništvu BH Telecoma.

Novim Idejnim rješenjem telekomunikacione infrastrukture potrebno je prema novoj situaciji (planiranom broju stambenih jedinica), projektovati telekomunikacionu infrastrukturu, prije svega u obliku trasa kablovske kanalizacije do svih novoplaniranih objekata, a koja bi se nadovezivala na već postojeću KK ako ista to zadovoljava svojim kapacitetom. Prilikom izrade Idejnog rješenja faze telekomunikacione infrastrukture, potrebno je voditi računa o sljedećim smjernicama:

- Telekomunikacionu infrastrukturu je potrebno planirati podzemno (član 90. Prostorni plan razvoja KS za period 2003 - 2023 god.).
- Planirana trasa kablovske kanalizacije treba da prati liniju postojećih i planiranih saobraćajnica čime su izbjegnuti problemi oko rješavanja imovinsko-pravnih odnosa koji se javljaju zbog prelaska trase preko privatnih posjeda.

- Trasu TK infrastrukture (kablovske kanalizacije, pripadajuća kb. okna i ormariće sa TK opremom) je potrebno planirati izvan kolovoza (u pločnicima i zelenim površinama). Pri izvođenju radova potrebno je posebno voditi računa da ne dode do oštećenja postojećeg biljnog fonda, a naročito njegovog korjenovog sistema.
- Ukoliko trasu kablovske kanalizacije nije moguće planirati izvan kolovoza, moguće je istu planirati unutar kolovoza, uz pribavljenu saglasnost i definisane uslove za prokope saobraćajnih površina od strane nadležnih upravitelja saobraćajnica. Oštećenja uličnog popločanja prilikom radova na podzemnim instalacijama, biće popravljeno ili zamijenjeno od strane privatnog lica ili nadležne institucije koja izvodi radove.
- Tačke koncentracije (ormarići sa TK opremom) je potrebno planirati uz ili unutar objekta, te izbjegava i postavljanje objekata TK infrastrukture kao samostalnih jedinica.

Konačan izbor tehnologija koja će biti korištena za pružanje telekomunikacionih usluga korisnicima, je ostavljen investitoru i nije predmet planske dokumentacije. Potrebno je u samom procesu rekonstrukcije saobraćajnica obavijestiti kako javne telekom tako i privatne kablovske i TK operatere, a u cilju polaganja nove kablovske kanalizacije i efikasnijeg iskorištavanja putnog zemljišta te smanjenja naknadnih prokopavanja cesta.

Član 5.

(Rokovi za pripremu i izradu Plana)

Rokovi za pripremu i izradu Plana su sljedeći:

- Odluka o pristupanju izradi Plana: februar 2018. godine
- Ugovaranje: april 2018. godine
- Podloge za izradu Plana: maj 2018. godine
- Osnovna koncepcija Plana: august 2018. godine
- Prednacrt Plana: septembar 2018. godine
- Nacrt Plana: oktobar 2018. godine
- Javni uvid i rasprava o Nacrtu Plana: novembar 2018. godine
- Prijedlog Plana: januar 2019. godine
- Usvajanje Plana: februar 2019. godine

Član 6.

(Način osiguravanja sredstava za izradu Plana)

Okrvina sredstva za pripremu i izradu Plana u iznosu od 17.500,00 KM obezbijedit će Općina Vogošća putem krajnjeg investitora.

Član 7.

(Nosilac pripreme Plana i Nosilac izrade Plana)

Nosilac pripreme za izradu Plana je Načelnik Općine Vogošća. Nosilac izrade Plana je Zavod za planiranje razvoja Kantona Sarajevo.

Član 8.

(Javna rasprava i donošenje Plana)

Nosilac izrade Plana će izraditi Osnovnu koncepciju Plana na osnovu utvrđenih smjernica i ponuditi je Nosiocu pripreme na razmatranje i usaglašavanje u kontaktu sa javnošću.

Ukoliko Nosilac pripreme za izradu Plana usvoji Osnovnu koncepciju Plana, Nosilac izrade Plana će izraditi prednacrt Plan i dostaviti ga Nosiocu pripreme za izradu Plana radi utvrđivanja Nacrta Plana.

Nosilac pripreme za izradu Plana će utvrditi Nacrt Plana i podnijeti ga Općinskom vijeću Vogošća na razmatranje i stavljanje na javni uvid i raspravu, u trajanju od 15 dana.

Član 9.
(Donošenje prijedloga Plana)

Na osnovu rezultata Javne rasprave i stava o Nacrtu Plana Nosioc pripreme za izradu Plana utvrditi će Prijedlog Plana i podnijeti ga Općinskom vijeću Vogošća na donošenje.

Sastavni dio Prijedloga Plana je "Elaborat orijentacionih troškova uređenja građevinskog zemljišta, koji će uraditi Zavod za izgradnju Kantona Sarajevo.

Član 10.
(Subjekti planiranja)

Subjekti planiranja su: Ministarstvo prostornog uređenja i zaštite okoliša Kantona Sarajevo, Ministarstvo privrede Kantona Sarajevo, Ministarstvo saobraćaja Kantona Sarajevo, Općina Vogošća, Zavod za izgradnju Kantona Sarajevo, komunalna i javna komunalna preduzeća, vjerske zajednice, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

Član 11.
(Režim zabrane građenja)

Utvrđuje se režim zabrane građenja do donošenja Plana.

Član 12.
(Sadržaj)


Sastavni dio ove Odluke je grafički prilog sa ucrtanom granicom područja planiranja.

Član 13.
(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1969/17
28. februara 2018. godine
Vogošća

Predsjedavajući
Općinskog vijeća Vogošća
Tarik Curić, s. r.





Na osnovu člana 44. stav 2. i člana 57a. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, broj 7/12 i 44/16) i člana 70. stav 1 tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15), Općinsko vijeće Vogošća, na sjednici održanoj 28.02.2018. godine, donijelo je

ODLUKU

O IZMJENAMA I DOPUNAMA ODLUKE O PRAVOBRANILAŠTVU OPĆINE VOGOŠĆA

Član 1.

U Odluci o Pravobranilaštvu Općine Vogošća ("Službene novine Kantona Sarajevo", broj 27/02 i 19/07), u članu 3. dodaju se novi stavovi 4., 5. i 6. koji glase:

"Kada Pravobranilaštvo mora postupati u propisanom zakonskom roku, organi i organizacije iz stava 1. i 2. ovog člana dužni su da pravobraniocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja organa i organizacija iz stava 1. i 2. ovog člana, nastupi šteta za Općinu Vogošća ili druge subjekte koje zastupa, Pravobranilaštvo o tome obavještava organ koji je ovlašten da vrši nadzor nad radom tog organa ili organizacije i Općinskog načelnika i podnosi rukovodiocu zastupanog organa ili organizacije zahtjev za pokretanje disciplinskog postupka, radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pričinjene štete."

Član 2.

Iza člana 6. dodaje se novi član 6 a. koji glasi:

"Član 6a.

U Pravobranilaštvu su u ravnopravnoj upotrebi bosanski, hrvatski i srpski jezik i latinično i ćirilično pismo.

Pravobranilaštvo može koristiti i ostale jezike kao sredstvo komunikacije."

Član 3.

Član 8. mijenja se i glasi:

"Član 8.

Organi, javna preduzeća, javne ustanove i druga pravna lica iz člana 7. ove Odluke, dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preduzima druge zakonom određene pravne radnje, te da mu dostave svu potrebnu dokumentaciju.

Poslove zastupanja organa i pravnih lica, Pravobranilaštvo vrši u svim sudskim postupcima i upravnom postupku, u skladu sa zakonom.

Pravobranilaštvo može zastupati državne organe koji su tuženi u upravnom sporu, ako ga oni na to ovlaste, kada je povrijeđena imovina i imovinski interes Općine.

Ukoliko pravosnažnom presudom bude utvrđen nezakonit rad ili odluka zastupanog organa ili organizacije, Pravobranilaštvo o tome obavještava organ koji je ovlašten da vrši nadzor nad radom tog organa ili organizacije i Općinskog načelnika, te podnosi rukovodiocu zastupanog organa ili organizacije zahtjev

za pokretanje disciplinskog postupka radi utvrđivanja odgovornosti za nezakonit rad ili nezakonitu odluku.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 4.

Iza člana 8. Odluke dodaje se novi član 8a., koji glasi:

"Član 8a.

U vršenju poslova zastupanja, Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt kojeg zastupa.

Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa."

Član 5.

Član 10. mijenja se i glasi:

"Član 10.

Pravobranilaštvo pruža stručnu pomoć organima i pravnim licima iz člana 7. ove Odluke u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspoložive stvarima, odnosno materijalnim pravima.

Organi i pravna lica iz stava 1. ovog člana dužni su pribaviti i saglasnost Općinskog vijeća prije zaključenja ugovora imovinsko-pravne prirode iz stava 2. ovog člana, u skladu sa Statutom Općine i zakonom, a ukoliko na te ugovore nije pribavljeno pravno mišljenje Pravobranilaštva, Vijeće ih neće ni razmatrati, odnosno odbiće davanje saglasnosti.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva, niti saglasnosti Općinskog vijeća.

Pravobranilaštvo mišljenje iz stava 1. i 2. ovog člana daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava organ koji je ovlašten da vrši nadzor nad radom tog organa ili organizacije i Općinskog načelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili organizacije obavezan je pokrenuti disciplinski postupak iz prethodnog stava, i o tome, kao i o ishodu pokrenutog postupka, dužan je blagovremeno, izvjestiti Pravobranilaštvo."

Član 6.

Iza člana 10. dodaju se novi članovi 10a. i 10b., koji glase:

"Član 10a.

Pravobranilaštvo daje Općinskom vijeću i Općinskom načelniku, na njihov zahtjev, pravno mišljenje o imovinsko-pravnim ugovorima, koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

Član 10b.

Organi, ustanove, javna preduzeća i druga pravna lica iz člana 7. ove Odluke dužni su zaključiti ugovor imovinsko-pravne prirode dostaviti Pravobranilaštvu, u roku od 15 dana od dana zaključenja ugovora.

Ako Pravobranilaštvo ocijeni da je zaključen ugovor ništav, podnijet će tužbu za utvrđivanje ništavosti, a u slučaju da ugovorena cijena ne odgovara tržišnoj vrijednosti - tužbu za poništenje ugovora ili izmjenu ugovora."

Član 7.

Član 13. mijenja se i glasi:

"Član 13.

Pravobranioca i zamjenika pravobranioca imenuje, smjenjuje i razrješava Općinsko vijeće, na prijedlog Općinskog načelnika."

Član 8.

U članu 14. iza riječi: "diplomirani pravnik", dodaju se riječi: "ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja", a iza riječi: "tri godine", dodaju se riječi: "nakon položenog pravosudnog ispita".

Član 9.

Iza člana 15., dodaje se novi član 15a., koji glasi:

"Član 15a.

Pravobraniocu koji ne bude ponovo imenovan prestaje funkcija pravobranioca, ali mu ne prestaje radni odnos.

Pravobranilac koji ne bude ponovo imenovan, raspoređuje se na mjesto zamjenika pravobranioca, ukoliko je upražnjeno, a ako nije, raspoređuje se na mjesto državnog službenika u Pravobranilaštvu ili drugom općinskom organu u skladu sa svojim stručnim kvalifikacijama.

Rješenje o raspoređivanju pravobranioca na mjesto zamjenika pravobranioca donosi Općinsko vijeće, a na mjesto državnog službenika Općinski načelnik, najkasnije u roku od tri mjeseca od dana prestanka funkcije pravobranioca.

Ako pravobranilac ne prihvati raspored na poslove po rješenju iz prethodnog stava ovog člana, prestaje mu radni odnos, po isteku 30 dana od dana donošenja rješenja."

Član 10.

U članu 17. dodaje se stav 4. koji glasi:

"Pravobranilac i zamjenik pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije".

Član 11.

Član 18. mijenja se i glasi:

"Član 18.

Pravobraniocu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz stava 1. i 2. ovog člana, donosi se odluka o razrješenju."

Član 12.

U članu 21. stav 2. mijenja se i glasi:

"Pravobraniocu i zamjeniku pravobranioca prestaje vršenje službe danom razrješenja zbog podnesene ostavke, a najkasnije u roku od 30 dana od dana podnošenja ostavke."

Član 13.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-22/18
28. februara 2018. godine
Vogošća

Predsjedavajući
Općinskog vijeća Vogošća
Tarik Curić, s. r.

Na osnovu člana 52. stav 1. i člana 72. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 45/12 - Prečišćen tekst, 26/14 i 46/17) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i 14/15), Općinsko vijeće Vogošća, na sjednici održanoj dana 28.02.2018. godine, donijelo je

ODLUKU**O ODOBRAVANJU I IZDVAJANJU NOVČANIH
SREDSTAVA IZ BUDŽETA OPĆINE VOGOŠĆA ZA
2018. GODINU ZA RVI 100% I GRUPE -
PARAPLEGIČARE SA MJESTOM PREBIVALIŠTA
NA PODRUČJU OPĆINE VOGOŠĆA**

Član 1.

Iz Budžeta Općine Vogošća za 2018. godinu, odobrava se izdvajanje novčanih sredstava u mjesečnom novčanom iznosu po 200,00 KM za RVI 100% I grupe -paraplegičare koji su korisnici prinadležnosti u Službi boračko-invalidske i socijalne zaštite Općine Vogošća.

Član 2.

Novčana sredstva iz člana 1. ove Odluke će biti isplaćena sa granta "Pomoć borcima, porodicama poginulih, umrlih, ranjenim borcima, invalidnim licima i pomoć za liječenje", ekonomski kod 614232 iz Budžeta Općine Vogošća za 2018. godinu.

Član 3.

Za realizaciju ove Odluke zadužuje se Općinski načelnik, Služba za boračko-invalidsku i socijalnu zaštitu i Služba za budžet i finansije Općine Vogošća, svako u okviru svojih nadležnosti.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se za 2018. godinu.

Broj 01-02-369/18
28. februara 2018. godine
Vogošća

Predsjedavajući
Općinskog vijeća Vogošća
Tarik Curić, s. r.

Općinski načelnik

Na osnovu člana 71. i člana 125. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15) i člana 7. Odluke o izvršavanju Budžeta Općine Vogošća ("Službene novine Kantona Sarajevo", 3/18), Općinski načelnik Općine Vogošća donosi

ODLUKU**O POVEĆANJU PRIHODA I RASPOREDU RASHODA****Član 1.**

Ovom Odlukom povećavaju se ukupni prihodi i primici, te rashodi i izdaci Budžeta Općine Vogošća za 2018. godinu, u iznosu od 7.000,00 KM, tako da ukupni prihodi i primici, te rashodi i izdaci Budžeta Općine Vogošća za 2018. godinu umjesto 11.280.000,00 KM iznose 11.287.000,00 KM. Navedeni prihodi odnose se na namjenski ostvarene prihode na ekonomskom kodu 732114 - sredstva Ministarstva za obrazovanje, nauku i mlade za nabavku opreme (pancerica) za Projekat škole skijanja.

Član 2.

Sredstva iz člana 1. ove Odluke raspoređuju se u posebnom dijelu Budžeta u okviru Službe za privredu, integrisani lokalni razvoj i društvene djelatnosti, na ekonomskom kodu 614311 - sredstva Ministarstva za obrazovanje, nauku i mlade za nabavku opreme (pancerica) za Projekat škole skijanja.

Član 3.

Realizacija sredstava iz člana 1. ove Odluke vršit će se u skladu sa Sporazumom o namjenskom korištenju sredstava iz Budžeta Kantona Sarajevo za 2018. godinu, broj 02-38-282/18 od 01.02.2018. godine.

Član 4.

Ova Odluka čini sastavni dio Budžeta Općine Vogošća za 2018. godinu.

Član 5.

Za realizaciju ove Odluke zadužuje se Služba za budžet i finansije.

Član 6.

Ova Odluka stupa na snagu narednog dana od dana objavljivanja u "Službenim novinama Kantona Sarajevo" i primjenjivat će se za fiskalnu 2018. godinu.

Broj 02-14-522/18
09. marta 2018. godine
Vogošća

Općinski načelnik
Edin Smajić, s. r.

FEDERALNI ZAVOD ZA STATISTIKU**SAOPĆENJE****O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVU ZA
JANUAR/SIJEČANJ 2018. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za januar/siječanj 2018. godine iznosi 1.093 KM.

Broj 14
14. marta 2018. godine

Direktor
Doc. dr. **Emir Kremić, s. r.**

SLUŽBENE OBJAVE**UDRUŽENJA**

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Razvojno istraživački centar Sarajevo, Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje Razvojno istraživački centar Sarajevo, skraćeni naziv je RIC Sarajevo, sa sjedištem u Sarajevu, ulica LA BENEVOLENCIJA broj 1.
2. Upis je izvršen pod registarskim brojem 2323. knjiga V registra udruženja, dana 23.02.2018. godine.
3. Programski ciljevi i zadaci Udruženja su: stručna edukacija članova udruženja i drugih zainteresovanih (djece, omladine, studenata i ostalih građana) u oblasti obrazovanja, nauke i istraživačke djelatnosti kroz škole, seminare, radionice, kurseve, projekte i ostale aktivnosti u skladu sa Statutom; uključivanje i usmjeravanje svojih članova u naučno-istraživačke aktivnosti i projekte; organizira pripreme i stručnu obuku članova udruženja za sve oblike istraživačkih aktivnosti; organizacija raznih radionica, edukacija, koje će motivisati članove udruženja za bavljenje naučno-istraživačkim radom; saradnja sa stranim nevladinim organizacijama, znanstvenim institucijama i pojedincima kroz edukacije članova te upoznavanje kulture i novih tehnologija drugih naroda, programa, seminara koji će za cilj imati unaprijeđenje obrazovanja i naučno-istraživačkog rada; promovisanje važnosti svih vrsta obrazovanja, nauke i istraživačkog rada, sa posebnim osvrtom na ekologiju i razvoj ekološke svijesti, a sve za opći napredak i razvoj cijele društvene zajednice; organizovanje seminara, edukacija i takmičenja iz oblasti istraživačkog rada; radi zadovoljavanja edukativnih, savjetodavnih, odgojnih, kulturnih ili stabilizacijskih aktivnosti članovi mogu formirati trajne ili povremene interesne grupe, sekcije koje mogu pokretati i provoditi odgovarajuće specifične akcije, koje su u skladu sa djelatnošću Udruženja Razvojno istraživačkog centra Sarajevo; drugi ciljevi u skladu sa zakonom i Statutom.
4. Osoba ovlaštena za zastupanje i predstavljanje je: Mirza Ibrahimović - predsjednik Upravnog odbora.

Broj 03-03-05-1731/18
23. februara 2018. godine
Sarajevo

Ministar
Mario Nenadić, s. r.

(O-210/18)

Ministarstvo pravde i uprave Kantona Sarajevo, rješavajući po zahtjevu Udruženja Asocijacija arhitekata Sarajeva, na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udruženje Asocijacija arhitekata Sarajeva, sa sjedištem u Sarajevu, ulica Terezije bb - Collegium artisticum, Sarajevo, upisano u registar koji se vodi kod Ministarstva pravde i uprave Kantona Sarajevo, rješenjem broj 03-05-05-299/01 od 17.09.2001. godine, pod registarskim brojem 510 knjiga II registra udruženja.

Broj 03-03-05-4331/17
05. aprila 2017. godine
Sarajevo

Ministar
Mario Nenadić, s. r.

(O-211/18)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja za razvoj sporta Sportski klub "SNJEŽAK", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje za razvoj sporta Sportski Klub "SNJEŽAK", skraćeni naziv je Udruženje SK

- "SNJEŽAK", sa sjedištem u Sarajevu, ulica SENADA MANDIĆA DENDE broj 6.
- Upis je izvršen pod registarskim brojem 2327. knjiga V registra udruženja, dana 02.03.2018. godine.
 - Programski ciljevi i zadaci Udruženja su: plansko usmjeravanje aktivnosti kluba u pravcu razvoja i unapređenja ski i snowboard sporta, orijentiringa, alpinizma, biciklizma i sportova na vodi na osnovama prirodnih resursa i izgrađenih olimpijskih objekata na području Kantona Sarajevo; plansko usmjeravanje aktivnosti kluba u pravcu razvoja i unapređenja amaterskog sporta i podizanja sportskog i kulturnog razvoja djece i omladine i ostalih zainteresovanih lica kao i lica sa posebnim potrebama; stvaranje materijalnih i kadrovskih pretpostavki za rad kluba; razvijanje i unapređivanje skijaškog, snowboard sporta, orijentiringa, alpinizma, biciklizma i sportova na vodi, organizovanje škole skijanja i snowboarda, za sve uzrasne kategorije kao i za školu orijentiringa, alpinizma, biciklizma, sportova na vodi i ekstremnih sportova, angažovanje odgovarajućih stručnih kadrova, školovanje novih kadrova; organizovanje i provođenje kurseva i seminara iz oblasti ekstremnih sportova; organizovanje i provođenje trenažnog procesa priprema takmičara u svim sportovima koji egzistiraju u okviru udruženja; obezbjeđenje trenažno-takmičarskih poligona i izgradnja i održavanje objekata za smještaj takmičara za vrijeme organizovanih priprema; kandidovanje i organizovanje skijaških i snowboard takmičenja, kao i takmičenje u orijentiringu, alpinizmu, biciklizmu, sportova na vodi i ekstremnih sportova; nabavka ski i snowboard opreme i opreme za orijentiring, alpinizam, biciklizam i sportova na vodi, obuka za sve organizacije i pojedince rekreativce koje to imaju u svojim planovima, učešće u snimanju filmova i dr.
 - Osoba ovlaštena za zastupanje i predstavljanje je:
Amir Kazazović - predsjednik Upravnog odbora.
Broj 03-03-05-1618/18
02. marta 2018. godine
Sarajevo
Ministar
Mario Nenadić, s. r.
(O-216/18)

Ministarstvo pravde i uprave Kantona Sarajevo rješavajući po zahtjevu Udruženja Centar za edukaciju i osnaživanje mladih "Spectrum", na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udruženje Centar za edukaciju i osnaživanje mladih "Spectrum", sa sjedištem u Sarajevu, ulica Drinska broj 88, upisano u registar koji se vodi kod Ministarstva pravde i uprave Kantona Sarajevo, rješenjem broj: 03-03-05-12956/16 od 22.11.2016. godine, pod registarskim brojem 2190. knjiga V registra udruženja.

Broj 03-03-05-1901/18
15. februara 2018. godine
Sarajevo

Ministar
Mario Nenadić, s. r.
(O-217/18)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "GORSKA SLUŽBA SPAŠAVANJA TREBEVIĆ", Ministarstvo pravde i uprave donosi

RJEŠENJE

- Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "GORSKA SLUŽBA SPAŠAVANJA TREBEVIĆ", skraćeni naziv je

"GSS TREBEVIĆ", sa sjedištem u Sarajevu, ulica BROADAC broj 1.

- Upis je izvršen pod registarskim brojem 2332. knjiga V registra udruženja, dana 14.03.2018. godine.
- Programski ciljevi i zadaci Udruženja su: učestvuje u akcijama spašavanja i evakuacije putnika iz žičarskih kabina Trebevičke žičare, kao i da učestvuje u sprječavanju nesreća na koridoru Trebevičke žičare i njezinom neposrednom okruženju; učestvuje u preventivnim i operativnim mjerama zaštite i spašavanja koje se odnose na spašavanje u planinama i planinskim naseljima, na stijenama, speleološkim objektima, urbanim sredinama i drugim nepristupačnim mjestima, pri nepovoljnim vremenskim uvjetima (snijeg, niske temperature, poplave, magla, zemljotres i sl.), kada pri spašavanju treba primijeniti posebno stručno znanje i upotrijebiti odgovarajuću opremu za spašavanje u planinama odnosno na pogođenom području; učestvuje u edukaciji iz oblasti zaštite i spašavanja lica i imovine po standardima Međunarodne komisije za spašavanje u planinama "ICAR- CISA"; učestvuje u edukaciji iz oblasti zaštite i spašavanja lica i imovine u urbanim sredinama prilikom elementarnih nepogoda; učestvuje u obukama, vježbavanjima traganja i spašavanja korištenjem helikoptera te ostalih letjelica i prometnih sredstava; učestvuje u obukama spašavanja na mirnim i divljim vodama; učestvuje u potrazi za izgubljenim ljudima u planinama i drugim nepristupačnim područjima; učestvuje u spašavanju ljudi iz speleoloških objekata, iz kanjona, sa litica, kao i drugih nepristupačnih područja; učestvuje u spašavanju ljudi u urbanim područjima, na visinama i visokim objektima u slučaju potresa, poplava, elementarnih nepogoda i drugim nesrećama zahvaćenim nepristupačnim područjima; učestvuje u spašavanju ljudi na uređenim i neuređenim skijalištima, lavinama i drugim nepristupačnim područjima; učestvuje u transportu povrijeđenih i oboljelih ljudi i članova gorske službe spašavanja sa planina i drugih nepristupačnih područja; ostvaruje saradnju i koordinaciju sa organima civilne zaštite i drugim fizičkim i pravnim licima u preduzimanju postupaka za spašavanje ljudskih života i imovine u složenom pristupu unesrećenim i pružanju prve pomoći u planini i na drugim teško pristupačnim područjima uz primjenu odgovarajuće tehnike i opreme gorske službe spašavanja na pogođenom području.
- Osoba ovlaštena za zastupanje i predstavljanje je: Faruk Kadić - predsjednik Udruženja.

Broj 03-03-05-3074/18
14. marta 2018. godine
Sarajevo

Ministar
Mario Nenadić, s. r.
(O-244/18)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Košarkaški klub Libertas, Ministarstvo pravde i uprave donosi

RJEŠENJE

- Upisuje se u registar udruženja koji se vodi kod Ministarstva pravde i uprave Kantona Sarajevo Udruženje Košarkaški klub Libertas. Skraćeni naziv je: KK Libertas, sa sjedištem u Sarajevu, ulica NOVOPAZARSKA broj 40 LJ.
- Upis je izvršen pod registarskim brojem 2292. knjiga V registra udruženja, dana 07.11.2017. godine.
- Programski ciljevi i zadaci Udruženja su: razvijanje i unapređenje sportskih aktivnosti kroz omasovljenje košarkaškog sporta; organizovanje i uključivanje u košarkaški sport omladine s ciljem općeg podizanja nivoa fizičke kulture, zdravstvenog i psihofizičkog stanja i radne sposobnosti;

razvijanje duhovnih i temeljnih ljudskih vrijednosti, posebno razvoja moralnih i kulturnih ljudskih osobina; razvijanje radnih navika, te smisla za izgradnju jake socijalne ličnosti; organizovanje sportskih aktivnosti i okupljanje sportskih radnika u cilju razvijanja i poticanja sportskog amaterskog rada; edukacija i afirmacija košarkaških trenera; obezbjeđivanje neophodnih uslova za rad talentiranih sportista u cilju razvijanja i poticanja sportskog amaterskog rada; formiranje i obrazovanje omladinskih takmičarskih ekipa u oblasti košarke radi postizanja značajnih ekipnih i pojedinačnih rezultata; formiranje muške seniorske ekipe; formiranje ženske seniorske ekipe, razvijanje odnosa međusobnog razumjevanja, uvažavanja, solidarnosti i humanosti; učestvovanje i organizacija zvaničnih i drugih

takmičenja u košarci; vaspitavanje svojih članova, praćenje školovanja i vođenje brige za što bolji rad i uspjeh članova u školovanju; razvijanje saradnje sa drugim organima i organizacijama u zemlji i inostranstvu na ostvarivanju zajedničkih ciljeva.

4. Osobe ovlaštene za zastupanje i predstavljanje su:

Mirza Smajović - predsjednik Udruženja,
Jasmin Topalović - zamjenik predsjednika Udruženja.

Broj 03-03-05-14305/17
07. novembra 2017. godine
Sarajevo

Ministar
Mario Nenadić, s. r.
(O-255/18)

SADRŽAJ

KANTON SARAJEVO

Skupština Kantona Sarajevo

1. Odluka broj 01-05-14551/18

Vlada Kantona Sarajevo

1. Zaključak broj 02-05-14056-1/18
2. Sporazum o osnovici za obračun plaća u 2018. godini za djelatnosti srednjeg obrazovanja i kulture u Kantonu Sarajevo
3. Kolektivni ugovor za djelatnost srednjeg obrazovanja u Kantonu Sarajevo

Ministarstvo finansija

1. Odluka o preraspodjeli sredstava u Budžetu Kantona Sarajevo za 2018. godinu za budžetskog korisnika KJU "Disciplinski centar za maloljetnike"

Ministarstvo privrede

1. Pravilnik o dopuni Pravilnika o djelatnostima obaveznih članova Turističke zajednice Kantona Sarajevo

Ministarstvo kulture i sporta

1. Pravilnik o kriterijima za podršku finansiranju javnog interesa u sportu Kantona Sarajevo

GRAD SARAJEVO

Gradonačelnik

1. Ugovor o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine
2. Odluka o odobravanju sredstava sa pozicije: tekuća rezerva

OPĆINA NOVO SARAJEVO

Općinski načelnik

1. Zaključak o unosu namjenskog transfera u Budžet Općine Novo Sarajevo

OPĆINA STARI GRAD SARAJEVO

Općinsko vijeće

1. Odluka o dodjeli u zakup poslovnog prostora u ulici Čulhan broj 4
2. Rješenje o izboru predsjednika, zamjenika predsjednika i članova Komisije za priznanja Općine Stari Grad Sarajevo
3. Rješenje o razrješenju i imenovanju člana Komisije za predstavke i žalbe
4. Saglasnost općinskom načelniku za neposrednu dodjelu - prenos prava zakupa poslovnih prostora u ulici Kovači broj 57 i Kovači broj 59
5. Ugovor o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine

OPĆINA VOGOŠĆA

Općinsko vijeće

1. Odluka o pristupanju izradi Izmjena i dopuna Regulacionog plana "Rosulje" na lokalitetu uz ulicu 24. juna (Skraćeni postupak)
2. Odluka o pristupanju izradi Regulacionog plana "Naselje Travnjak"
3. Odluka o izmjenama i dopunama Odluke o Pravobranilaštvu Općine Vogošća
4. Odluka o odobravanju i izdvajanju novčanih sredstava iz Budžeta Općine Vogošća za 2018. godinu za RVI 100% I grupe - paraplegičare sa mjestom prebivališta na području općine Vogošća

Općinski načelnik


1. Odluka o povećanju prihoda i rasporedu rashoda

FEDERALNI ZAVOD ZA STATISTIKU

1. Saopćenje o prosječnoj isplaćenju mjesečnoj neto plaći zaposlenih u Kantonu Sarajevo za januar/siječanj 2018. godine



Sarajevo, 2017.



Mato Tadić

PRIVREDNO PRAVO

PREMA PROGRAMU
PRAVOSUDNOG ISPITA
(treće izmijenjeno i dopunjeno izdanje)

Sarajevo, 2016.

"Službene novine Kantona Sarajevo" - Izdaje Kanton Sarajevo - Redakcija i administracija: JP Novinsko-izdavačka organizacija Službeni list BiH - Sarajevo, ulica Džemala Bijedića 39/III - Poštanski fah 3 - Direktor i odgovorni urednik: Dragan Prusina - Telefoni: Centrala: 722-030 - Direktor: 722-061 - Pretplata: 722-054, faks: 722-071 - Oglasni odjel: 722-049, 722-050, faks: 722-074 - Služba za pravne i opšte poslove: 722-051 - Računovodstvo: 722-044, 722-046 - Komercijala: 722-042 - Pretplata se utvrđuje polugodišnje, a uplata se vrši UNAPRIJED u korist računa: UNICREDIT BANK DD 338 320 22000052 11 - VAKUFСКА BANKA d.d. Sarajevo 160 200 00005746 51 - HYPO-ALPE-ADRIA-BANK A.D. Banja Luka filijala Brčko 552-000-00000017-12 - RAIFFEISEN BANK d.d. BiH Sarajevo 161-000- 00071700-57 - Štampa: Unioninvestplastika d.d. Sarajevo - Za štampariju: Jasmin Muminović - Reklamacije za neprimljene brojeve primaju se 20 dana od izlaska lista.
Upis u sudski registar kod Kantonalnog suda u Sarajevu, broj UF/I 2168/97 od 10. 07. 1997. godine. - Identifikacijski broj 4200226120002. - Porezni broj 01071019. - PDV broj 200226120002. Pretplata za I polugodište 2018. za "Službene novine Kantona Sarajevo" iznosi 80,00 KM.
Web izdanje: <http://www.sluzbenilist.ba> - godišnja pretplata 240,00 KM po korisniku.